

96406

# مکتوبات

---

مندرجاتی

کلامی درگاه شریفی پوست نشینی رشادتلو الحاج محمد اسعد افندی  
حضرتلرینک خلفا و اخوان دینه تحریر بیوردقلمری مکتوبلردر .

مرحقی محفوظلدر

درسعادت

مطبعة احمد کامل — بایزید چادر جیلر

۱۳۴۱ — ۱۳۴۳

# مکتوبات

مندرجاتی

لامی درگاه شریفی پوست نشینی رشادتلو الحاج محمد اسعد افندی  
نرتلرینک خلفا و اخوان دینه تحریر بیوردقلری مکتوبلردر .

مرحفی محفوظدر

در سعادت

مطبعة احمد کامل — بایزید — رجب

۱۳۴۱ — ۱۳۴۳

بسم الله الرحمن الرحيم الحمد لله رب العالمين والصلاة والسلام على  
سيدنا محمد وآله وصحبه اجمعين

### برنجی مکتوب

بسم الله الرحمن الرحيم

حق جل وعلا حضرت تری کلام قدیمده (ولقد کرما بنی آدم)  
آیت کریمه سنی فرمان بیورمشدر . عجبا بو مکرم بنی آدمدن مراد  
کیمدر ؟ آب وکلدن مرکب بر جسم مادیمیدر . قوه ناطقه ايله جنس  
حیواندن تمایز ایتش نوع انسانیمیدر ؟ البته بودکلدر . زیرا سسمنده  
سرکش نفسک عنان فضایحی اطلاق ایدوب تجاوزات نامشروعه سیله  
شاهد نازنین شریعت و محبوب قلوب طریقتی بائمال ایدن شهوات سفلیه  
انجانی اصلا مکرم اولاماز . ارباب عرفان و اصحاب وجدان نظرنده  
بومقوله انسان بر شخص نادانن باشقه بر نام ايله یاد اولنه مازه مکرم  
اطلاقه شایان اوله جق بنی آدم انجق تعلیم نفس و تهذیب اخلاق ايله  
تزین ظاهر و باطن ایدن خادمان سرا پرده شریعت و محرمان نازنینان  
طریقت اولان بختیاران امتدر .

معلوم اولدینی اوزره انسانلری نائل سعادت ایلک ایچون جناب  
خالق عظیم و فاطر حکیم جل شانہ حضرت تری هر بر عصرک حال و شانیه  
موافق و هر بر قرنک ایجابات زمانه سیله متناسب بر نبی محترم یا خود  
بر رسول محتشم ارسال بیورمش اولدینی و او ذات شریفه تودیع  
بیورمش اولان احکام جلیله السیهیه اتباع ایدنلرک مقامات عالییه  
اورقاده بولندقلری . مسلم اولدینی کبی خاتم الانبیاء والمرسلین مظهر  
(وما ارسلناک الا رحمة للعالمین) افدمن حضرت تری دخی شریعت و طریقت

مکتوب	برنجی
تاریخ	۱۳۰۲
محل	کتابخانه
شماره	۱۰۰
ملاحظات	

مطهره سیله برابر مکارم اخلاقی تقیم و محاسن اوصافی تعلیم کبی بر مقصد علوی اوزرینه ابتناء قوللری ایچون احسان و ابعاث بیوردی .

سعادث بشریه نك اس الاساسی و مدنیت مطلوبه نك روح الارواحی مثابه سنده بولنان نصوص قرآنیه و احکام جلیله فرقانیه بی اکتناه و اتباع ایدنلرک شاهراه ترقیده نائل سر منزل مقصود اوله جقلری طبعیدر .

صحائف تعریفیه بی مطالعه ایدنلرک معلومی اولدینی اوزره شمس تابان اسلامیتک شرف طلوعیدن مقدم طائفه عرب عشایر عدیده و قبائل کثیره یه منقسم اولغله برابر آباء و اجدادلرندن توارث ایدن بغض و عداوت سائقه سیله دمام غارات جاهلیه و محاربات دمویه لری نقصان اولمز و آرقه پی آلتقی بیلمنمزدی . اصلاح حاللرینی کافل پر قانون الهی نابود و استقباللرینی تأمین شاهان اوله جق بردستور مباهی مقنود ایدی . سوء اخلاق طبیعت ثانیه حکمنی آلمش و فقر و احتیاج نقطه جکرلرینه کار ایتمش اولان او وحشی انسانلر او انسان شکننده اولان جانورلر سید کائنات و مفخر موجودات علیه افضل التحیات افندمز حضرتلرینه ایمان و انتساب و ماء الحیات شریعت اوزرنده کی اجتماع و اتفاقلری سایه سنده و آزرمدت ظرفنده کره ارضک هر جهتنده عدل و انسانیق تأسیسه باشلادیلر . انوار مدنیت و معارفک نشر و تعمیمه مبادرت ایلدیلر . اعتقاد صحیحه توحید ایله منور و کمال عن و شرفله وجوده کلان بر حکومت فاضله ایله مبشر اولدیلر .

شونی ده علاوه عرض ایده رملکه ؟ مائده احسان الهیه صدر اولده بولنان ملت اسلامییه منحصر اولیوب هر نه زمان اولورسه اولسون شریعت مطهره احمدیه یه اتباع ایلین بالجله طوائف اسلامیه نك اوکی

عنایت صمدانیه دن بکما لها حصه مند اوله سیله جکاری ( ان تنصر و الله ینصرکم ) آیت جلیله سیله ثابت و مبرهندر . حضرت الله عصر حاضرده بولنان و زکاوت فطریه لری انکار اولمیان اخوان منوره الافکار منری دخی ماء الحیات شریعت و طریقته احیا و مدینه وجودلرینی زلال اسلامیتله اروا و اسقا بیورسون آمین .

### ایکینچی مکتوب

بسم الله الرحمن الرحيم

( تعاونوا علی البر والتقوا ) آیت جلیله سنه امثالاً منسوبی بولندیغمز امت محترمه اسلامییه و ملت معظمه عثمانیه نك سعادت دنیویه و سلامت اخرویه لرینی کافل و برچوق حقایق خدا پسندانه بی شامل طبع و تشرینه همت بیورلمش اولان جریده فریده لری منظور باصره تشکر و افتخار درویشانهم اولدی . جناب خالق عظیم الشان حضرتلری قلم شیرین رقمکزی طوطی شکر افشان و قریحه ملیحه کزی دریای بلاغت نشان ایلسون آمین .

تصوف سر لوحه سیله بیان بیورلمقده اولان مباحث منیفه و مناقب شریفه نك طوائف اسلامییه دن یالکز صوفیه یه اختصاصی زعمنده بولنان . عقول کاسده نك ظنون فاسده لرینی تصحیح و تعدیله مدار اولمق اوزره مساعدده علیه لرینه اغتراراً برقچ سوز سویلکه قیام ایلدم .

معالم فاضلانه لری اولدینی ارزره بالجله نفوس بشرک امیال و احتیاسات سفلیه دن تجریدی و آمال مستوجبه النجات علویه یه تصعیدی کالات معنویه ایله آراسته و معارف روحانیه ایله پیراسته اولمق فضیلتیه

وابسته در . قال الله تعالى ( قد افلح من ركبها - وقد خاب من دسها )  
انوار معارفی قلوب موحدینه ایداع واسرار حقایق افئدة مسترشدینه  
افراغ ایچون شاهراه سعادت : نیجه دهور واعصاری حس حرمتله  
کورمش و نیجه قرون وادواری روی رغبتله کچیرمش اولان طریق  
صوفیه یعنی خلاصه الخلاصه احکام فرقانیه اولدینی جای اشتباه دکلدر .  
شومقدمه بی بسط و بیاندن صکره شونی ده افاده ایدر مکه :

جنس حیواندن عقل و عرفان ایله ممتاز بولنان نوع انسان میاننده  
بر فرد وارمیدر که اقبالنی آرزو ایتمسون ، استقبالی تأمینیه غیرت ایلمسون .  
البته یوقدر . لکن دائره استقبالی تحدید ایدنلر یعنی برنجی خطوه سی  
قبزه اولان سفر آخرتی نظر اعتنایه آلمیلنلر شبهه سز چوقدر . بو کجی  
اخوان دیندن برنجی استرحام شوندن عبارتدر که :

اولا حد اعظمی اکثریتله یوز سته بی متجاوز اولمیان عمر دنیا  
ایله حد و یایانی تصور اولنه میان عمر عقبانی موازنه و درجه اهمیتلرینی  
مقایسه بیورسونلر .

ثانیاً ؟ تأمین آسایش دنیویه و احتیاجات مادیة جسمانیة نك بذل  
نفوس و اموال ایله حصولی نه مرتبه مسلم ایسه ( ان الله اشترى من المؤمنین  
انفسهم و اموالهم بان لهم الجنة ) آیت کریمه سی کجی ادله قاطعه و براهین  
ساطعه ایله ثابت و مبرهندر که سعادت اخرویه و سلامت سرمدیه ناموس  
عدالت و قسطاس کرامت اوزره تأسیس بیورلمش اولان شریعت غرای  
احمدیه و طریقت معلائی مصطفویه به اعتنا و انفس و امواله متعلق بالجملة  
اوامر و تنکالف الهیه بی صغا ایله امکان پذیر اوله جغنی دوشونسونلر !  
ثالثاً بالکمز اهل ایمانه خطاباً شرفصادر اولان - ای مؤمن قوللرم  
سز خالق عظیمیکیزک اوامرونواهیسنه اطاعت و انقیاد صورتیله کندیگز

و حسن تربیه سایه سنده عائله کزی عذاب ناردن قور تاریکیز معناسنده کی  
( یا ایها الذین آمنوا قوا انفسکم و اهلیکم ناراً ) آیت جلیله سنک اهمیتنی  
تصویر و اوصورتله خط حرکتلرینی تقدیر ایلسونلر ! شبهه سز علیم  
و حکیم اولان حق جل و علا حضر تلری ( الیوم اکملت لکم دینکم )  
نص شریفیله ختامی بیان بیوریلان کلام قدیمنده اصلاً فضله بر سوز  
سویله من . قطعاً لزومی اولمیان بر امری ویرمن . زیرا الله جمله نك معلومی  
اولدینی اوزره عباد اللهک ادبیات ایله معروف و فی الجملة علم و عرفان ایله  
موصوف اولانلردن بیله لزومسز بر نطقک صدورینه احتمال ویرلمز .  
همان حق جل و علا حضر تلری شدت شتانک حلولندن مقدم کمورک  
لزومنی حس ایلیان عقل دنیایی ویرمش اولدینی مثللو قبرک ظلمتنی  
کوسترمزدن اول تنویرینک لزومنی فهم و ادراک ایدر بر عقل عقبانی  
دخی جمله یه احسان بیورسون . بعدالموته مخصوص اولان فائده سز  
ندامتلردن محافظه ایلسون آمین .

### اوچنجی مکتوب

بسم الله الرحمن الرحيم

حق تعالی حضر تلری کلام قدیمنده ( ولتکن منکم امة یدعون الی الخیر  
و یأمرون بالمعروف و ینهون عن المنکر و اولئک هم المفلحون ) بیورمشدر  
بو آیت جلیله نك خلاصه معناسی بروجه زیر تفسیر و بیان بیورلمشدر .  
معلوم اولدینی اوزره کفارک عادات جاهلیه و اخلاق نامرضیه لرندن  
اجتناباً اهل ایمانک بادی خلاصی و باعث فوز فلاحی اوله بیله جک  
حقیقتلر صردسندنه عمومه خطاباً شرفصادر اولان آیات سابقه ده اولان

تقوى و طاعت و ثانياً اهل ايمانك يكدىكريله اتفاق و اتحاد و محبتله امر بيورمشدر .

اشبو حقيقت مشروعه ي . افراد اسلاميه نك جلي ، بدوى ، قروى  
محدثى قسملرينك جاهلرينه تعليم و تفهيم باينده بيورموركه ( اى جماعت  
مسلمين سز لردن بر طاقه علوم دينيه يى تعليم و تحصيلدن صوكره عوام  
ناسى توحيد حقيقى به دعوت ايتسون شرعاً عقلاً مستحسن اولان  
اشياى كندوسى اجرا ايتد كدن صكره سائرلرينه امر ايتسون كذلك  
قيسح اولانلرى كندوسى منتهى اولدق دن صكره ديكرى ده نهى ايتسون .  
ايشته بونلر حقيقه اصحاب فوز و فلاحدرلر شايد جناب حفاك اوامر  
نواهيسته اعتنا ايتز و علمى اقتضاسنجه اطاعت و امتثالده بولمزشه تبليغ  
احكام الهيه شايان اوله ماز ايتسه بيله تاثيرى كوريله ماز خلاصه كلام  
حق تعالى حضر تلى عوام ناسك ظلمت جهل و معاصيدن خلاص و انوار  
معارفدن بهره مند اولملى ايجون بر جماعت مخصوصه نك علماً عملاً  
استكمالنى امر و كفايه طريقه فرض بيورمشدر .

بو وظيفة مقدسه نك بار مابه الافتخارى شبهه سز علماء ظاهر  
و علماء باطن يعنى مشايخ كرام افنديلر ك عهده كفائت و لياقتلرينه  
تحميل بيورمشدر .

اولا علماء ظاهر دن بحث ايده لم : هر كسك مشهود و مسلمى اولدينى  
وجه اوزره طريق علميه يى اختيار و التزام ايدنلر ك وطن عزيز لرندن  
يار و ديار لرندن افتراق ايدوب اون بش يكرمى سنه كى بر مدت مديده  
ايجون مدارس كوشه لرنده كربت ذلت و محنت غربتى اختيار و تحصيل  
علوم اوغرنده صرف ماحصل اقتدار ايده رك عالم اولمقده و مسائل  
شرعيه يى مراجعت ايدنلره تعليم ايله مكده بولندقلى جاى اشتباه دكلدر

( شكر الله تعالى سعيهم ) لكن علم ظاهر دن دهام مهم ودها دقيق اولان  
علم باطن خصوصنده بوكون كافه انامك نقطه نظرى هربرى بردرگاه  
شريفى اداره ايتمكده اولان شيخ افنديلره معطوفدر . اخوان دينز  
نزاكتاً نقصانلرمزى مواجهه سويلدكلى بران واحده سبق ايدن  
آيت كريمه ايجانجه ؛ اولاً سير وسلوك سايه سنده تحصيل ايتش اولديغمز  
آداب طريقتمزى ؛ ثانياً قولاً فعلاً اعتقاداً شرع شريف دائره سنده  
بولان عمل و عبادتمزى ، ثالثاً رجال طريقت يتشدير مك خصوصنده  
مطلوب اولان اثر سعى و غيرتمزى تحقيق و تجسسدن خالى بولندقلى  
شبهه سزدر .

( حاسبوا انفسكم قبل ان تحاسبوا ) حديث شريفنه امثلاً انسان  
هر كس دن مقدم كندى نقصانلرى آرايوب بولق و آندن صكره اسباب  
استكمالنى تأمينه مسارعت ايتك كى عرفان اوله ماز .

معلوم اولدينى اوزره طريق عليه دن كذران ايدن باجمله سلف  
صالحين و اوليائى كاماين دائمى صورنده كندى قصور و نقصانلرى  
تفتيش و تفحصدن غافل بولونما مشر . نفسلارى ايتامدن تكدير دن  
نويچدن خالى قالمامشر . تأييد ايماندن ، تربيت ايقاندى ، تحصيل عرفاندى  
استغنا بيورما مشر ( اطابوا العلم من المهدى الى الحد ) حديث شريفنه امثلاً  
طريق تقيض و استفاده دن آيرلما مشر . منسوب اولدقلى شريعت مطهره  
و طريقت منوره نك نوريله واصل سر منزل سعادت اولدقلى كى  
منتسبلرى دنخى او مسلك مستقيمى دن تسليك ايله شاهراه نجاته دلالت  
و ارشاد بيورما مشر .

زمانمزه مصادف اولان اخوان دين تعليم طريقت ايجون سلف  
صالحينه مراجعت ايده ميه جكارى بديهي بولنديقندن موجود اولان مشايخ

وقتہ عرض احتیاج ایتلری ضروریدر . طالب طریقت اولنلرک ماده  
معناً اسباب تفیض وترقیلرینی تأمین وبخصوص شریعة وطریقة  
اعتقادلرینی اخلاص ایله جک اقوال و افعالدن توفی ایله مک شبهه سز  
مشایخ وقتک فریضه ذمتیدر . دنیاده اولسون اخراده اولسون وسیله  
مفخرتیدر جناب حق جل وعلا حضرتلری جله منزی بوکی خدمات  
مقدسه دن محروم بیورمسون پیران عظام افندیلر مرکز آثار فیض  
وبرکتلرینی اوزریمزدن اکسیک ایتسون آمین .

### دردنبی مکتوب

بسم الله الرحمن الرحيم

استعین بالله (سبح لله ما فی السموات الخ) بعض آیات کریمه ده  
دخی (یسبح) بیورمشدر . یعنی ازمئه ثلثه ده ودائی صورتده هرشی  
حق تعالی حضرتلری جمیع نقایصدن تنزیه وتقдіس ایدر .  
اشیاء ؛ ذوی العقول وغیر ذوی العقول اولق اعتباریله ایکی قسمه  
منقسمدر . ذوی العقول اولان قالاً وذوی العقول اولمیان ایسه علی  
روایة یالکز حالاً حق تعالی حضرتلرینک وحدانیت وصمدانیتنی ،  
جمیع نقایصدن برائی اقرار واعتراف ایتمکده در . زیرا عدمدن  
وجوده کلن برعالمک برصانع قدیم وخالق عظیمه ، وحدانیت وصمدانیت  
کی صفات کمالی جامع بر ذات واجب التعظیمه ازهرجهت احتیاجی ادله  
قاطعہ وبراهین ساطعه ایله ثابت ومبرهتدر .

(لوکان فیهما آلهة الا لله لفسدتا) آیت جلیله سندن آکلاشیلدیغنی  
اوزره اشیا ایستر نجوم وکواکب کی علوی ، ایستر حیوانات ونباتات

کی سفلی اولسون بیکارجه سنه لردنبرو لایتغیر ولایتزلزل بر قاعده  
ثابتہ وبرحکمت بالغه اوزره دوام واستمراری قطعياً دلالت ایدیورکه  
جناب حقندن بشقه برالله یوقدر .

استعین بالله (هو الاول والاخر الخ) حق تعالی حضرتلری اولدر  
ازلیدر آخردر ابدیدر انقضا واتهان منزهدر . ظاهر در . بومشهوداتک  
کافه سی اثر قدرتیدر . باطندر ، اسرار الوهیتی کائناتک هر ذره سنده  
مکنوندر وجله سنه واقفدر . یعنی سابقاً ولاحقاً کافه موجودات  
تعالی وتققدس حضرتلرینک انوار وجودندن انعکاس ایتش بر طاقم  
ذرات ومظاهردر . حقیقته ذات اجل واققدسندن باشقه بر موجود  
مستقل یوقدر . (لاموجود الا هو) مع مافیه حق تعالی حضرتلری  
کنندیسنه مخصوص اولان عظمت والوهیت صفتلرندن هیچ بر موجودی  
حصه مند بیورمماش اولدیغندن عبد نعمت وجود ایله شکر وقناعت  
ایده رک وظیفه عبودیتی اخلاص والقا آت شیطانیه تبعاً مزالقی اقدم  
اولان حلول واتحاد کی برطاقم خیالات باطله ایله اشتغال ایتمه ملیدر .  
(هو الذی خلق السموات والارض فی ستة ايام الخ) جناب حق  
اولیله برقادر قیومدرکه ؛ بهر کونی بیک سنه کی اولان ایام سته ده  
شو کوردیکمز سموات ایله کره ارضی خلق واکمال ایتش وجله سنی  
دائرة اطاعت وانقیادینه داخل بیورمشدر . ایسته دیکنی یابار ،  
دیله دیکنی آن واحده اجرا ایدر . جناب الله : کائناتی برآنده خلق  
ایتمه قادر ایکن ایام سته ده اراده وفرمان بیورمسی اسباب وآلاته  
ووسائل وادواته محتاج بولنان قوللرینه امور وخصوصلرندسته تعجال  
ایتهمک حکمتنی تعلیم ایچونددر .

(یعلم ما یلج فی الارض وما یخرج منها وما ینزل من السماء وما یرج

فیها) ارضه داخل اوله جق هر بر حبه و ذرات ایله یردن چیقان کافه نباتاته عالمدر . کذلک سادن نازل اولان قطرات امطار ایله سایه عروج ایدن انجره وادخنه و اققدر . آیات قرآنیه نك معانی ظاهره سیله برابر معانی باطنیه سی دخی موجود اولدینی احادیث شریفه ایله ثابت بولدیغندن بوآیت کریمه نك اشارات باطنیه سنده عرفای امت ؛ ( ما یخرج فی الارض ) سالک ک کلبه وارد اولان معارف ربانیه و ( ما یخرج منها ) مکاشفات قلبیه و ( وما ینزل من السماء ) اسماء و صفات الهیه دن ترشح ایدن علوم لدنیه و ( وما یخرج فیها ) کلمه طیبیه اشارت اولدینی بیان بیورمشلردر .

طرق علیه رجالدن بر ذاته مراجعتدن مقصد : سالک ک زمین استعدادینه معارف الهیه بذرلرینک اکلیدر . یانکیز ذکر تعلیمی دکلدر . زیرا بوجهت مطالعه کتب ایله ده میسر اوله بیلور .

عبدالقادر کیلانی قدس الله تعالی سره النورانی حضرتلری منتسبین طریقتلرینه خطاباً :

بن سرك یانکیز ظاهر یکیزی تزیننه مأمور دگم . بلکه اراضی قلوبکیز معرفه الله فدانلرینی دیکمکه و آنلری اسقا و تربیه اتمکه مأمورم . تا که بیوسون دال بوداق ویرسون برک وبارندن استفاده اولنسون بیورمشلردر .

اوت ! بر انسان نفس وشیطان کی ایکی عدو اکبره مقاومت ایدهمیه جکندن بونلره غلبه اتمک و جلائل مواهب ربانیه دن بولسان انسانیت و اسلامیتک غایه سی اولان سعادت ابدیه و سلامت سرمدیه نه نائل اولاق ایچون طرق علیه عرض دخالت وعلیه الصلاة والسلام افندیمن حضرتلرینه منتهی اولان برسلسله الذهب معنوییه ربط انابت

ایتمک لازمدر . سالک طریقت : انحق اومعنوی اولان قوت اومولوی اولان معاونت سایه سنده دشمن اقبال ورهزن حال واستقبال اولان نفس وشیطان غلبه ایدر . وحق تعالی حضرتلرینه کمال اطاعتله کندینی مقرب ایلر . یعنی صراط مستقیم شریعتدن ذرهجه انحراف ایلر .

قال تعالی ( و هو معکم اینما کنتم ) معلوم اوله که : بومعیت معیت ذاتیه وزمانیه اولدینی کی حلول و اتحاد طریقیله ده دکلدر . بلکه مجموع مظاهره شمشک ضیائی کی مجرد ظهور و حضور طریقیله در . یعنی حضرت الله جمیع افعالکیزه کافه احوالکیزه واققدر . عالمدر ناظر در . سموات وارضنده هر نه که موجود ایسه کندی ملکیدر . وهر کی اعمال صالحیه و یا فاسده سی نسبتنده جزالندیر مق حق صریحیدر . بوآیت جلیله یی بیلدکدن صکره آحاد ناسک حضورنده افعال قبیحه یی ارتکاب ایدمیانلر حضور اقدس باریده نه جسارتله او افعال قبیحه یی تصدی ایدمیه جکلری جداً شایان حیرتدر . عجبا بوکیلر ده عاقل دینیرمی ؟

حق تعالی حضرتلری ! وحدت ، قدرت ، وکبریا و عظمت کی بعض صفات الهیه سی بیان بیوردقلرینی متعاقب قوللرینی ذات اجل واعلاسنه ورسول دیشان محتباسنه ایمانه یعنی انقیاد واطاعت و اتفاق مال صورتیه محتاجینه معاونته مأمور بیورمشدر . زیرا عمل وعبادتدن جاری اولان بر ایمانک ، بر قول مجردک سبب نجات اوله میه جفی حدیث شریفده بیان بیورمشدر . کذلک وجوب ایچون اولان امر الهی موجبنجه زکات و تصدقندن امتناع ایدنلر : اولاً خالق عظیمه عاصی اوله جکلری کی حقوق ناسی دخی ابطال اتمش و بخلا صنف سافله داخل اولمش اولورلر . بخلیک ایسه بلاعذاب و لاعقاب داخل جنت



اوله ميه جفنى مخبر صادق عليه الصلاة والسلام افنديمى حضرت تلى حديث شريفارنده مع القسم بيان بيورمشلردر .

(العبد وماله المولاه) قاعده سنجه قوللرك يداصرفنه توديع ايدلمش اولان مال و ثروتك كافه سى حقيقتده حق تعالى حضرت تلىينه عائد اولمغله برابر ايمان و اطاعت و اتفاق مال ايله فقرا و ضعفايه معاونت ايدن اصحاب مرحمتك فضلاً و كرمأ اجر كبير ايله تلطف و تبشير بيورلمش اولدقلى مواهب سنية الشيه دندر .

لكن بوكى صفات حسنه ايله موصوف اولميا نلرك حقلرنده بشارت اولمدينى شويله طورسون برطاقم وعيد ايله ده تهديد بيورلمش اولدقلى نظر اعتبار وغيرتدن دور طو تلاميدر ،

### بشنجى مکتوب

بسم الله الرحمن الرحيم

قال الله تبارك وتعالى (وما لكم ان لا تنفقوا في سبيل الله والله ميراث السموات والارض) بوآيت جليله مؤمنلرك سبب نجات و بادی دخول جناتى اولان صدقاته بحق رعایت ايتيمان كوته نظران امتك حالندن استغراب صورتيه فرمان بيورمشدر . اوت حقیقه اغنيا و اصحاب ثروتك اتفاق في سبيل الله خصوصنده كى تسامح و تهاونى جدا شايان تأسفدر .

زيرا عليه الصلاة والسلام افنديمى حضرت تلى (الشحيح لا يدخل الجنة) يعنى بخيل اولان كمسه قبل العذاب جتته داخل اولاماز بيورمشلردر .

كذلك (الصدقة افضل من الصيام والصيام حية من النار) يعنى صدقه رمضان شريفك غيرنده واقع اولان صيامدن افضلدر . صوم ايسه انسانى نار جعيمندن وقايه ايجون قائلان مقامنده در . بيورمش اولدينى كى زكات خصوصنده دخى (لا يقبل الله الايمان والصلاة الا بالزكاة) يعنى زكات و يرميانلرك ايمان و صلاتى جناب حق شايان قبول بيورمى . كذلك مالئك زكاتى و يرميان يوم قيامتده نار جعيمده در . مألنده برخيلى احاديث شريفه نك وارد اولدينى دين مبين اسلام سايه سنده عذاب اليمدن قورتولق املنده بولنان ارباب عقولك معلوم اولسه كر كدر .

شومقدمه يى ، شو حقيقت مجسمه يى سرد و بيان نصكره براز دخى آيت جليله دن مراد اولان خلاصه معنائك ترجمه و تفسيرينى بيان ايدم . معلوم اوله كه جناب حق جل و علا حضرت تلىنك (وما لكم ان لا تنفقوا) جمله جميله سنده واقع اولان خطاب مستطاب عموم اهل ايمانه قارشو بولندينى جاى اشتباه دكلدر . يعنى اى جماعت مؤمنين مال دنيا نك صورت صرفى ايله صرفنده موجود اولان فوائد و محسنات بر خيلى آيات بينات ايله تبليغ و اثباتدن صكره اتفاق في سبيل الله مسئله مهمه سندن سزلى منع ايدن نه كى شيلردر . عبادار الفتاى دنيا ده باقى اولمديغى كزى و دارالبقاى عقبايه انتقال ايتكه مجبور بولنديغى كزى و باخصوص الكزده موجود اولان بالجملة اموال و اشيا دن يالكز بر كفن مقدارينى آلوب سائرلرينك تركيله محكوم اولديغى كزى بيلمديكى مى ؟ محقق بيلكز كه الكزده موجود اولان مال و ثروتدن آريله جقسكز . جناب حى باقى

مخلفاتکزی ایستدیکي قوللرینه احسان ایلر . سز لر دخی نائل اولدینکیز  
فرصتدن محروم اوله رق ترک حیات ایدرسکیز . آیات جلیله نك ساحة  
تفسیرنده موجود اولان کمال وسعت نقطه نظرندن بوراده دخی بر قاج  
معنای مهمه یه اشارت رادرر .

برنجیسی : کیرا خانه لرنده اقامت ایتکده اولان مستأجرین بر  
خانه دن دیگر خانه یه نقل ایدرکن بتون اشیا سنی کندیسيله کوتوروب  
سوکیلی اموالندن برشی ترک ایتیه جکی معروف و متعارف اولدینی حالده ؛  
هر شیه محتاج اولان خانه قبره کیدنلر سوکیلی اشیا لرندن قسماً اولسون  
برشیئی برابرلنده کوتورمه ملری جداً شایان تحیر و تحسدرر .

ایکنجیسی : جناب حق کندی قوللرینه امانه احسان بیورمش  
اولدینی اموال دن آیريله جنی جای اشتباه دکلدر . شو قدر وارکه اطعام  
فقرا ، اکسای ضعفا ، انشاء مساجد ، احیای معابد و با خصوص  
عزت اسلام وقوت اهل ایمان ایچون وجودی وجوب تحتنده بولنان  
ادوات حربیه و وسائل نقلیه صرف و معاونت صورتیه اولان مفارقت  
اموال عاجلاً اولسون آجلاً اولسون جالب مدح و ثواب اوله جنی بدیهی  
ایکن محضا خست طبیعت و دنائت جبلت یوزندن و یا خود آیات قرآنی  
واحادیث پیغمبری یه عدم اعتماد جهتندن شاعت بخی شرافت سماحت  
اوززیه ترجیح ایدنلرک یعنی فضله اموالی قسماً اولسون وجوه  
مذکورنه برینه صرف ایتیه رک عاقبت موت ایله مفارقت ایلانلرک  
مستحق عذاب و عتاب اولمقدن خوف و توقی ایلملری حقیقه جای  
تأسف و تلهفدر . مولام جمله مزی اوصراط مستقیمدن آیرماسون آمین .

## آلتنجی مکتوب

جناب قادر عالم و فاطر حکیم قوللرینی ظلمت جهالتدن خلاص  
ایچون رحمة للعالمین اولان حضرت محمد علیه السلامه محض نور  
اولان بردستور الهی بر حله اخلاقی یعنی قرآن عظیم الشانی احسان  
بیوردی جناب حق توحید واراده جلیله لرینه تسلیم ترقیات مادیه  
و معنویه یی مفید اولان علوم و عرفانی تحصیل التزام عفت و ترصین  
اساسات اخوة مثلوا بشرک ارشادی ایچون احتوا ایتدیکي اسبابی  
ایضاح ایلدی . بو دستور الهی یه رعایت بوحله اخلاقیه یه توفیقاً  
حرکت ایدنلر اخلاقک پایه بلندینه واصل و محترم بر ملت اولمشلر  
علامه لر و یو کسک مدینتک یتشذیره بیله جکی الکیوک انسانلر وجوده  
کثیر مشلدرر بوا یسه قرآن عظیم الشانک علی العاده بر کتاب اولمدینی  
و انسانلری خواب غفلت و جهالتدن مدار خلاص اوله حق اخلا-  
قسزلنی فنانی کو کندن چیقاروب محبت ، صداقت ، مرحمت ، حسارت ،  
سعی و غیرت ، کبی الک قیمتلی فضائی تعلیم ایلان بر کتاب ربانی بر حله  
رحمانی اولدیغندن بشقه برشی اولمدینی تظاهر ایدر بو قرآن کریمی  
دقیقه مطالعه ایدنلر انسانلرک احراز ایده جکی بتون شان و شرفی  
ذنبوی و اخروی بتون سلامت و سعادت اواراده بوله جقلرینه اصلا  
شبه ایتیرلر . بو مقدمه یی افاده دلصکره علاوه عرض اولنورکه :

معلوم اولدینی کبی انسانلر دنیا ده اولسون عقبا ده اولسون  
نائل سعادت و سلامت اولق ایچون غایت مهم غایت مقدس ایکی شیئه  
محتاجدر . بونلرک بری و یا خود برنجیسی مطالب عالی روحیه دن  
عبارتدرکه ؛ بو ذروه اعلا و موهبه عظمایه نائل اولانلر یالکیز اخرا ده

دكل بلكه اولاديه بيله بكام ومظهر احترام اولدقلرى براهه مسلم نامدر.  
(ولن خاف مقام ربه جنتان)

ايكنجيسى مطالب عاديه جسميه در . مع مافيه بووظيفه نك برنجي  
وظيفه ايله دركار اولان تعلق وشدت ارتباطنى نظردن دور طوميه لم  
زيرا انسان هرشيدن اول لوازم جسمانيه عريض احتياج ايدر . آج  
وصومنز قاليرسه ولوازم حياتك تداركندن عاجز بولنورسه سعادت  
معنويه سنه خادم اوله من . مسكينانه يشايوب روحك قباليسى خاطر بيله  
كيز (رسول اكرم صلى الله عليه وسلم) افنديمز حضرتلرندن (انسانك  
تأمين معيشته سعي وغيرت ايتسى عقل ودينك ثمره ييدر . ) مألده  
حديث شريف وارد اولمشدر . جناب حقه هزاران شكر لراولسونكه  
توسيع معيشت ايچون قوللرينك مساعي مشروعه سنه دخى عبادت  
لظريله باقش وشر عشريف دائره سنده بولنان مالزمه جسمانيه نك  
كافه سته مساعده بيورمشدر .

شو مقدمه دن مقصد فقيرانه م شريعت وطريقتك ترقيات ماديه  
مانع اولماقكله برابر دنيا وعقبا ايچون صرفى لازمك مساعينك بر  
مرتبه جديده وبر درجه حقيقه ده ملتزم بولمىنى افاده دن عبارتدر .  
بناء عليه عهد كفايتلرينه من طرف الله (امر بالمعروف ونهى  
عن المنكر) وظيفه نظيفه سى توديع بيورلمش اولان رجال علميه واكابر  
صوفيه دن مأمول ومنظر اولان امورك برنجيسى مساجد ومدارسلرنده  
وتكاي وزوايلرنده اوقات مخصوصه ده متعلمين ومنتسبين ايله وقوع بولان  
اجتماعلرنده معارف اسلاميه وفائس روحانيه مزك نشر فوائديله بسط  
موائدينه عنايت بيورلوق .

(انما المؤمنون اخوة آيت جليله سى ايجانجه . ايكنجيسى تعمياً  
اهل دينه توجيه ايديله جك محبت وصادقتك شوائب ريا ومداهنه دن  
وارسته بر صورتده مؤمنينك متحدالقلوب اوله رق حيات وماتلرى  
وعزت وعزتلرى يكديكيرينه پيوسته بولنوق لزومى افهام وباخصوص  
رجال صوفيه وجنود معنويه نك تشديرلمسى مقصديله بر مکتب مقامنده  
انشا بيورلمش اولان برچوق درگاه شريفك ايفاي وطاقلرينه اعتلاى  
شان وشرفلرينه اعتنا بيورلوق خصوصلريد .

جناب حق جل وعلا حضرتلرى جمله مزى او كى خدمات  
مقدسه يه موفق بيورسون . واقفلرك وصاحب خيراتلك وطالب  
طريقتلك حقوق مشروعه لرينه رعايتى وباخصوص منسوبى بولنديغمز  
طريقت عليه پيران عظامندن اخذ وتلقى ايلديكمز امرلره اطاعتى  
بادى سعادت ووسيله سلامت بيورسون آمين .

### يدنجى مکتوب

بسم الله الرحمن الرحيم الحمد لله حق حمده والصلاة والسلام على  
سيدنا محمد وآله وصحبه . اما بعد افاده اولنوركه طريقته تشبنديه ده  
مرعى ومعمول اولان اوراد واذكارى شفاها تعريف ايتمش اولديقم  
جالده تخرير آدخى بر صورتك نزد فاضلانلرنده بولمىچون سبق  
ايدن اشعار عاليلرى موجبجه مبتدى ايچون لابدى اولان بر مختصر  
تخريزه مباشرت ايلدم شويله كه :

برمريد صادق هر كون صباح نمازند نصكره متوجهاً الى القبلة الشريفه  
سجاده اوزرنده كال تأدبله وجناب حقى كورورجه سنه او طورملى اول  
كندى تقصيراتى تفكر ايدوب ندامت ايدرك يكرمى بش كر . (استغفر الله)

سویلی بعدہ رسالتناہ افندمن حضرت تیرینہ یکر می بش کرہ «صلاة وسلام»  
کوند رملی صکرہ بر فاتحہ بر الم نشرح اوج اخلاص شریف سورہ  
جلیلہ لرینی اوقویوب حاصل اولان اجر ومثوباتی علیہ الصلاة والسلام  
افندمن حضرت تیریلہ آل واصحاب کرامک ومشایخ ذوی الاحترام حضرت اتنک  
ارواح طیبہ لرینہ ہدیہ ایتلی .

ثانیاً «کل نفس ذائقة الموت» آیت کریمہ سی اجانبجہ بر موت محقق  
معروض نیچہ بی آمانی اولہ جغنی وبالجملة مالندن وولندن آریلہ رقی بالکنز  
بر کفن ایلہ عازم دار آخرت بولنہ جغنی دوشونملی .

«یوم لا ینفع مال ولا بنون الا من اتى الله بقلب سليم» فحواستجہ  
امراض قلبک شفاسنہ مدار اولہ جغنی اسبابنک لزومنی تفکر ایتلی .  
کذلک «ذکر الله شفاء القلوب» یعنی جناب حق ذکر، حسد، ریا،  
کبر کی امراض قلبیہ بی ازالہ ایچون عین شفا در مآلندہ اولان احادیث  
شریفہ موجبنجہ ذکر قلبہ درکار اولان احتیاجی تقدیر ایللی و بومقصد  
اقصایہ وصول ایچون سلم تعالی اولان طریقت علیہ نک مهم بر عامل اولدیغنه  
قانع بولنمیدر . بوایسہ ہر فنک بر آداب تعلیم وتعلیمی و ہر علمک بر طریق  
افادہ واستفادہ سی اولدیغی کی ذکر قلبی دخی اخذ وتلقی ایتک (استعینوا  
فی کل صنعة بصالح اهلها) حدیث شریفی موجبنجہ بر مأذون ارشادک  
بر ناصح عبادک بر مرشد پاک نہادک دلالتنہ توسل ایتکک حاصل اولہ جغنی  
بدییدر .

بناء علیہ بر انسان اولاد کر قلبہ ثانیاً بر معلم مغنویہ یہ احتیاجی تقدیر ایدر  
اندن صکرہ جناب حقہ خطا با الہی علم ظاہر خواجہ لرینک لسانندن بر معلمک  
سامعہ سنہ ایضال ایتدیکک مسائل کی رحمة العالمین اولان علیہ الصلاة والسلام  
افندمن حضرت تیرینک مبارک قلب شریفہ و آندن دخی شیخمنک قلبنہ وارنجہ یہ

قدر مقدسلاً ورثہ کرامک قلب شریف لرینہ اعطا واحسان بیوردیغک  
ذکر قلبی شیخ افندمنک قلبندن بنم قلبنہ احسان بیور دیہ رک استرحام  
ایلر وصول ممہنک آلتندہ اولان وقلب حقیقینک اشیانہ سی بولنان قلب  
جنوبرینسہ عرش الہی اولان قاب مرشددن فیوضات صمدانیہ نک  
نزول ایچون انتظار واسترحامدہ بولنور . و ہر نہ قدر آرزو ایدرسہ  
استرحامنی تمدید ایلر آندن صکرہ قلباً ذکرہ باشلار .

بو ذکرہ لسانک بوغازک ہیچ برمدخی یوقدر . ذا کر اولان  
کیمسہ متفکر در . کویا صول ممہنک تختندہ کی قلب بر انسان کی «الله»  
بردر سویلیور ذا کرہ آتی ہم استماع ایدیور ہمہ اللہ تسبیح ایلہ  
قلبک ذکرینی تعداد ایدیور . بو تفکر بو استغراق ایلہ بر قاجیوز و یا خود  
بر قاج بیگ دفعہ اسم جلالی ذکر ایدر باذن اللہ تعالی اول بال  
ذکر اللہک قابنہ منطبع ومتقش اولدیغی ادراک ایلر «واذ کر ربک فی نفسک  
تضرعاً وخیفۃ» کذلک «ولا تکنوا کالذین نسوا اللہ فانسیهم انفسهم  
اولئک هم الفاسقون» کی آیات جلیلہ اولان اوامر ونواہی یہ امثال  
وجناب حقک مطیع اولان قوللری عدادینہ داخل اولمش بولنور .

طریقت علیہ نقشبندیہ نک دائرہ نجات باہرہ سنہ دخول ایدن و بر  
منوال مذکور اوراد واذکارینہ شروع ایلین بر طالب صادق ایچون  
غایت مهم بر کیفیت دہا واردر . اودخی «و کنوا مع الصادقین» آیت  
جلیلہ سنہ اتباعاً شیخی خاطرہ بولندیر مقصدن عبارتدر . بونک حکمتی  
ایسہ :

معلوم اولدیغی اوزرہ نفس وشیطان کی ایکی دشمن بی آمانی مدافعہ  
ایلک ہر بر یکیتک کاری دکلددر . کور بیورز کہ بودشمنلر میلیونلر جہ  
مؤمنلری اغفال ایدہ رک جناب حق کی بر خالق عظیم لرینہ بر رازق

کریملرینه بر ولی نعمت مستدیملریتیه عاصی ایدرهك مستحق عذاب وعقاب ایلمکدن خالی قالمیورلر وبرقوته استناد ایتدیکجه نیجه شقاوتلرندن تخلص کریبان ایدهمیورلر . بناءً علیه سالک بوقوتی علیه الصلاة افندمز . منتهی اولان سلسله مشایخن اراملی وجناب حقه صادق بر قولی اولدیغنی اعتقاد ایدرهك کندیسنه شیخ اتخاذایتدیکی بر کیسه یه ارتباط معنویه ومحبت قلبیه ومعیت روحانیه دن بکله ملیدر .

روحانیت انوار نوعندن اولدیغنی ایچون ضیائی شمس کی مسافه قرب وبعدهك تأثیرندن وارسته در . ( کرددر یمنی چوبانی پیش منی . ور بیش منی چوبانی منی در یمنی ) شعر فارسیسی دخی بو حقیقتی ایضاح ایچون شاهد عادلدر .

نه حاجت ؛ ذکر اولنان آیت جلیله ده کی فرمان الاهی به امثالاً جناب حقه صادق بر قولی پدر معنوی اتخاذا ومعیت روحانیه لرینی اغنام ایدنلر سعی وغیرتاری وطریقت علیه اطاعتاری نسبتنده نفس وشیطانك تعرضندن تخلص جان ایتدکلری وتأمین استقبالاری ایچون شریعت مطهره وطریقت منوره نك دارالاماننده بولندقلری هر زمان مشهود باصره امتنا من اولقده در .

جناب حق بالجمله امت محمدك باصره محاکمه لرنده کی یرده خطابی زائل وبر خیلی آیات کریمه واحادیث شریفه ایله تنور ایتش اولان شمس تابان حقیقتك مشاهده سنه نائل بیورسون آمین .

سکزنچی مکتوب

معلوم انام و مسلم اقوام اولدیغنی مثللو بنی نوع بشری حسیض جهالت وسفالتدن ذروه سعادت وسلامته اعتلا ایچون یگانه واسطه نك

علم وعرفان اولدیغنی جای اشتباه دکلددر . بناءً علیه ( طلب العلم فریضة ) الی آخره حدیث شریفی وارد اولمشدر . ایچنده بولندیغمز حیات قانییه هر نه قدر احتیاجات جسمانیه من وار ایسه وحیات ابدیه ده هر نه مرتبه فیوضات روحانیه من منتظر ایسه جمله سنك تأمین میرشد علم وعرفانك دلالتیه پذیرای حصول اوله جفی شبهه سزدر . انتظام دنیا وا کتساب عقبی ایچون لازمکن سعی وغیرتک بر درجه کفایه ده بولنسی محسنات اسلامیه دن اولدیغنه دائر ( اعمل لدنیاک کانک تعیش ابداً واعمل لاخرتک کانک تموت غداً ) فرمان بیورولمشدر .

شو قدر وارکه تقدیم اهم علی المهم قاعده سنه رعایت ایدن وتأمین استقبال مسئله سنی وجوب تختنده مشاهده ایلین اهل ایمان بغایت محدود اولان بر حیات مستعاریه خدمتدن فضله بعدالمات اولان بر حیات ابدیه ده او وحدت خان سرمدیه ده خدمتارینی تحت مجبوریتده کورمشلدر ( دنیای آرزو ایدن علم تحصیل ایتسون آخرتی ایتسان علم تحصیل ایتسون ایکیسنه ده طالب اولان علم تحصیل ایتسون ) مألنده دخی بر حدیث شریف وارد اولمشدر . شو قدر وارکه نفس نشوه اولاسنده بر طفل مادرزاد حکمنده اولوب تربیه واسطه سیله اصلاح ویا افساده مستعد بولندیغندن بر عالم نامور بر حکیم حذاقت کسرتک تحت تربیه سنه موفق اولورسه اکتساب علوم وفنون ایله تزین ذات وصفات ایدرهك هم کنیدی سفالت دنیویه واخرویه دن قورنارر همده ( تعا ونواعی البر والتقوی ) آیت جلیله سنه اتباعاً بر چوقلرینك استفاده لرینه وسیله اولور . معاذنا الله دین ودیانت شرفندن محروم وحواس مادیه ومعنویه سنی بش اون کون قیلندن بولنان سعادت دنیا به محصور ایدن بر کمره ک تربیه سنه تصادف ایدر ایسه بالعکس ضال ومضل اولور کیدر . حال بویه

ایکن جرأئد اسلامیه نك برنده مطالعه كندار فقیرانهم اولان بعض فقر دلرینه تصادف اولنیور كه حقایق اموره واقف اولمیان برطاق شبان امت و نورسیدكان ملتك عقائد اسلامیه و مؤسسات مذهبی لرینی تارومار ایتكه مدار کافیدر . مثلاً بریسی ؛ زده اساساً عصر ك احتیاجاتیه ، ترقیاتیه متناسب بر تحصیل علمی واری نه کز ر : بر دیگرى ؛ فرنكلر دها اون طقوز یكرمی یاشنه کیرنجه حقیقه اصحاب ذکاوت ایسه لر عادتاً برر علامه اولور لر بر دیگرى دها - روظلو کبی دهات عادتاً او سن اول شبا بده موجد مخترع بردهات اولدیلر . بردها - هیچ بزدن بو نوع علوم حقیقه و تجربه دیده علامه لر ، علمی جهانہ تسلیم ایتدیرن علامه لر یتشدیمی ایشتدیکز می . بوا یسه کنایه دکل صراحة ملت معظمه اسلامیه نك کالات بشریه و مزیات علمی و عملیه دن بی نصیب اولدقلرینی اعتراف ایلک دیمکدر . فی الواقع ترقیات حاضره صناعیه لرینه و تسهیل معیشت لرینه خادم اوله جق مخترعات فیه و معاملات تجاریه لرینه بریده حکمز یوقدر . لکن شونی دخی علاوه مقال ایدمیلور ز که ملل مذکور ه نك حائز اولدقلری مکملیت فیه و تحصیل ایلدکلری مزیات مادیه لرینک اس اساسی ینه او عوارف اسلامیه بی تشکیل ایدن معارف مکمله معقوله دن مقتبس بولندیغنی اثبات ایچون حکم و قوتی حائز آیات کریمه واحادیث شریفه کبی ادله قاطعه و براهین ساطعه مزینک چوقدر . رعنا بیلنمیلدر که فضائل مادیه و معنویه نك منبعی آیات کریمه در عمران ملک و ملتک یکانه معامی ینه آیات کریمه در همد اویله بر آیات کریمه که خالصاً من عند الله اولدیغی بو کون فرانسه ده تعظیم و تحیل ایلله یاد اولنان عالم لرینک اعترافیه اکتساب ثبوت ایشددر . صحائف تاریخیه دن مستبان اولدیغی مثللو ایام جاهلیتک یکدیگری حقنده کی تجاوزات

وحشیانه لر ی وریوه انسانیه دن بین السماء والارض بعید اولان معامله رزبان لر ی مشهور و مسلم ایکن انوار اسلامیت ایلله منور اولنجه عواطف کریمه ایلله معروف و مزایای سامیه ایلله موصوف اولم لرینه سبب آیات قرآنیه اولمدی ده نه اولدی . تمثال شہامت آنلر ، امواج فضیلت آنلر . سیر حکیمانه و سرائر عادلانه بی اخلافه تعلیم ایدن لر ینه آنلر اولدی . سفاسف اعمالدن ، سخائف افکاردن تمامیه کچدیلر سموات رفعتہ عروج کالات بشریه یه صعود ایلدیلر فیکراً ملکوره تقدم . همه کسر اله تفوق شان و شرفنده بولندیلر . نائل اولدقلری سطوت و سعادت سایه سنده ملوک جهانی اعتراف عجزه مجبور و حائز بولندقلری حکمت و مهابت پناهنده اعظم علمایی حیران و مبهور ایلدیلر . یعنی حق تعالی حضر ت لرینک او امر و نواهیسنه کال تسلیمیت سایه سنده موفقیتک هر نقطه سنی حائز اولدیلر او حانده بز نه ایچون علوم و عرفان کبی بر محصول قرآنی طائفه مخالفینه اسناد ایدلم . فیوضات باهره مزینک حق تعلیمی رطلویه کیرقویه اعطا ایلللم . بناء علیه شرف اسلام ایلله مشرف و نور ایمان ایلله منور اولان و باخصوص میدان حقایق شناسیده بر موقع ممتازک اجرای املنده بولنان محررین اسلامذن مامول و منتظر اولان برنجی وظیفه واجبات دینیه و مقتضای دنیویه بی تفریق ایتکله برابر انبای جنسی بلا تفریق مذهب سعادت اندیه بی موجب اوله جق اسبابک تأمینی و باخصوص عقائد اعماله دائر بولنان کتب معتبره نك تحصیلی باینده کی شوق و شطارت لرینی تزید ایلله جک سوزلری دریغ ایتامک و درجه ثانیه بدایع شتی و صنایع لالتحصایه دائر موجود اولان ترقیات حاضره یه مستعد اولنلری دخی عملاک غریبه ده کائن مکاتب مستحضره یه مراجعت لرینی توصیه بیور مق خصوصیدر . توالی ایام و تعاقب اعوام ایلله متصلاً فضلال ذوی الاخترامک

بیکار جه سنی یتشد یرمش اولان او مکاتب والای عرفانمزی اومراتب  
اعلائی ایمانمزی تزییف وباخصوص چرکاب ظلمتله تلویث ارواح ایلین  
برطائفی مصرأ علم و عرفان ایله تقدیس و توصیف ایلمکی کیمسه لایق  
کوره بیلیرز . بوبانده احمای اسلامیق التزام ایلین کیمسه دن بشقه کیمی  
ارائه ایده بیلیرز ( افقونا مأجورین ) بومقوله مقاله نك نشری وانظار عالمه  
وضعی محررین اجنبیه نك بریسند مشاهده اولنورسه اصلا شایان اسف  
واعتماد اوله من لکن ادبای اسلامیه دن برذات با کلاک قال و قلمندن جریان  
ایدرسه طوغریبی فریاد و فغاندن اغماض عین ایدیله من .

شعر فارسی

من از بیکانگان هرگز ننالم : که بامن هرچه کرد آن آشنا کرد

طغوزنجی مکتوب

جناب حقتک امرینه اطاعت ، نهیندن اجتناب هر بر مؤمن ایچون  
ممکناتدن اولدینی حالد بر طریقت علیه انتسابده کی غایه و مقصدک  
نه دن عبارت اولدینی سؤال بیورمش ایدیکز جواباً افاده اولنورکه :  
قطب ربانی و غوث صمدانی عبد القادر الکیلانی حضرت تلی ایله  
بر خلی اعظم رجال طریقت و شریعتک مؤلفاتنده ( من لاشیخ له  
فشیخه الشیطان ) قضیه سی حدیث شریف نبوی اوله رق افاده و بیان  
بیورمش و بونک صحت معناسی ایسه متعدد آیات کریمه ایله کسب  
ثبوت ایلشدر . ازان جمله حق جل و علا حضرت تلی ( الم اعهد الیکم  
یا بنی آدم ان لاتعبدوا الشیطان ) بیوریور . یعنی ای بنی آدم دلائل  
عقلیه و نقلیه ایله سزه امر ایتمدی شیطان عبادت یعنی امرلرینه اطاعت  
ایتمه یکز . دیمک که شیطان قوه مدافعه دن عاجز بولنان بر مؤمنه قارشو  
صفت آمریتی طاقتمق و القاء مفاسد ایله اطاعت مولادن آلیقویمق

خصوص صلیبی کنندیسی ایچون مهم بروظیفه اتخاذا یتمس و تأثیرینی بیه  
مشاهده ایلشدر . بناء علیه « و کونوا مع الصادقین » آیت جلیله سیله  
صادر اولان امرالهی به امثالاً برطریقت علیه دخالت و او طریقت  
علیه موجود اولان اکابر امتک امداد روحانیه لرله کسب قوت  
ایلمک ضروریدر . زیرا « من دخل قوماً فهو منهم » بیورمشدر .  
شبهه سز برانسان جماعت صوفیه به محبتاً التحاق ایدر و ذکر و فکر لرینه  
اشتراک ایلر ایسه آنلردن معدود اوله جنی کبی محشرده دخی زیرحمایه لرنده  
بولنه جقدر قال علیه السلام « یحشر المرء مع من احب » بومدعانک  
دها زیاده توضیح و تنویری آرزو اولنور ایسه « الخناس الذی یوسوس  
فی صدور الناس » آیت جلیله سنی ارائه ایده بیلیرز . جناب حق خناسدن  
استعاذه منی امر بیوریور . خناس شیطاندر بر شیطان مؤمنلری ترصد  
ایتمکده و قلبک ذا کر اولدینی احساس ایدنجه کیر و چکیلوب صا و شمعده  
اولدینی کبی ذکر دن غافل بولنانلرده القاء مفسدت ایلکده در .  
ایشته بونک ایچون دنیاده ایکن بر طریقت علیه انتساب ایتمک و مرشدک  
تعلم و تلقین ایتدیکی ذکر شریف ایله قلبی احیا ایلمک هر بر مؤمن  
ایچون اهم و الزمدر .

شونی ده علاوه ایدلم که : شیطان لعینک منتسبین مشایخه ظفریاب  
اوله میه جنی تفصیلات سابقه دن اکلشیلور ایسه ده مشهودات و مسهوعات ایله  
بومدعای اثبات ایلمک قابل اوله میور زیرا منتسبین میاننده قانون الاهی  
اولان شریعت مطهره نك بعض احکامنه رعایت و باخصوص علامت  
ایمان اولادن ادای صلاته حقیله دقت ایتمیان کیمسه لرده موجود اولدینی  
شبهه سزدر . بوکا جواب اوله رق افاده اولنورکه حدیث شریفده  
اولان شیخدن مقصد بواسم ایله مسمی اولان بر شخص اولیوب بلسکه

عارف بالله وصفاته اولقله برابر عبادات و طاعاته ولو که قلب و نیتده  
اولسون مواظب ، معاصیدن محتجب ، انهماک لذائد و شهوات نفسانیه دن  
معرض خادم شریعت و مروج طریقت اولان بر ذاتدر . بوبویه اولدینی  
کبی منسوب اولانلرک دخی مرشدک شریعت و طریقت دائره سنده  
بولنان امرلرینه اطاعت ایتسی لازمه دندر . الحاصل حدیث شریفک  
معنا و مفهومندن حقیقه مستفید اولق شرائط معروضه نك وجودینه  
متوقفدر . بومدعای آبات ایچون مثال اوله رق دییه بیلر که بر معلولک  
عالتندن رهاسی البته بر حکیم حاذقک و ویرمش اولدینی علاجک حسن  
استعمالنه متوقفدر . حکیم حاذق اولمز و یا خود معلول اولان کیمسه  
آلدینی علاجی حسن استعمال ایلز ایسه مطلوب اولان شفا انتظار اولمز .  
جناب حق جل و علا حضرتلری بالجمله موحدینی الی آخر الزمان  
طیب معنویدن نومید ایتسون امراض قلبیه لرینک بقاسیله عافیت  
اخرویه لرینی تهدید بیور مسون آمین .

### اوننجی مکتوب

بسم الله الرحمن الرحيم ( ان الصلاة تنهى عن الفحشاء والمنکر )  
آیت جلیله سنه نظراً ادای صلاة ایدن مؤمنلرک کافه منکرات و منهیاتدن  
محفوظ بولنسی ایجاب ایدر کن نیجه نیجه مصلیلرک بر طاقم محرمات  
و منهیاتدن تخلیص جان ایده مدکلری مشاهده اولنمقددر . بناء علیه  
بو بایده کی اشکالک حلی ایچون مراجعت ایدن برذاته ویرمش اولدیف  
جوابی آرزو ایدن اخوانک دخی مطالعه کذاری اولق اوزره علی  
وجه الاختصار تحریرینه اجتناسار ایلدم شویله که :

حق جل و علا حضرتلری ( قد افلح المؤمنون الذینهم فی صلاتهم  
خاشعون ) یعنی خشوع ایله ادای صلات ایدن مؤمنلر عذاب آخرتدن

قور تولدیلر بیورمش اولدینی مثلوا علیه الصلاة افندمز دخی ( لاصلاة  
لمن لا یخشع ) یعنی خشوعی اولمیان بر کیمسه نك نمازی شایان قبول  
اولاماز و موعود اولان فائده سی دخی انتظار اولمز دیمش لر در .  
بو کیلر آنجق شریعت فقطه نظرندن فرضی ادا ایتش و تارک الصلات  
ایچون مقرر اولان حد شرعیدن کنندی قور تارمش اولور . خشوع  
ایسه ظاهری و باطنی اولق اعتباریله ایکی به منقسم اولدیغندن بونلرک  
هر بر لرینی آریجه بیان ایلک ضروریدر .

خشوع باطنی ایچون اولاشونی افاده ایده ملکه ادای صلاته  
مباشرت ایدن بر کیمسه الله اکبردن السلام علیکم و ارنجهیه دکن  
کندیسنی جناب حقک حضورنده بولندیغنی بیلوب هیبت و عظمت  
الهییه قارشو کندیسنک نه مرتبه حقیر فقیر محتاج مرحمت مفتقر  
بر بنده پر معصیت اولدیغنی بیلمی و عبادتله میاننده جناب حقک  
اک زیاده سودیک اولان نماز سایه سنده قولاً و فعلاً طلب عفو  
و مغفرت و استیجاب لطف و عاطفت بقامنده بولندیغنی کال خوف  
و خشیتله دوشونمایددر . شبهه سز بوصورتله ادا اولنان نمازمن ملائکه  
کرامک انواع عباداتی جامع بولندیغندن سائر عبادتله افضل  
واسباب عفو و مغفرتک اکملیدر .

معلوم اولدینی اوزره ملائکه نك بر قسمی قیامده بر قسمی قعودده  
بولندقلری کبی بر طاقی رکوع و سجود ایله مشغول تکبیر و تحمید  
و تسبیح ایله مأمور بولندقلرندن ملت محترمه اسلامیه نك مصلیلری  
دخی فضائل مذکورده نك کافه سندن قسماً فیضاب اولمشدر .

خشوع ظاهرییه کلنجه : بر انسان نمازه باشلار باشلاماز کال



سكون ايله يعنى اطراف وجوانبه نظر ايتمهرك واعضا وجوارحنى  
حرركات نالايهقدهن محافظه ايدهرك حضور بارى تعالى ده بولنوب  
لسانندن جارى اولان كلماتك معنائنى تأمل ايتميدر . مثلاً (الله اكبر)  
دينجه حق جل وعلا حضرت تلى هر شيدن بيوك اولديغنى دوشونمليدر .  
(سبحانك اللهم وبحمدك) يعنى اى اللهم سنى حمد ايدهرك بالجمله  
تقايدندن تنزيه ايلرم . (وتبارك اسمك) وسنك اسم شريفك خير وبركاتى  
جامع اولديغنى بيليرم (وتعالى جدك) ودخى سنك عظمت وشانكى  
اعتراف ايلرم (ولا اله غيرك) وسندن بشقه بر معبود اولمديغنى قول  
اقرار قلباً تصديق ايلرم . (اعوذ بالله) جناب حقه صيغينيرم .  
(من الشيطان الرجيم) دركاه مرچمتدن مطرود اولان شيطانك  
دسيه لرندن (بسم الله) جناب اللهك اسم شريفى لسانمده وقلبمده  
بولنديغى حالده نماز شروع ايدييورم (الرحمن) اويله الله كه دنياه  
مرچتى هر بر موجوده شامليدر . (الرحيم) اخرته ايسه مطيع اولان  
قوللرينه جنت وجمالنى احسان بيوريجيدر .

(الحمد لله) حمد و ثنا الله ذوالجلال حضرت تلىينه مخصوصدر كه  
(رب العالمين) بالجمله عالمك خالق رازقى مرييسيدر . (الرحمن الرحيم)  
رحمان وحيمد . (مالك يوم الدين) يوم قيامتك مالك ومليكيدر .  
هر كسك كوزى آنك لطف وكرندهدر .

(اياك نعبد) اللهم يالكز سبكا عبادت ايدر (واياك نستعين)  
ويالكز سندن عنايت بكه رز . (اهدنا) بزلره هدايت ايله (الصراط  
المستقيم) جنته منتهى اولان طوغرى بر يولى (صراط الذين انعمت  
عليهم) يعنى انعامكه نائل اولان انبيا واوليانك سلوك ايلدكبرى شريعت

وطريقت مطهره ي (غير المغضوب عليهم ولا الضالين) مستحق غضب  
اولانلرك كذلك طوغرى يولدن صابان يهود ونصارا يولنك غيرى  
مصلى بوضو رتله فاتحه شريفه ي قراشدن صكره ايتديكى بر سوره دخى  
او قوروجناب حق تعظيم مقامنده ركوعه كيدر كندينى كوچولتير (سبحان  
ربى العظيم) سويلر يعنى بيوكلك ذات واجل واعلاسنه مخصوص اولان  
حضرت الهى كافه تقايدندن تنزيه ايلر (سمع الله لمن حمده ربنا لك الحمد)  
ديهرك ركوعدن قارقار سجده يه وارير .

معلوم اوله كه افعال عباد ايجنده الكزياده شاين قبول اولان شئي  
محيوتدر يعنى بر انسان كندينى حقير صغير ناجيز بر مخلوق اولديغنى  
وهر نه سى وارسه جناب اللهك مال وملكى بولنديغنى بياكمكبر سجده يه  
وارمق يرله قابلق خاك ايله يكسان اولمق ايسه فعلاً محويت مذكوره ي  
تمثال ايتمكده اولديغى كى قولاً دخى (سبحان ربى الاعلى) ي او قور  
يعنى قوة بدنأ قدر تأمالاً ملكاً هر كسك فوقنده بولنان حضرت الهى كافه  
تقايدندن تنزيه ايلر وتشهد ايجون اوطورر .

(التحيات لله) حمد و ثنا كى عبادت قوله حضرت اللهه مخصوصدر  
(والصلوات) كذلك عبادت فعليه (والطيات) عبادت ماله دخى بالجمله  
حق جل وعلا حضر تلىينه اولديغنى اعتراف ايلر .

شوقى افاده ايدلم كه عليه الصلاة والسلام افنديز ليله معراجده  
حضور حضرت رب العزته وارنجه وبواچ كلة طيبه ايله وظيفة حمد

وثنای ایفا اینجہ خالق تعالیٰ حضرت تدریدہ اوج کلمہ ایله یعنی (السلام علیک یا ایہا النبی ورحمة الله وبرکاته) ایله مقابلہ بیورمشلردر بونلرک معناسی یعنی عذاب دنیویہ و اخرویہ دن امنیت ایله برابر جناب اللہک رحمت و عاطفت و خیر و برکتی سنک اوزریک اولسون دیمکدر . اندن صکرہ بتکرار علیہ السلام افندیمر سلام باری تعالیٰ یه جواباً (السلام علینا وعلی عباد الله الصالحین) یعنی جناب حقک رحمت و عنایتی بزه و بالجمله انیا واولیا اوزرینہ اولسون تعیریله معروضاتده بولنشددر .

بعده لیلہ شریفہ معراجده واقع اولان بو کبی برماجریه کسب ووقوف ایلمین جبریل امین دخی (اشهد ان لا اله الا الله واشهد ان محمداً عبده ورسوله) یعنی جناب اللہک برلکنه و محمدک و کمال عبودیت و رسالتنه شہادت ایلمرم دیمشددر .

حضرت محمدک اسمی ذکر اولدقدہ صلات و سلامک کوندرلمسنک لزومی بدیی اولدیغندن تشہدک ختامنده (اللهم صل علی محمد) یاربی رحمتکی حضرت محمد اوزرینہ نازل ایت (وعلی آل محمد) همده محمدک بالجمله اقربا و تعلقاتی ایله امت اطاعتی اوزرینہ نازل ایت (کا صلیت علی ابراهیم وعلی آل ابراهیم انک حمید مجید) فصلک ابراهیم علیہ السلام ایله آلہ نازل بیورمشسک دیملی و بوندن صکرہ دعوات مأثورہ دن بریسی اوقوملی اندن صکرہ نمازہ مخصوص اولان حضور مقدس السہیدن خروج ایدہرک عالم شہودہ داخل اوله جنی ایچون اکر امام ایسه حاضر بولنان جماعت ایله ملائکہ کرامه واکر منفرد ایسه

صاغنده کی وصولنده کی ملائکینہ خطاباً «السلام علیکم» سولیہرک وظیفہ صلاتی ایفا ایلمیدر .

جناب حق و فیاض مطلق حضرت تدری موحدین اسلامی موفق بیورسون . مأمور بولندقلری نمازلرینی کمال حضور و خشوع ایله ادا ایتمکله قبلرینی یرنور ایلسون آمین .

### اخطار

حضرت محمد علیہ الصلاۃ والسلامک جناب حق جل و علا حضرت تدرینہ عرض و تقدیم ایتمش اولدینی التحیات لله والصلوات والطیات کلمہ طیبہ لرینی مصلی اولان کیمسه دخی کندی حسابنه یعنی کندی طرفندن تقدیم ایلمیدر حکایه نوغندن قرائت ایتمه ملیدر صکرہ جناب حقک بیورمش اولدینی سسلا می وعلیه السلام افندیمرک سلام السہی یه ویرمش اولدینی جوانی کذلک حضرت جبریلک کلمہ شہادتیی یعنی بونلرک جملہ سنی مصلی اولانلر کندی طرفلرندن قرائت ایلمیدرلر شونی ده افاده ایدلم که نمازک اولندن آخرینه قدر حضور و خشوعی محافظه ایتمک کبار اولیاء اللہک مشکلات ایله مقدوری اوله جنی مسائلدن بولندیغندن عوام ناس ایچون میسر اوله میه جنی طیبیدر شو قدر وار که نمازک هر هانکی برکستده اولورسه مصلی ایچون او نسبتده امید قبول شبه سزدر بناء علیہ ادای صلات ایدنلر میما ممکن حضور ایچون سنی و غیرت ایلمیدرلر .

### اون برنجی مکتوب

اخوان طریقت طرفندن واقع اولان بعض سؤللرک جوابیدر :

(س۱) بر طریقت علیه منسوب اولان بر شخص دیگر بر طریقت علیه انتساب ایدیلیر می ؟

(ج) بوشخص اگر شیخی وفات ایتش ایسه هر هانکی بر طریقت علیه کامل برذاته موفق اولورسه بلاتردد انتساب ایتلی و طریقتده کی نقصانلرینی اکیل ایلیدر . وفات ایتش ایسه کذلک تبرکاً انتساب ایده ییلیر . چونکه طریقت علیه ده تکامل ایتش اولان برذات منابع طریقت کافه سندن اخذ فیض ایش و جمله سنه آشنا اولمشدر .

(س۲) تبرکاً تعینندن مقصد ندر ؟

(ج) یعنی بر شخص کامل بر شیخی بر حیات اولدینی حلاله دیگر بر شیخک رابطه سنی ایتک و یا خود تحت تربیه سنه کیرمک مخالف ادب اولدیغندن دیگر بر شیخک آنجیق شرف محبتیه شرفیاب اولوق و انقاس طیه لرندن اقتباس فیض و برکت ایتک مقصدیه انتساب ایده ییلیر . یعنی رابطه سنی ایده من .

(س۳) بر سالک نه زمانه قدر محتاج رابطه در ؟

(ج) (یا ایها الذین آمنوا اذکروا الله الی آخره) آیت جلیله سنده کی مؤمن شبهه سزاجزای ظاهریه و باطنیه دن مرکب اولان بر شخص مؤمندر . ذکر ایتکه مأمور اولان دخی بوجھو عددر . یعنی یالکیز لسان و یا خود قلب کی بر جزئی دکلدر . بناء علیه انسانک جمیع جسدینک کذلک باطنیه اولان قلب ، روح ، سر ، خفی ، اخفا ، نفسنک دخی ذکر ایلسی لازم کیلور . بو ذکره نائلیت ایسه بر دلیل راهک ، بر مرشد دل آگاهک ظاهر و باطنندن استعانه و استفاضه ایله میسر اوله بیله جکندن بر سالک بو ذکرلری تأمین ایدنجه و مراقبه واصل اولنجهیه دکن

رابطه دن مستغنی اوله من مراقبه موفقی اولدقن صکره احتیاج حس ایدر ایسه رابطه ایدر ، ایتز ایسه ایتز .

(س۴) بر شیخک کامل اولوب اولدیغنک علامتی ندر ؟

(ج) شریعت مطهره و سنت سینه دن قولاً و فعلاً انحراف ایتماکله برابر شرف محبتیه سالیکنده محبت الله ، ذکر اللهک حصوله کلمی اوشیخک کالنه دلالت ایدر . شو قدر وارکه قوه ممیزه دن عاجز بر انسان اولورسه و شیخک ولایتی حقنده تواتر وار ایسه شرعاً تواتری قبول ایتماکله مکلفدر .

(س۵) بر سالک بر شیخک ارشاد و تربیه سندن مستفید اولدینی

تقدیرده نه یاعلیدر ؟

(ج) العلم علما : علم الابدان و علم الادیان حدیث شریفه نظراً علم طبابت ایله علم دیانت آره سنده برخیلی مناسبت واردر . بناء علیه بر معلول اولا بر طبییه مراجعت ایدر . علاجی حیه سنی و سایر مالزمه سنی اوکره نیر و طبییک امرینی تمسام اجرا ایدر . لکن مطلوب اولان شفایه نائل اولمزه شبهه سز دیگر بر طبییه مراجعت ایدر و معاتب اوله من . شو قدر وارکه الدینی امرلره رعایت ایتدیکی تقدیرده قصور و عتاب کندیسنه توجه ایدر .

کذلک بر سالک ایله بر مرشد آره سنده کی حال و کیفیت بوموال و وزره در بر سالک مرشدک امرلرینی نهیلرینی اجرا ایتدکن صکره مطلوب اولان نتیجه یه نائل اولدینی تقدیرده دیگر بر مرشدی آرا مقده معذوردر همد آرا میلیدر .

(س۶) بر سالک لطیفه قلبنده و یا خود لطائف خسه نک بر دیگرکرده

فضله حرارت حس ایدر و نویسیله راحت و حضورینی غائب ایلرسه نه

یا بمق لازم کایر (ج) شدت حرارت زائل اولنجه و حال اعتداله رجوع ایدنجه دکن ذکری ترک ایلا شوقدر وار که حرارتک بقاسنی موجب اولمز ایسه بعضاً رابطہ و بعضاً صلاة و سلام ایله اشتغال ایدہ بیلیر .

### اون ایکنجی مکتوب

طریقت علیہ مزک انوار فیوضاتندن حقیلہ مستنیر اولمق ایچون برطالب صادق نہ یا بمق لازم کله چکی سؤالکنزه قارشو جواباً افاده اولنور که : برسالکک تعالی و ترقیاتی و تعبیر آخرله طی مقاماتی شہہ سز اثنای سلوکنده مأمور بولندینی اوراد واذکارہ مواظبت وکمال رعایتی سنایہ سندہ اولہ جنی طبعی ایسده اساس اولمق اعتباریله ایکی حقیقتندن آیلماسی ده مقتضیدر . بونلرک برنجیسی ( ما آتی کم الرسول فخذوه و ما نہا کم عنه فانتہوا ) آیت جلیلہ سنہ توفیقاً شریعت مطہرہ ده کوسترلش وعلیہ الصلاۃ والسلام افندیمز حضرتلرینک اقوال و افعالندن اکلا شلمش اولان اوامر و نواہیدن سرمو انحراف ایتامسی اولدینی کی ایکنجیسی دخی ( وکونوا مع الصادقین ) امر الہی بہ امتثالاً سالکک اعتقادنجه امنیت و صداقتی تحقق ایتیش و التزام شریعت و طریقت کبی ایکی شاهد عادلک شہادتیلہ اہلیتی کسب ثبوت ایلش بر مرشدک دوام رابطہ سندن عبارتدر . شونی ده افاده ایدہ لم کہ شریعت مطہرہ نک اوامر و نواہی اعتباریلہ باشلیجه ایکی قسمی وارددر . اوامردن مقصد بالجملہ فرائض و نوافل اولدینی کی نواہی دخی جناب حقک حرام بیورمرش اولدینی قول و فعلدن عبارتدر قال علیہ السلام ( الایمان نصفان فنصف فی الصبر و نصف فی الشکر ) یعنی ایمان کامل ایکی نصفدر . بونلرک

برسی ارتنکاب مناہیدن امتناع معناسنه اولان صبرده و دیگرکی ایسه امثال اوامر و اطاعت السہیدن عبارت اولان شکرده در . معلوم اولہ که حدیث شریفده مناہیدن امتناع اوامرہ امثالدن مقدم ذکر بیورلمش اولدینی ایکی نکتہ یه اشارتدر کہ : بونلرک برسی دفع مفسدہ نک جلب مصلحہ دن مقدم بولندینی ایکنجیسی ایسه عبادات و طاعاتک کافہ سنی ایفا و اجرا ایلک قوہ بشرک خارجندہ و اجتناب مناہی ایسه ہر بر فردک امکانی داخلندہ بولندیغندن فوائدینک دھا شمولی اولدیغیدر . حتی دیہہ بیلیرم کہ عالم اسلام ایچون متصور اولان تعالی و ترقینک اک مہم سببی ترک معاصیدر . معاصیدن مبرا ترک معاصی صوابندن معرا بولنان ملائکہ کرامک مقام طیبیاریندن ترقی ایدہ مدکاری دخی بومعنائی مؤیددر : الحاصل منہیات و محرماندن توقی و اجتنابک ترقیات معنویہ یه خادم اولدینی قدر منافع مادیہ و فوائد جسمانیہ سی دخی نظر اعتباردن دور طوئلاملیدر . منہیاتک انسانلرک مال و جانہ شرف و شانہ ایراث ایتدیکی ضرر و زیانک قابل تلافی اولدینی اصحاب بصیرتک معلوم و مسلمیدر . مولام حضرتلری باصرہ مزنی مشاہدہ حقندن و سامعہ مزنی استماع حقیقتندن محروم بیورمسون آمین .

### اون اوچنجی مکتوب

اثنای رابطہ ده فقیر کزک صدردن یوقاروسی ذات محمدی اولدیغنی و نور شریفلریلہ محاط بولندیغنی و بعضاً ذات محمدی مثال خرقة اوزرمدہ بولندیغنی مشاہدہ ایتیمکده اولدیغکز بو دفعہ کی التفاتنامہ ده بیان

بیورلمشدی . بونک ایچون حق جل و علا حضرت تیرینه بالخاصه عرض  
شکران ایلدم . معلوم فاضلانه لری اولدینی اوزره رابطه دن مقصد  
استفاضه اولوب فیاض مطلق ایسه جناب حق دن بشقه سی اولدینی جای  
اشتباه دکلدر . شو قدر وارکه جناب حبیب خدا اعنی به محمد المصطفی  
افندیمز حضرت تیری دخی مظهر ذات وصفات الهی بولندیندن ( فاذا  
احببته کنت سمعه وبصره ولسانه ) الخ . حدیث شریف قدسیسه  
نظر آبی مشارالیه حضرت تیرندن استفاضه جناب حق دن استفاضه دیمکدر .  
( تخلقوا باخلاق الله و اخلاق رسول الله ) امر جلیل رسالت پناهی به  
امتثالاً اوصاف بشریه دن خارج و اخلاق مطلوبه یی حائز اولانلری یعنی  
فناء اتم ایله فنا فی الرسول ودها طوغریسی فنا فی الله شرف عال العالنه  
نائل بولنالرک دخی رابطه سی ( وابتغوا الیه الوسیلة ) آیت کریمه سیله  
عامه مؤمنینه امر و فرمان بیورلمشدر . رابطه اوله حق مرشدک اطوار  
و اخلاقی اخلاق رسالت پناهی به تابع اولدققه رابطه دن منتظر اولان  
فیوضاتک ظهوری عظیم الامکاندر . رابطه ایدن سالک ایسه شیختک  
اخلاق محمدی ایله ستخاق اولدینی شک شریعت و طریقت ایله تحقیق  
ایلمسی فریضه دندر . ذات فاضلانه لری نک ظهوراتی رابطه کزک محتنی  
تبشیر ایتکده اولدینی کی حق فقیرانه مده ده بیوک برالتفات و توجهات  
بامر الفیوضاتی مبشردر . بناء علیه بر طرفدن تبریک و بر طرفدن ده  
تشکراتی عرض و بیان شتابان اولورم والسلام علیکم .

### اون دردنبی مکتوب

مشرق عنایت کزدن طلوع ایدن شمس تابان عاطفت و کائنات وجودیمی  
لواحقیه برابر سوابق انواره غرق ایلین مهر ساطع محبت و بدر لامع

مودت کیزی تصویر و ترسیم ایدن احساننامه نامی آصفانه لری نک مندرجات  
معالی غایاتی چشمان شکرانمی منور و محتویات لطف آیاتک بوی دلجوی  
معنبری مشام جانمی معطر ایلدی ( چه مبارک سحرری بودچه فرخنده  
شی ! آیشب قدرکه آن نازه براتم دادند ) آوان مسعدت اقترانده  
وهر برکله سی برکوهر نادیده اولان تعیر غیر کزک مقنونی قالدینم بر  
زمانده وجود پرسود آصفانه لری نک آلام کونیة جهانندن مصون  
و عمر عزیز عارفانه لری نک کمالی عز و شرفله افزون و هر خصوصده  
توفیقات سبحانییه مظهر و مقرون بیورلمسک دعای خیریة خالصانه سی  
عن صمیم القلب تلاوت و تذکار و تقدیم اجابتخانه جناب پروردگار قلمشدر .  
( ان اکرمکم عندالله اتقکم ) نص قاطع فرقانیسی و ( اکرم الناس  
عندالله اتقکم ) و ( هل العاقل الا من یطیع الله ویتقیه ) حدیث شریف  
نبویسی نظرگاه دقایق آگاه کاملانه لری نه عرض ایله منسوبی بولندیکنز  
طریقت علیه نقشبندییه کمال استقامتله راعی وارکان طریقتدن اولان  
شروط تقوای عبادتی هر زماندن زیاده اجرایه ساعی اولمکن دارینده  
مسعودیت کیزی استلزام ایدن مواد مسلمه دندر برمنطوق احکام جلیل  
قرآن و بر موجب حدیث شریف فیخرالا کوان امرهم تقوایه بغایت  
دقتله حرکات و سکنات کار آگاهیلری نک آکا تطبیق ایللمسی بالخاصه  
داعیان و عاجزانه اوله ذرق توصیه و اخطار و توجهات کزک حق داعیانده  
استقراری نیازیل طی طومار کفتار ایلرم .

آنحقی و سبائط افادهیه محتاج اولمیان اظهار درد فراق و ابراز  
کالای اشتیاق کزده جواباً عرض و افاده اولورکه طریقه علیه ده سیر و سلوک  
ایله مقام نفسی طی و خالق حی لایزاله تقرب ایدن اخوان باصفا ایچون  
بمقام رضایه ارتقا و خالی عن الحکمة اولمیان اشبو دوری صورتییه

بر آردا صبر و تحمل ایلک لازم و اولاد در . محقق بیلکیز که رشته  
حیاتک سیف قاطعی مقامنده اولان مرو و زمان و تعاقب روزان و شبان  
ایچنده شایان تأسف بر دقیقه و موجب تلهف بر ثانیه و ارایسه یالکیز  
جمال با کالکیزدن دور و وصال فرخنده مألکیزدن مهجور اولدیغ  
دملر در . جناب حق جل و علا حضرتلری دل مرده و وجود افسرده می  
باران آبدار محبت و خورشید تابدار مصاحتکیزله ریان و ذات عالیکیزی  
( انا جلیس من ذکرنی ) حدیث قدسیلرینه مظهریتله دائماً خرم و خندان  
بیورسون آمین .

کیچن هفته لر قولرا علت مده شه سنک کو ستر مکده اولدینی ممت  
اشناسنده نائل اولدیغ التفاتنامه لریکیز بر حیات بخش ایدیوردی بو  
هفته ایسه حمد اولسون علت مذکورده دن اثر قالدینی حالده عنایت  
بیوریلان کرامتنامه کیز حیات اندر حیاتیزی انتاج ایلدی . الی الممات  
دعوات خیریه کزه حصار و قات ایدر ایسه مینه لطفکیزلک عشر معشارینه  
مکافات ایده میه حکم واضحا ندر . جناب قاضی الحاجات درجاتکیزی  
عالی و موفقیاتکیزی متوالی بیورسون . بو نقطه صغیره بی کره التفات  
و دائرة توجهاتکیزدن بیرون بیورمسون درر کفتار و کوشواره  
انظار کیزله دوش هوشم کسب مسار و کوش عیش نوشم غیاباً افتخار  
ایتمکده اولدینی کی حق تعالی حضرتلری لب و رخسار کیزله دخی مشتاق  
دیدار کیزی لبریز من و مسار و شجره آنالیزی ثمره وصالکیزله قریباً  
یختیار ایلسون آمین . باقی السلام علیکم .

### اون بشنجی مکتوب

فتوحات ماده و معنویه ايله آراسته و فیوضات میامن آیات روحانیه

ایله پراسته اولان التفاتنامه کیز واصل دست مباحات اوله رق کمال نشاط  
ایله قرائت اولندی . نصل اولسونککه مسند نشین بارگاه لولاک لولاک  
وماه مهین تجلیکاه و ما ارسلاک اولان فخر عالم صلی الله علیه وسلم  
افندمن حضرتلری طرفندن ولایت نبوته اشارت اولان ( انا جعلناک  
خليفة فی الارض فاحکم بما شئت ) و ولایت رسالته دلالت ایدن ( ان الله  
یأمركم ان تؤدوا الامانات الی اهلها ) و ولایت اولی العزم ايله مناسبتی  
درکار بولنان ( ولا تقولوا علی الله الالحق ) اوامر جلیله سیله مخاطب  
و مشرف اولدیغی تبشیر ایدیوردی . بووجه ايله نائل اولدیغم التفات  
جهاندرجات جناب شفیع یوم العرصاتک معناً اضافه ایتمش اولدینی  
فیضی و فتوحی و وجدان عالمده تفسیر و ترجمه یه کیز بر وجد و حال ايله  
تلقی ایلدم قال تعالی ایلدم مدار ترقی ایلدم جزاکم الله عنا خیر الجزاء  
و بشرکم مولاکم فی یوم الجزاء آمین و صلی الله تعالی وسلم علی سیدنا محمد  
وآله و صحبه اجمعین .

### اون آلتنجی مکتوب

لطفاً و تنزلاً احسان بیورمش اولدیغکیز ایکنجی بر التفاتنامه کزه  
دخی نائل اولدم واصل اولدیغم محظوظیت روحانیه می و حاصل ایتدیکم  
مسروریت معنویه می تعریف و توصیف ایچون بر خامه کوهر نثاره  
و بر نامه غیر مثاله محتاج که هر بر نقطه سنده مندرج اولان و هر بر  
نکته سنده مندمیج اولان آثار ظرافت و اثمار سعادتک کشف و ایضاحنه  
سزا اولسون هیهات هیهات مع مافیه انسانی سوبلتن مخاطبدر قضیه  
قطعیه سنه اعتماد و باخصوص هر بر قصور و کسور منک عفوینه مهیا  
بولنان مراحم علیه کزه اغتراراً برایی سطرلق اولسون جوابنامه نک

تقدیمه تصدیق سرشفقت افسر کزه متحامر بولنیورم تقدیم اولنان  
برایکی یوسته مقدم عریضه جوابیه مده عائله ایله عائله میاننده کی فرق  
یالکیز بر نقطه نك وجودی اوده نقطه ماسوا اولدینی عرض و افاده  
ایتمش ایدم . یعنی عائله ای غائله ایدن بر نقطه ماسواد . و بر نقطه نك  
تأثیر وعظمتنی ( بین التذلل والتدلل نقطه فیها یتیه العالم التحریر ) ( وهی  
نقطه الاکوان ان جاوزتھا سرت الحکیم و علمک الاکسیر ) عربی العبارة  
اولان بورباعی ایله اثبات ایتمش ایدم ( تجوع ترانی تجرد تصل ) حدیث  
قدسی دخی بو معنای مؤیددر بونک چاره سی ایسه ( عود و اقلوبکم  
الترقب ) حدیث شریفنده موجود بولندینندن حال و شانکیزله مناسب  
کورمش و بیان ایتمش اولدینغم مراقبه شریفه نك دوامی سایه سنده فراغت  
قلب و حضور مع الله مالک اولایله چک کیزی روحانیت پیرانندن استمداد  
ایدر و بوسیله ایله سعادت دنیویه و سلامت اخرویہ کیزی مراحم  
جلیله صمدانیه دن استرحام ایلرم .

اون یدنجی مکتوب

کلمات مادیه و معنویه ایله مزین اولویفکیزی اعلانه مقتدر و عنایات  
بی غایات الهیه ایله منور بولندیفکیزی اتیانہ متشمر اولان قلم مشکین  
رقق کزک درر باش اولدینی تحریرات نادره و عبارات فاخره کزی  
کحل الجواهر باصره مباهاب ایلدم . مراقبه دنطولانی برقاچ کله صرف  
بیورمش اولدینکیز ایچون بالمناصبه جوابنده عرض اولنورکه مقام  
معلا ایصلینندن آریلوب سفلائی جسمانیته نزول ایدن و بردها و اوج  
اعلائی تجرده مستعد صعود بولنان لطائف روحانیه انسانیه من آنجی

توالی مراقبات ایله تعالی ایدر فضله اوله رق سالک مراقبه احدیته دن  
معیته معیتدن اقریته اقریتدن محبت محبتدن واحدیه قدر مبسوط و ممتد  
ارلان شاهراه حقیقه دخی نائل اولابیلیر . قال الله تعالی فی حدیث  
القدسی ( لا يزال عبدی یتقرب الی بالنوافل حتی احبه فاذا احبته کنت  
سمعه و بصره و یده و رجله الی اخره ) چونکه ادای فرائض ایله  
مکلف اولان جسمانیت اولدینی کبی ایفای نوافل ایله دخی موظف  
اولان روحانیتدر . ( واذکر ربک فی نفسک تضرعاً و خیفه و دون الجهر  
من القول بالندو و الاصال و لا تکن من الغافلین ) بنابرین دوام مراقبه  
و کمال اخلاص ایله جناب حقه اختیار اختصاص ایدن بر بنده اختیار  
ایچون ابواب تفض و تعالینک کشاده و اسباب موفقیتک آماده بولندینی  
بدیمیدر . جناب الله ذات عالی کیزی بو کیلرک عدادینه داخل بیورسون  
ظاهر باخلق باطن باحق کروهندن آیرمسون ( الحر امیر نفسه )  
مصادقچه اماره یه آمر و مطاعنه نائل و بوضو و تله ( فادخلی فی عبادی  
وادخلی جنی ) خطاب مستطابنه لایق بیورسون امین فقیر کز خیر  
دعادن غافل اولم انشاء الله تعالی موفق اولورسکیز فقط قبولی ایچون  
خالق عظیمه کثرت محبت الزمدر شرط اعظمدر والسلام علیکم .

اون سکزنجی مکتوب

اخوان طریقت علییه دها طوغریسی بالجمله اخوان دینه عرض  
وافاده اولنورکه هر شیدن زیاده امتنک سعادت اخرویہ و سلامت  
ابدیه لرینی نظر اعتباره آلمش اولان سبب کائنات و مفرج موجودات  
علیه الصلاة افندمن حضرتلری ( الناس کلهم هلیکة الا العالمین و العالمون  
کلهم هلیکة الا العالمین و العالمون کلهم هلیکة الا الخلقون و الخلقون علی

خطر عظیم) بیور مشلردر یعنی انسانلر جناب حقہ قارشو دنیاہ واقعه اولان قصورلرینه سبب بعدالموت معذب و جزای سزالرینه مستحق اوله جقلری عدالت الہیہ نك ایجاباتندندنددر آنجق مستثنا اولانلر عقائد اسلامیه و تکالیف شرعیہ لرینی علملرین علملرین عامل اولمدقہ مثلاً نمازك شرائط وارکاتی اوکره نوپ لکن دخی علملرین عامل اولمدقہ مثلاً نمازك شرائط وارکاتی اوکره نوپ لکن ادا ایتمدقہ کذلک عذاب اخروی دن یقه لرینی قورتاره مزلر . بونلرک براوچن جیسی ده واردرکه اودخی اخلاصدن عبارتدر . یعنی نفسلرینی تزکیه ایتمه یلنلرک کبر ، حسد ، ریا ، بغض ، بخل کبی رزائلدن منزہ ومبرا اولمیلنلرک عمل و عبادتی مقدس ومنزه اولان ذات اجل واعلا حضرتلرینک بارکاه قبولنه شایان تقدیم اوله میه جفندن آنلر دخی مظهر عفو عنایت اولمدقلری حالده عذابدن سالم اوله مازلر . علم ، عمل ، اخلاص مثللو قضائلی جامع بولنان خواص امت ایسه شبهه سز عذابدن قورتولمش دیمکدر . بونلر ایچون براندیشه وار ایسه یالکزر عزل ونصب غائله سیدر . قال الله تعالى ( یمحو الله ما یشاء ویثبت ) شونی ده افاده ایدلم که تعلیم علم اولسون علمی ایله عمل اولسون بونلرک ایکیسی ده اعمال ظاهریه وجسمانیه دن بولندیغه نظراً هرکس ایچون ایستدیکی زمان ومکانده اجرایی امکان داخلنده در . فقط امراض جسمانیه دن شفا بولمق برطیبیک معالجاتنه هر حالده محتاج بولندیغی کبی بالاده بیان اولنان کبر وحسد وسائر کبی امراض قلبیه نك دخی برطیب معنوی نك معالجاتنه اشد احتیاج ایله محتاج بولندقلرندن تغافل ویاخود تجاهل اولنماملیدر .

قال علیه السلام ( ذکر الله شفاء القلوب ) ایسته بواختیاج وبولزوم اوزرینه در که ذکر خفینک تعلیم ومؤمنلره تلقینی حضرت صدیق وجهرینک ده

حضرت علی افندیلریمزه تودیع بیورلش و ( فی کل قرن من امتی سابقون ) حدیث شریفنه نظراً بو تعلیم وتلقین مسئله مهمه سنک دوام وتسلسل ایچون هر زمانده اهل وارباب کسنلر یتشیدیرلشدر . یعنی جناب حق جل وعلا حضرتلری علوم ظاهریه یی تدریس وتعلیم ایچون هر زمان علما یتشیدیرمش اولدیغی کبی علوم طریقتی دخی تعلیم ایچون رجال طریقتی اکسیک بیورما مشدر . وطریقته سلوکی ایسته میان نفس اماره اصحابنه قارشو حجة الله علی العباد اولمق اوزره اهلیتی تواترله مثبت بولنان بر عبدینی انظار عالمه وضع ایلشدر . مولام حضرتلری امت محمدی القات شیطانیه دن مصون وشایان احتیاج اوله میان بهانه لرله استقباللرینی مهالکدن محفوظ بیورسون آمین .

### اون طقوزنجی مکتوب

الطاف بی پایان ایله آراسته وانواع علم وعرفان ایله پیراسته اولان التفاتنامه بدایع علامه عارفانه لری انمله پیرای ایادی امتنانم اوله رق ادعیه خیریه لری رفع بارکاه جناب وافر اللطف والاحسان اولندی . نطفه دن علقه یی علقه دن عظامی خلق ایدن رعظای لحم ایله اکسا ایلین واجزای بشریه نك تکمیلله صورت انسانیه یی تشکیل واعطای روحله مهد وجودی احسان بیوزان وآغلامقدن بشقه برشیئه قادر اولمیان مینی مینی برچو جغه ابونی کی ایکی مشفق وایکی رحیم خدمتچی یی تعیین ایدوب آب وآتشه یاغ وطوزه ، وقت وزمانه محتاج اولمیان برغدا ی باذوق صفای اطعام وهرکون برشان مخصوص وهر زمان برتجلی منصوص ایله کندیسنی حد کاله ابلاغ ایلین حضرت الله جل



جلاله کبی برقادر قدیم برصانع کریم ، و برقاطر علیم ، برخالق عظیمی .  
 بیان و دنیاده نائل اولدینمزمأ کولات ، ملبوسات مفروشات ، منکوحات .  
 بشریت انسانیت اسلامیت مدنیت کبی لایعدولایحصی نعمتیرخی دوشون .  
 و باخصوص مأوی قبرده ححرای حشرده غوغای نشرده ذات اقدسندن .  
 بشقه برامداد برمعین برمالک و مالکنده بر شریک اولمیان جهتلیری .  
 تخطر ایلین برعبدعاقلی و بربنده کامل ایچون نه یامق ونه کبی خدمتیرله  
 عنایتیرینک تأییدینی تأمین ایلک مسئلهسی بر کون خاطر فقیرانه مه  
 کلیر کلز همان ذات دقایق کستریکیز و وجود معارفیوریکیز خاطریمه  
 کلدی . اما ایچون کلسون ، چونکه درسعادتده ایکن دائماًسهای افکار کزدن .  
 قاطر و زلال حکمتکزدن تظاهر ایتش اولان شقائق روحانیدن  
 دقایق معانیدن حقایق وجدانیدن خیلی متلذذ و مستفید اولمش ایدم .  
 کتب و رسائله مسطور ایسه ده بوسؤال داعیانه مه بحق اعطای جواب  
 هر حالده برقاب سلیمک برعبدعلیمک خطاب صواب الودینه متوقف .  
 بولنشدر اعتقادندهم چونکه صورت عبادته اعتبار ایتیمان و ایفای وظیفه  
 عبودیتی روح و روحانیتک الدین الک حساس بر نقطه سندن بکله یان .  
 جناب علام الغیوبک حق خدمتی او کریمک قال و قلم ایه ممکن اولمیوب  
 آنحق برصاحب احوالک افاده سی و برخالص الأعمال افاضه سیله وجود  
 بوله جنی شبهه سزدر امید ایده ره که زلال فیوضاتک ساحه قلبکیزده  
 تشدیرمش اولدینی کلدسته معارف و سنبل نورسته حقایقندن طالب  
 صادقلرک مدار استفاده سی اوله بیلین طلوعات شریفه و ظهورات منیفه  
 ایه اعطای جوابه عنایت بیوررسکیز باقی . ( رزق الله تعالی وایا کم  
 حلاوة الايمان والاسلام وحشرنا وایا کم تحت اقدام الاولیاء العظام )

عریضه فقیرانه خیلی اوزان دیسه ده مشهودم اولان التفاتکیزه مغروراً  
 عفویمی رجا و بقای عاطفتکیزی استرحام ایلرم افندم .

### یکرم منجی مکتوب

التفاتنامه کز انامل تشکر و افتخار می ترین ایلدی یکی مأموریتکیزی  
 تبریک ایلرم ( الحیر فیما اختاره الله ) معلوم عالیکزدر معاشک تنزیله  
 کلنجه قال علیه السلام ( خیر الذکر الحفی وخیر الرزق ما یکنی ) جناب  
 حقه تشکر که ذات عالیکیزی بویکی خیر ایلله تلطف بیورمشدر . دنیانک  
 صعود و نزولنه التفات بیورمیه جفکیزی وجداناً بیلورم باخصوص  
 اسراف ویا ادخار نزد الهیده مقبول اولان احوالدن بولمیدیندن  
 سلامت و سعادت اخروی ایسه تحصیل رضای باری به متوقف اولدیندن  
 هم و همکیزی دائماً او جهته معطوف بیوره جفکیزه شبهه هم یوقدر  
 معیشت دنیویه کیزی تأمین بیورمش اولان جناب الله سكرات موت  
 وضیقت قبر و دهشت حشر و نشری دخی حسب المرام بیورسون  
 رابطه شریفه نک مقدماتی اولان رابطه موتک فوائد کثیره سنی اونو تمیه لم  
 درسک اوائلنده و اوقات سائرده ده ( اکثر واذکر الموت ) حدیث  
 شریفنه توفیقاً معامله و احوال سائر کزک اشعار بیورلسنی بالخاصه  
 رجا ایلرم .

### یکرمی برنجی مکتوب

ذره حقیرک وفقی پر تقصیرک بادی تسریری و دیده انتظارمک  
 مدار مفخرت و تنویری بولسان التفاتنامه عنایت علامه عارفانه لری

واصل ایادی شکران اوله رق دعای بی ربای موفقیتری ایصال بارکاه جناب کبریا قلندی . خزینة خرابده تخری ودانه سعادتی لانه طریقه تملق ایدن عرفادن اولدیغکز بدیهی بولندیغندن حق تعالی حضرتلرینه عرض شکران ایدلدی . عریضه مقدمه فقیرانه مه نحریر جواب و کثرت اوراد واذکار ایله تفیض وتحصیل ثواب خصوص صلیب کندیگز اسناد بیورمش اولدیغکز بطائت وباخصوص اعتراف قصور شکلی ارانه ایدن ادیبانه بر معذرت شبهه سز جناب حق خوش کورلمش که فقیر کزی فوق العاده مسرور ایلشدر . حق تعالی حضرتلری قریحه صبیحه کزی دریای عرفان وناودان خامه کزی دجله لطف واحسان بیورسون آمین . معلوم عالیلری اولدینی کی طریقت علیه مزک اساسی ودها طوغریسی مدار اقتباسی انعکاس اوزرینه مبتنی بولندیغندن خلقت بشری تشکیل ایدن لطائف عشره فی ذکر الله ایله مبشر و مدینه جسمانی آداب شریعت ایله منور ایله مک آنحق بر بنده مراد اللهک صحبتی و بر عبد فنا فی اللهک فیض و برکتی سایه سنده میسر اوله یله جکی طبعیدو . بو کی ذوات ایسه حسب الوقت کبزیتم احمر کی اندر بولندیغندن ( من اعتقد بحجر لنفعه ) حدیث شریفه اتباعاً خادم شریعت و سالک راه طریقت اولان بر ذات مستور العدالت خلاص و محبت و مصاحبه جسمانیه ممکن اوله مدینی صورتده ( و کونوا مع الصادقین ) آیت جلیله سنه امتثالاً غیاباً ربط روحانیت ایلمک ضروری بولمشدر . زیرا بویه بر اخلاص و محبت مالک اولان بر مؤمن عاقل دنیاده عباد صالحین و صلحای ذاکرین عدادینه داخل و عقبا ده اولیاء کرامک شرف معیتلرینه نائل اولایله جکی بدیهیدر . قال النبی المکرم صلی الله علیه وسلم ( یحشر المرء مع من احب ) ( اللهم ارنا الحق حقاً و ارزقنا اتباعه و ارنا الباطل

باطلاً و ارزقنا اجتنابه ) انهای رابطه ده فقیر کزله حاصل اولان ملاقات و اوقات سائرده نصیب اولان ظهورات عالیلری معلوم داعیانه اولدی . جناب حق تشکر ایدلدی بو کی لطف احسانلر بالجله رابطه شریفه واذکار منیفه سایه سنده لطیفه قلب ایچون حاصل اولان صافی مبشر درلر حضرت الله ذات عارفانه کزی ( ولئن سکرتم لازیدنکم ) آیت جلیله سنک سرینه مظهر و مقتضیات عرفان کزی القات نفسانیه اوزرینه غالب و مظفر بیورسون آمین . اوراد واذکار شریفه معلوم عالیلری اولدینی کیدر اولکی التفاتنامه کزده او قدر کوزل تعریف بیورمش ایدیکز که فقیر کزی حیران ایلدی برشی علاوه اولتمق لازم کلیرسه یالکز رابطه نک اکثر ایدر مبتدی ایچون هرشیدن زیاده فائده بخش اولان رابطه در خواجه محمد معصوم قدس سره حضرتلری سالک لری ابتدا یالکز رابطه ایله مأمور بیورمشدر زیرا فنا فی الشیخ اولیان فنا فی الرسول و فنا فی الرسول اولیان فنا فی الله اوله ماز سلم ترقینک پایه اولی فنا فی الشیخ اولمقدر رب یسر ولا تعسر رب تم بالحیر یا الله سعادت لرحاجی مسعود بک برادر من عودت بیورمش ایسه دعاء درویشانه مک تبلیغنه وکیلکز باقی السلام علیکم .

### یکرمی ایکنجی مکتوب

کمال آرزو و افتقار ایله ترقب و انتظارنده بولندیغم عنایتنامه کزده حمد اولسون واصل اولدم برنجی وایکنجی و اوچنجی سماءه ساجدین ورا کعین و قائمین بولنان ملائکه کرام ایله حاصل اولان مناسبت و ملاقات روحانی و باخصوص عرش الرحمانه قدر وقوع بولان صعود و ظهور ایدن جذبه

سبحانی جداً شایان تبریکدر حق تعالی حضرتلری بو مثالو عاطفت واحسانلرینی متعاقب ومتوالی بیورسون آمین . ( وان لیس للانسان الاماسی ) آیت جلیله سی معلوم فضیلتکیزدر ( دعاء الاخ لایه بظہر الغیب لایرد ) حدیث شریفه باقوب مذکور آیت جلیله یه ناسخ اولدینی وارد خاطر اولسون فقیر کز بو کبی مخالفتک توفیقی زیاده جه آرزو ایتمکده اولدیمدن عرض ایده بیلیمکه بر دیگرینک دعوات خیریه سی جلب ایلک بر طاق خدمت و اخلاص و محبت متوقف بولندیندن اودخی کندی سمینک ثمره سی دیمکدر بناء علیه نائل اولدینگز بو کبی الطاف جلیله هپ کندی اخلاص و محبت و بزلر کبی دکر سر بر درویش محض لوجه الله اولان لطف و شفقتکیزدن ناشیدر اللهم زد فزد .

### یکرمی اوچنجی مکتوب

یکدیگرینی ولی و تعقیب ایدن ایکی قطعه احساننامه بلاغت علامه عارفانه لری واصل ایادی امتان اوله رق دعوات خیریه کزی اعلای بارکاه رب منان ایلدم عالم معناده مرشد مکرم و مطاع مفتخ حضرت طه قدس سره افندمک زیارت واضح الفیوضانیله تشرف بیورلدینی اشعار اولنیوردی الحمد لله تعالی علی ذلک امراض قلبیه دوا و علل معنویه شفا اولان و شائبه شبهه دن وارسته و مبرا بولنان بو کبی زیارتکزی شایان اولدینی قدر تبریک ایلرم مرشد حقیقی اولان شیخ مشار الیه حضرتلریله اولاد معنویه ازلیه لری میاننده واسطه تبلیغ و مخبره بولنان بو فقیر حقیری دخی ادعیه خیریه و حسن خاتمه ایمان ایچون توجهات باطنیه دن محروم بیورمماکزی بالخاصه رجا و استرحام ایلرم مشار الیه حضرتلرینک شکل و شمائل عیناً مشاهده کزه موافق

اولدینی حالده مظنه دن بر ذاتی تعقیب ایدرکن دست معنوی ایله ممانعتده واسمکزله خطاب ایده رک کمال شفقتله آشنالقدہ بولندقاری حسن قبول و فرط عنایتلرینه شمولی بدیمیدر قدم شریفانده کبی پایوشاری ایچون ( بوراده دورسون ) تعبیر عبیر مرشدانه لری بتکرار اورایه عودت بیوره جقارینی مبشر بولندیندن بو باده دخی ذات فاضلانه کزی ایکنجی تبریکه لزوم کوریورم جناب الله جمله مزی قدم مبارک لردن آیرماسون ( خیر الذکر الحفی ) حدیث شریفک شرف و مزی تیله قلبمزی تسریر و قبر مزی توسیع و تنویر بیورسون .

### یکرمی دردنجی مکتوب

ل ۳۰ مایس تاریخیه محرر بر قطعه التفاتنامه مراحم علامه کزه بو دفعه دخی نائل اولدم . محویت مجسمه یی تمامیه تشکیل و تواضع مکمله یی لایقیله تعلیم ایلین اونامه دلکشا کزه مقابل جناب حقه حمد و ثنا و ذات معارف آیاتکزه خیر دعاده بولدم . حق تعالی حضرتلری محویتکزی مدار محویت و تواضعکزی بادی رفعت و سعادت بیورسون ( من تواضع الله فقد رفعه الله ) حدیث شریفه مظهر ایلسون آمین طریقت علیه بهائیه نک جمله فیوضاتندن بری اوله رق خاطره موت ایله بر طاق خوف و خشیت ایچنده وجود کزک هر طرفی لرزان وقوه ذهنیه کزک پریشان بولندینی احوالک کلیاً زوال بولمده اولدینی بیان بیورمش ایدیکز . الحمد لله تعالی علی ذلک بو حال ایمان کاملک تمس تابان کبی افق جناحه پرتو فشان اولدینی اشارت و بلمکده بشارتدر . قال النبی المکرّم صلی الله علیه وسلم ( المؤمنون لایموتون بل ینقلون من دار

الی دار) مؤمن کامل ایچون موت یوقدر . یالکز بر نقل مکاندن عبارتدر . كذلك ( القبر اما روضة من ریاض الجنة و اما حفرة من حفر النيران ) حدیث شریفنه باقینجه محبت مولا و طریقت علیہ مصطفویه ایله مصفا اولان اخوان باصفا ایچون قبر جنت اوله جنی و خوف و خشیتارینه محل اولیه جنی بدیهیدر . همان حق تعالی حضرتاری استقامت احسان بیورسون هم و همشکزی آلایش دنیادن کلیاً مصروف و آسایش عقبایه تمامیه معطوف ایلسون آمین .

### یکرمی بشنجی مکتوب

کلیستان خاطر اتکزک بردسته کلی و سنبلستان سانحاتکزک بریاکت سنبلی مقامنده اخذ و تلقی ایندیکم مکتوب مرغوبکز پیراهن یوسف کی اذواق مغنویه می لبریز نشاط و جل جلیله کز عندلیب خوش الحان کی نشیف صناخ مباحات ایلدی . لسان عذب الیانکزدن طاملایان رشحات بلاغت و قلم مشکین رقمکزدن سیلان ایلین قطرات فصاحت اوتهدنبری اعتقادنده بولندیغم قوه قلمیه و وسعت فکریه کزی اثبات ایچون بر حجت قاطعه قناعت اولدی . بناء علیه فوق العاده محظوظ اولدم کوستریلان محویتکزده بایلمامش اولدیغمدن طولای متشکر بولندم . صفوت نامه دلکشاکزک بخشایشی اولان شوق و شطارت و مغنویاتمه اضافه ایتش اولدینی ذوق و حلاوت تفسیر و ترجمیه اکلز بر بار منق حصوله کتیدی . جناب رلل العزة جل و علا حضرتلری سزی و بتون عائله محترمه کزی غائله زماندن مصون و قلبیکزی مواهب کونا کون ایله مشحون بیورسون آمین محترم اولادم آرزو و اشتیاقم افزون

و دائرۀ صبر و تحملدن بیرون ایسهده صولت سرمایه مقاومت ایده میان بو اختیار پدرکزی دیدار کزله بختبار ایتک نیازنده بولنور ایسهم و دعوتمز اجابت ایتیان والد ماجدکزک اثرینه تابع اولماق رجاسنه اجتناسار ایدر ایسهم نه لازمکلیز (هیچ) احوالده قدومکزی انتظار ایتک طبعیدر . شاه نقشبند افندمن حضرتلرینک (طریقت مادر صحبت است) کلام حکمت انجانی شهبسز ایشتمش سکز . بهار عمرکزک تر و تازه لکی خزان پیری ایله تارمار اولمادن مقدم طریقت علیه نک ازهار فیوضاتیه مشام جان و جانکزی تطیر ایتک اخص آمال فقیرانه منددر . الهی موفق اوله سز بای مساعینک قید بندی اولان تعلق ماسودان آزاده و مطلق اوله سز آمین بحرمة طه و یس

### یکرمی آلتنجی مکتوب

معروضات متقدمۀ فقیرانه مه متابعت و آداب طریقت علیه نک دائرۀ فیض باهره سنده اظهار بیورمش اولان مطاوعت عارفانه لرینی مبشر بر قطعه التفاتنامه کزده نائل اولدم و بونائلیتمی مشهود باصرۀ افتخارم اولان الطاف و اعطاف سابقه کزده برضیمۀ کریمۀ لاحفه تلقی ایلدم و همیشه ورد زبانم و نیازدل و جانم اولان دعای ازدیاد عمر و عافیت و کمال موفقیت منعمانه لرینی بتکرار تقدیم بارگاه احدیتده بولندم مقدمات تجاتی احسان بیورمش اولان حضرت الله مقاصد معظمۀ فوز و فلاحی دخی سهل و آسان بیورسون صابرشا کر قوللرندن ایتسون (ولئن شکرتم لازیدنکم) سرینه مظهر بیورسون (ابرو بادومه و خورشید فلک درکارند : تا توانای یکف آری و بغفلت نخوری) ابریاغفور باد هوا جیادت مهتابی حرارت

آفتابی تسخیر ایمن و بونلرک حسن تأثیریه بنی بشرک اداره معیشت و ادامه عافیتی تأمین بیوران حضرت الهک لایعد ولا یحصى اولان نعمتارینی بیلوب جمله منی وظیفه شکرینک ایفاسنه غیرت ایدن عباد صالحیندن بیورسون آمین بومتلاوبرولی نعمتک مائده لطف واحسانى تقدیر ایتیان نانکور قوللرندن ایتسون چونکه آیت کریمه نکه نهایتنده (ولئن کفرتم ان عذابى لشدید) واردو یعنی ایهای وظیفه شکران ترید نعمتی موجب اولدیغی کبی کفران نعمت دخی راحت قناعت شطارت کی آسایش قلبیه نکه زوالی انناج وانسانى معذب ایلر باقى السلام علیکم ورحمة الله وبرکاته .

### یکرمی یدنجی مکتوب

مختلف تاریخله تحریر ومتنوع لطفار وشفقتلره تبشیر بیورلمش اولان سعادتنامه مراحم علامه کرامیلرینی وقت وزمانیه آوب شفای زخم فراق وصفای خاطر پراشتیاق ایتش ایدم برزمان معروض اولدینم خسته الکن و بروقت محل اقامت وانتقال کزی تحدید ایتماکدن بتقدیر الله تعالى شمدی یه دکن تقدیم تشکرنامه یه موفق اوله مامش ایدم مع مافیه سویدای قلب فقیرانه مده جایکیرا اولان محبت وارواح آره سنده کی مسلم اولان صمیمیت وقریبت مدار معذرت ومستوجب تسکین وتسلیت اولمقده ایدی هذا من فضل ربی للقلب من القلب سبیل) جمله صدیحه وقضیه صحیحه سنه توفیقاً دائماً نظردن دور و خاطر دن مهجور بولمدیغکنز ادله مقنعه یه محتاج اولمایان حقایق بدیهه دندر دها طوغریسی عطاای الهمیه دندر درگاه قاضی الحاجات واجابنگاه جناب محیب الدعواته شایان تقدیم وتضرع مستدعیات فقیرانه مک بریسی یاخود برنجیسی ملاقات

جسمانیه کزک تکراریدر مولام احسان بیورسون کوزیمزی اوزیمزی تکرار شادان بیورسون خندان بیورسون آمین ۲۱ ایلول سنه ۳۲۲ تاریخلی التفاتنامه ده بیان بیورلمش اولدیغی کی مالم معناده حاصل اولان ملاقات وطوبره ایچروسنده بولنان کونا کون شکرلرک معاطاتندن فوق العاده محظوظ اولدم اوت سنت سنیه وشریعت مطهره محمدیه سرمو مخالف اولیان واکابر اولیای نقشبندیه واسطه سنیه مناقشه محضه دن مصون بولنان طریقه علیه خالیدییه ربط قلوب ایدن اخوان صادق البیان ایچون تبشیرات خارقه نکه وقوعی انکار اولنر اصحاب کمال ایچنده استعمال اولنان (تأمین استقبال) جمله جمیله سی دارالفنای دنیاده موقت بولنان حیات مستعاره مزک اجزای متمم سنه معطوف اولسه کرکدر دور اندیش اولان ارباب نظر وحقیقت بین بولنان اصحاب عقل وهنرک استقبال کله سندن مقصد معظم دارالبقاء بدیهه ووحشت خانه اخرویه اولدیغی ادنا بر مطالعه ایله تصدیق ایلیه جکی بدیهیدر . بناء علیه رشته حیاتک سیف قاطعی مقامنده بولنان مرورزمان وتعاقب روزان وشبان ایچنده جای تأسف ومأوی تلهف بر ثانیه متصور ایسه اوده تأمین استقباله مدار اولان رابطه شریفه واذکار منیفه دن خالی بولنان دملردن عبارتدر مولام جل وعلا حضرتلری ذات عالیکزی فقیر حقیر یکزله برابر وقتلرینی غفلتله ضایع ایدوب بالاخره ندامت ایدن قوللرندن ایتسون «انا جلیس من ذکرنی» حدیث قدسیسنه مظهر اولان صادق عبدالرینک عدادینه داخل بیورسون آمین .

### یکرمی سکزنجی مکتوب

سعادتلو ضیا بک حضرتلرینه عرض وتقدیم ایتدیکم ورقباره

درویشانہ مک بر مثیلہ ذات فاضیلانہ کزی مخاطب ایتد کدنصکرہ علاوہ  
افادہ اولنور کہ مشاهدہ جسمانی حقندہ اظهار بیورلش اولان آرزوی  
صادقانه لری جداً موجب محظوظیت اولدی چونکہ آرزوی مذکورہ مک  
قسم اعظمی فقیر یکزی بیتاب ایتکده در . اوت اصلده موجود اولان  
شوق و آرزو فرعدہ موجود اولانک فوقندہ بولندینی بدیدر جناب  
الله شوغالی و عالی اولان نقطہ یہ ناظر بولنان آرزو لری حاصل و مدعالرینہ  
واصل بیورسون آمین تصدیقہ منجر اولمز اعتقادیلہ بو بابدہ عرض  
ایده بیلیر مکہ عرض الرحمن اولان و بومزیتلہ ضیای شمسک فوقندہ کی  
بر ضیایہ مالک بولنان قلب مؤمن ایچون مسافہ قرب و بعدک اہمیتی  
اولیوب ہر مجلدہ ثابت و اخوان صادق نزدندہ ثابت ایسہدہ مصاحبہ  
جسمانیہ مک دخی مزیتی اصحاب کرام و نابین عظام افندیلمز مک حال  
و شانیلہ و درجاتلرینک اختلافیلہ واضح و مبرہندر فقیر یکزی توجہات  
باہر القیوضات اخوانہ شایان ایلین مولای مستعان زلال وصاللرینہ دخی  
ریان بیورہ جفندن قطع امید ایتم ( آسمان رشک برد سوی زمینی کہ  
درو: دوسہ یاری دوسہ دم بہر خدا بنشینند ) بیت فارسیسی مصاحبہ  
جسمانیہ مک علویت و مزیتنی لایقیلہ تقدیر ایدیور بونک خلاصہ معناسی  
( کوکہ کی ملکسر یروزندہ جناب حقک رضاسنی قرائق ایچون یاران  
طریقک اجتماع و محبتلرینہ غبطہ ایتکده بولندقلرینی بیانندن عبارتدر )  
کافہ اولیاء الله تعالیانک حتی مقام قطیت و غوثیتہ ارتقا ایدن مقربینک  
سرتاجی مہامندہ بولنان او ایس قرنی حضرتلرینک بر ساعت اولسون  
شرف صحبتہ نائل اولان اصحاب کرامک کعبہ وارد میہ جنی اثبات مدعا یہ  
کافیدر باقی السلام علیکم .

## یکرمی طقوزنجی مکتوب

معلوم عالیرلی اولدینی اوزرہ مخبرہ مک جریانی اثبات محبتہ کافی  
اولہ مدینہ کی عدم جریانی دخی محبتک فقدانہ دلالت ایدہ مزمانہ مزردہ  
موجود اولان رابطہ قرابت و محبت ازلی اولدینی کی ابدی اولہ جنی  
دخی ضعیفدر جهان خراب آبادک یعنی عالم کون و فسادک لازم غیر مقارنی  
بولنان حوادث یومہ بسندن و یکدیگرینی تعاقب ایدن غم و شادینسندن  
بریمزہ توجہ ایدن بر حادثہ مک دیکرینہدہ تأثیر ایللہ چکی جای اشتباہ  
دکدر نتیجہ اولہرق (ارجی) امر جلیلنہ اجابت ایدن پدر مرحومک  
مفارقت ابدیہ بسندن متحصل تحسیر کزدن فقیر کز دخی متأثر اولدم  
خوابکاه آخرتک ( روضہ من ریاض الجنۃ ) شرفہ مظهریتی ایچون  
جناب ارحم الراحمینہ عرض نیاز ایلدم حضرت الله اجر یکزی موفور  
وقتکزی معمور سعیکزی مشکور بیورسون آمین . عاقل اولانلر  
منیع علم و عرفان اولان احادیث شریف نی الرحمن حضرتلرندن ہر زمان  
و مکاندہ اقتباس قیوضات ایلیدرلر قال علیہ السلام ( کن فی الدنیا کأنک  
غریب او عابر سبیل و عندفسک من اهل القبور ) یعنی دنیا دہ بولندچہ  
بر شخص غریب و یا خود بر یولجی مثللو بولملی حقیقتدہ قبرستاندہ  
یاتان امواتدن اولدوغنی اونوتاملی دیمکدراوت بوو بوکامشباہ احادیث  
شریفہنی مطالعہ ایدنار خوابکاه آخرتلرندہ مطلوب اولان استراحتلرینی  
تأمین خصوصندہ تجویز تراخی ایتزلر و جناب حقک رضا و رحمتی  
تقراتق ایچون سعی و غیرتدن کری قالمازلر و فقنا الله تعالی وایا کم آمین .

او توزنجی مکتوب

اولا لطائف عشرہ کزی جناب حقک سلامیلہ مبشر و مدینہ

قلبکزی دعوات غائبانه ایله منور ایلوب ثانیاً عرض وافاده ایدرمکه  
 ل ۹ نسان تاریخیله محرر وبقای عاقبت و عاطفت سامیهلریله مبشر  
 بولنان برقطعه التفاتنامهلرینی ایادی امتثانه آلوب لسان شکران ایله  
 تلاوت ایلدم حق ققیرانه مده کی مراحم علیهلرینه تشکر خوان اولدم .  
 الهی موفق اوله سزدین و دنیاچه بختیار اوله سز آمین افکار عالیهلرینک  
 تعالی به میال اولقله برابر کثرت اشتغالک حیولتدن متحصل انفعال  
 عارفانه کزی حق تعالی حضر تیری مدار اعتذار ایتسون بهار آرزو کزی  
 غنجه آمال ایله مشکبار ایلسون آمین . شونی ده غرض ایده بیلیمکه  
 طریقت علیه ده تقیض و ترقی یالکزی اذکار و اورادک کترتنه وابسته  
 اولوبوب اخلاص قلبیه و محبت صمیمیه نکه ده تأثیر عظیمی درکار بولندی  
 اربانجه بدیدیر . مشایخ کرامک بریسی ( یک نظر پیر به از چل چله )  
 جمله جمیله سنی علاوة نائل فیوضات اولق ایچون مرشد کاملک نظر  
 انور لرینی دخی مدار تقیض و ترقی بیورمشاردر . شوقدر وارکه او  
 نظری قزاق و او سایه ده مغز شریعتیه نائل اولق ایچون سالکک اوله  
 ظاهر شریعت مطهریه کمال اطاعت و انقیادی و سنت سنی نبویه  
 اتباعی شرط اتخاذ اولنشدر . زیرا معلومدرکه جناب حقه اطاعت  
 ایتمان و اوامر شرعیه سنی نظر اعتباره المیان عاصیله هیچ بر زمان  
 و مکانه حادم شریعت اولان اولیاء الهک منظور نظر عنایتی اولمز  
 و اوله من بیورمشاردر . جناب حق و فیاض مطلق حضر تیری ذاتکزی  
 اخلاص و محبت دائره سنک چراغی بیورسون ( یوم لاینفع مال ولا  
 بنون الا هن اتی الله بقلب سلیم ) آیت جلیله سنه مظهر ایلسون آمین  
 باقی السلام علیکم .

### اوتوز برنجی مکتوب

سرمایه سعادت و نوباده حقیقه سلامت اولان احاسن توجهات  
 منعمانه لرینی ابشار و رایحه طیبه اخلاص و محبتکزی کلدسته نورسته  
 کبی قوای مغنویه مه انتشار ایلین احساننامه مراحم علامه لرینی ایادی  
 شکرانه آلوب لسان افتخار ایله قرائت ایلدم حق مستحق درویشانه مده  
 شایان بیورلمش اولان حمل جمیله و فقرات واضحه الغنایات جزیه لرینی  
 تکرار و تذکار ایله مستغرق دریای امتنان اولدم جناب رحیم و رحمان  
 ذات عالیلریله سائر اخوان خالص الازغانی ایکی جهاننده شادان و شجره  
 اخلاص و محبت لرینی ثمره سعادت و سلامتله خندان و ( یوم ترونه ناهل  
 کل مرضعه عما ارضعت و تضع کل ذات حمل حملها و تری الناس سکاری  
 و ما هم بسکاری و لکن عذاب الله شدید ) آیت جلیله سیله بیلمش اولدیغمز  
 احوال آخرتی سهل و آسان بیورسون آمین ذهنی افندی برادر مزک  
 دلالتیله نائل اولدیغکز حسن ظن عالیلرینی تبریک ایلرم قال النبی المکرم  
 صلی الله علیه وسلم ( من اعتقد بحجر لنفعه ) معلوم سعادت لری اولدیغی  
 کبی تقیض و تعالی به مدار اوله ییله جک برشی و ارسه اخلاص و محبتدر  
 ابدی سعادت و سلامت شجره اخلاص و محبتک ثمره سیدر فقیر کزی  
 بیلدیرن و کمال عجز و افتقار ایله برابر منظور ابرار ایلین انجق اخلاص  
 و محبتدر . سادات کرام و پیران عظام افندیلریمز حقنده بسلیه بیلدیکم  
 جزئی محبتدن بشقه بر سرمایه م یوقدر . جناب الله بوسایه ده فقیر حقیر ایله  
 سوکیلی اخوانی و باخصوص ذات عالیکزی فیض ایتسون و دوچار  
 عذاب و عقاب ایتسون آمین .

## اوتوز ايكنجى مكتوب

سراسر لطف وشفقتله مصدر وپايي مهر محبتله معطر و لا ه  
شباط ۳۲۱ تاريخلى محرر اولان زيبامراسله مكارم علامه فاضلانه لرى  
واصل دست مسار اوله رق ادعيه خيريه لرى تقديم بارگاه جناب پروردگار  
قلندى . ذره ي ذروه يه و قطره شبنمى كره سايه اعلا ايليان جناب  
ذوالجلال والجلاله هزاران حمد و ثنا اولسونكه داعيكز كجى بر فقير  
حقيرى و بر عاجز سراپا قصيرى منظور انظار ابراز و مظهر توجهات  
اولى الابصار ايدوب قدرث كامله سنك بوصورته دخى ابراز و اظهارينه  
مساعده بيور مشلردر . مولانا عجز مجسم اولان بودا عيكزى كور مشر  
( ومن اعتقد بحجر لفته ) حديث شريفنى بيلماش اولسيديكز .  
اخوان كبرائمه اسناد بيور مش اولديغكز فيض وسعادتك موردنى  
بولق ايچون عظيم مشكلاتده واقع اولورديكز . لكن ( بفعل الله ما يشاء  
ويحكم ما يريد ) ايشته بوكامبى در كه سعادت دنبيه و سلامت اخرويه سنى  
آرزو ايدن ذات نظير و وزيردن مستغنى اولان مانع و معطى حضر تارينه  
متوجه اولوب خلق اسبابى دخى او ذات اجل اعلان استرحام ايلمليدر .  
حق تعالى حضر تلى كالات ذاتيه دن خالى خلق ايتمش اولدينى بر جسد  
يابى ( نى ) كجى استعماله عنايت و صدامزى ايشيدن ارباب ذوق  
وصفايى سرمست باده وحدت و محبت بيورسون . ذات عاليكزى دخى  
خالقه اخوت و حديقۀ طريقمزك زيب و زينتى ايلسون آمين بحرمة  
طه و يس . مولانا ( من قال انا عالم فهو جاهل ) حديث شريفنى  
بيليرسكز . اخلاق حميده و اوصاف پسنديده نك جمله سى جناب قادر  
يچونك بروديعه سى اولدينى حلاله علم كجى ارشاد كجى فضائلك كندى شخصه

اسنادى قوللرك جهالت و خيانتنه دلالتدن بشقه بر معنائى افاده ايده مز .  
مولام بومثللو جهالتك شر و شئامندن جمله مزى محفوظ بيورسون .  
هوا و هوسه اسارتله سعادت اخرويه دن محروم بيورسون آمين .

## اوتوز اوچنجى مكتوب

۲۵ نيسان ۳۲۱ تاريخيله احسان بيورلش اولان التقاتنامه كز  
واصل دست امتنان اوله رق شادان و خندان اولدم . الهى دنيا ده شادان  
و عقبا ده خندان اوله سكز . مشاغل دنويه دن حاصل اولان آغز لقندن  
شكايت بيور مش ايديكز طوغريدر . برلسان معامله دنويه دن ناشى غافل  
بر قلب ايله اولديكى حلاله آخرتده كجى آغزلى ده زيا ده در . حفظنا الله  
تعالى و ايا كم اميد ايده رمكه آيات واحديث شريفه ي تماميله تصديق ايدن  
ذات عارفانه لرى ايچنده بولنديغكز اغلب اوقاتى ذكر قليدن و يا خود  
رابطه شريفه دن غافل براقز سكز . امتعه نفيسه ايمان ايله طولو اولان قلب  
اوطه كزى بكجى نظارتندن خالى ايترسكز . باخصوص آتمشه چاتمش  
اولان بر عمر دن صكره انسان سفر آخرت ايچون تدار كده بولمليدر .  
كنديسى اهل و عياله و يا خود تكثير امواله فدا ايتمه مليدر . « سرمايه  
تودراين جهان يك كفن است : آن هم بكمائى كه برى يانبرى » قال  
عليه السلام « اقل امتى ابناء السبعين » يعنى امتدن يتمش سنه ياشايان  
قيليدر .

بناء عليه قسمت ازليه روى رضا كوستروب فيما بعد حلولى  
تقرب ايدن سفر آخرت ايچون حاضر اولملى ز . دائما آخرتى و عالم  
موتى تفكر ايتمليز . صله رحمتى ايفسا خصوصتده ماذونلرسكز  
هر زرده اولورسه كز زميله اولوكز موفق اوله سز آمين . قال عليه السلام



(اكثرُوا ذِكْرَ الْمَوْتِ) حديث شريفه اعتماداً طول امل، حرص مال وجاه، حسد، كبر و امثالي مثلوا امراض باطنيه بي تداوى خصوصند تفكر موتك ويره چكى فوائدك پك عظيم اولديغنى امام غزالي عليه رحمة البارى حضرتلى لسان تقدير ايله بيان بيورمشلردر. مولام موفق بيورسون آمين .

### اوتوز دردنجي مکتوب

۱۳۰۵ ايلول ۲۲۰ تاريخيه محرر اولان ايكي قطعه التفاتنامه كزى آلوب مطالعه سيلاه دلشاد اولدم . الهى دلشاد اوله سز . كچن هفته طشرده بولنديمندن جواب يازدمدم عفو كزى استرحام ايلرم . فضيلتو خواجه يكتا افندى ايله سائر اخوان كرامه واقع اولان زيارت كزى ممنون اولدم . جمله كزى صحت و عافيتي بشارتندن حق تعالى حضرتلرينه تشكر ايلدم . اصحاب سيئاتك بر ساعت اول مماتى مصلحت اولديغى كچى ارباب سعادتك دخى بر دقيقه حياتى منفعتدر . جناب حقاك ذكر و فكريله احيا اولنان وقتلر مصلحت عامه بي انتاج ايده چكندن اخوان طريقتك صحت و عافيت و كمال موفقيتي ايچون دعا ايلك الزم بولنديغندن ماذام الحيات بو وظيفه نظيفه نك اجراسنى التزام ايليه حكيم طبعيدر . مولام جمله كزى و جمله مئزى موافق بيورسون شرف ملاقاتندن محروم بيورسون .

پروانه كچى ضيائى معنويه كزى اطرافنده بولنان و برتانيه آيرماسنى آرزو ايتيمان روحانيت مشتاقانه مئزى عالم معنده فضيلتو حاجى حسين افندى حضرتلى طرفندن مشاهده و ذات عاليكزه اخبار بيورلديغنى و اخيراً پيش چشمان توجه فشانكزه دخى اثبات وجوده موفق بولشم اولديغنى

تبشير بيورمش ايديكز . زهى بختياري . روحانيتك بو كچى احراز موفقيتي شايدان تبريك اولديغى بديهيدر . يالكز جسمانيتك حسدندن و يا خود غبطه سندن بر درلو ياقه بي قورتازاميور جناب حق و فياض مطلق حضرتلى روحانيته احسان بيورمش اولديغى زيارتى جسمانيتده احسان بيورسون او بچاره بي دخى اعلاء مقاصدينه نائل ايلسون آمين .

### اوتوز بشنجي مکتوب

شجره طريقتك عندليب خوش الجانى و كنگره حقيقتك خطيب فيض افشاني اولان بر برادر معارف پرورك لسان معجز بيانيلاه تقرير و قلم مشكين رقيه تحرير بيوريلان و پيراهن يوسف كچى مشام جاني تعطير ايليان التفاتنامه كزى سوادى كوزلريغى تنوير بياض ايسه خاطريغى تسير ايلدى . سياق و سباقندن لايح و فايح اولان يكي بر اخلاص و محبت حقيقي بر لطف و شفقت حواص معنويه مي تحرير كه مدار اولديسه ده طرف كزى وضع ايديان امضايه سبب كاتب مومنى اليه هويى بابتده برقرار قطعى و برده مدم قلت اقتدار ايله كثرث اقتقار مي بيلديكز حلاله بوذات نادره الصفاتى فقيره تعريف ايتلى ايديكز . شمدى بوذات كيم بيلير سزى نه مدح ايشتمش نه تنالر ديكله مش و حق فقيرانه مزده نه على نيتلر بسلاه مش و مكتوبك جوابنده نه اشارتار بكله مش هيها هيهات . فقيريكز حالا اصل ايمانك اكلاله چاليشيورم . بوكله تو حيدى طوغرى و درست سويلكه آليشيورم . چونكه جناب حقاك غيريسى بر مطلوب و لسان صوفيه ده بر صم قلبده موجود بولند قهجه لا اله الا الله سويلك مشكل و معناً شايدان قبول و وسيله وصول اولاجنى

مشکو کدر مع مافیه خیر دعای بودات عالیجنابه تبلیغ بیوریکز. جناب حق کندیسنی مطلوب حقیقیسنه نائل بیورسون امین .

### اوتوز آلتنجی مکتوب

حق جل و علا حضر تلی کلام قدیم وقرآن واجب التعظیمده  
« وهو معکم این ما کنتم » بیورمشدر یعنی هر زرده اولسه کنز الله  
سزکله در احوال خصوصیه کزه واقفدر حاضر در ناظر در دیمکدر بو  
ایت جلیله قلباً ، قولاً ، فعلاً ، حالاً ایمان و اعتقاد ایدن قولر ترفع  
درجات و جنان عالیات ایله مبشر اولدقلری کبی دار دنیاده دخی فواید  
عظیمه سنه نائل اوله جقلری حدیث شریف ایله ثابت و مبرهندر قال  
علیه السلام « ان الله تعالی یعطی الدنیا علی نية الاخرة » لکن بو آیت شریفه ناک  
تصدیقی لسانه حصر ایدن جسور جاهلار یا خود استار نسیان آلتنده  
پوشیده طوتان غافلر ده طوغریسی موجب طعن و تشنیع اولان بر  
فعل منکری اجراده زید و عمرک مشاهده سندن صیقیلوب حذر ایدنلر  
لکن جناب حقک حاضر و ناظر بولندیغی بر حقیقته التفات ایتینلر روز  
جزاده ، محکمه کبراده ، اوعلی اولان استنطاق اخراجه نه یولده جواب  
ویره جکلری جدأ جای تأملدر مالک الملک و ملکوت حضر تلی قولارینه  
خطاباً عتاباً یا عبدی سنک حیات و مماتک اقبال و ادبارک وسعت وضیقتک ،  
صحت و عافیتک الحاصل هر بر نفسک نیم یدقدر تمده اولدیغی حاله نمی  
ایتمش اولدیغیم بر فعل منکری نه جسارتله یاپدک دشمن سعادتک اولان  
شیطان لعینه اطاعته نه فطانتله مبادرت ایلدک یا عبدی بنی کورمزمی  
بیلزمی ظن ایتدک و یا خود کندک کبی بر عبد عاجزه قارشو لارم

کور دیکک حیا و حرمتی بکا قارشولز و مسز می اعتقاد ایلدک بیوره جنی  
هنسکامده عجباً نه کبی بر جواب تدارک اولنه جقدر هانکی بر فیلسوفک  
فرط ذکاسندن هانکی بر آوو قاتک کثرت معلوماتدن استفاده ایدیله جکدر  
هیئات هیئات شونیده علاوه ایدلم که انشای محاوره ده جرم و خطالری  
اعتراف ایله برابر افعال معاتبه دن قورتارمق ایچون « الله غفور در »  
سویلین بر طاقم لا ابالیلر محقق بیاسونلر که کندیلر نی آلداتمش اولورلر  
زیرا آیت کریمه ده « وانی لغفار لمن تاب... » بیوزلمشدر مناهی و معاصیده  
مصر اولانلر حقنده بویه بر بشارت صادر اولدیغی شویله طورسون  
بالعکس نص جلیل قرآنیده « ولا یغرنکم بالله الغرور » یعنی ای بنم  
قولارم شیطان سزی بنم عفو و منفرتله اغفال ایتسون بیورمشلدر  
امام غزالی علیه رحمة الباری حضر تلرینک بو مقامده سردایتمش اولدیغی  
بر حکمت بالغه بی بر حقیقت مجسمه بی صیره سی ککش ایکن عرض ابدیم  
شویله که حق تعالی حضر تلرینک اسما و صفاتنه اعتقاد ایتک هر بر مؤمن  
ایچون فرض عیندر لکن برینی برندن تفریق ایتماک دخی شرطدر  
مثلاً غفار اسمنه متوکلاً عمل و عبادت مجبوریتنی لزومسز کورنلر رزاق  
اسمنده متوکلاً معیشت دنیویه لرینی تأمین خصوص صندمه سعی و عملی زائد  
کورملیدرلر برینه اعتقاد ایدوب دیکرینه اعتماد ایتمه مک منطقاً حکمتاً  
شایان اعتبار اولاما ز شرعاً عقلاً عقیده صحیحیه ایتقان ایلله مازهان  
جناب واجب الوجود جمله مزه بر عقل کامل احسان بیورسون محقق الوقوع  
اولان سفر آخرتلیغی اونو تمق ایسته یلردن و بر ساعت بقاسی مجهول  
اولان حیات دنیایی محبوب و معشوق اتحاد ایلین معاشر طفلانه دن  
معدود بیورسون امین .

## اوتوز یدنبجی مکتوب

کوزلریکیزی اوپر وبتکرار لطائف عشره علیه کزی جناب جناب حقک سلامیه مبشرایدر و تقدیر و تقدیسی قوه بشریه مک خارجده بولنان التفاتنامه کزک برکوشه سنده ایراد بیوریلان سؤالک جوابی سویلر وما حضر فی الذهن داعیانہ می عرض و تقدیمه مجاسرت ایلمرم. انسان آب و آتش خاک و باد نفس ایله قلب و روح و سروخنی و اخفا کبی لطائف عشره دن مرکب اولوب حمسه سابقه یه عالم حقایق و حمسه لاحقه یه عالم امرا طلاق اولمش و نفس خلقتاً عالم خلقک امتزاجندن متحصل بر بخار ظلمانی ایسه ده نسبتاً عالم امره تابع طویلیمشدر. عالم خلق فرائض جسمانیه ایله مکلف اولدینی کبی عالم امر دخی نوافل سنیه ایله موظفدر. خشوع حضور محبت معیت قربیت کبی برچوق عزایات بشریه یی حائز اولان عالم امردر. (لا یزال عبدی یتقرب الی بالنوافل حتی احبه) حدیث شریفی دخی بومعنا یه اشارتدر. اماره بالسوء اولان نفس اجزای انسانیه نک اک مذمومی اولدینی حالده نوافل سایه سنده وجودک اک ممدوحی اوله جفی مرویدر. قال النبی صلی الله علیه وسلم (خیارکم فی الجاهلیه خیارکم فی الاسلام اذا فقهوا) بنابرین لا یحمل عطایا الملك الامطایاه قاعده قویه سنه استناداً جناب حقک تکلیف بیورمش اولدینی طاعات و عباداتی اقتدار ایچون هر حالده مراحم جلیله السبیه و توفیقات باهر الفیوضات صمدانیه یه درکار اولان احتیاجز ظاهر و یا هر در. ادای فرائض و نوافله وابسته اولان وسعادت دنیویه و اخروییه یی جامع بولنان رضای میامن احتوائ حضرت مولانی قزاق ایچون دائماً اخوان کرامک خفت ظاهر و صفوت باطنی

استرحام ایدر و مشاغل متکثره دنیویه ایله وجوده عارض اولان بطائتک دفعی باینده جناب حقه تضرع و نیاز ایلمرم.

## اوتوز سکر زنجی مکتوب

برخیلی زمان انتظار فقیرانه و یا خود اشتیاق پدرانده نصکره لطف و احسان بیورلمش اولان غایتنامه فاضلانله لری مرثده عافیتکزی مبشر بولندیغندن کمال نشاط ایله تلاوت ایلدم مولام حضرتلری عافیت مادیه و معنویه کزی لازم غیر مفارق و سعادت ابدیه یی آغوش اخلاص و محبتکزله معائنات بیورسون قلبکزی خانه محبت و لانه مهر و مودت ایلسون آمین هر صباح جامع کیرده جماعت اخوان ایله برابر جهرراً ذکره و ختم شریفه دوام اولندیغنی تبشیر ایتمش ایدیکز فوق العاده محظوظ اولدم قال تعالی (لئن شکرتم لازیدنکم) معلوم فاضلانله لری اولدینی اوزره شکر (باری شاکرم) دیمک دکلدر بلکه (صرف العبد جمیع ما انعم الله علیه لما خلق له) معناسنه کلشدر و اک مقبولی ایسه ساری اولان یعنی اخوان دینی مستفید ایلمن عبادتن عبارتدر قال علیه السلام (الدال علی الخیر کفاعله) و قال علیه السلام (من سن سنة حسنة الى اخر الحديث) اوراده بولنان اخوان کرام ایله هر نه قدر ملاقات حاصل اولمیدسه ده لکن جمله سنه تسلیات فقیرانه مک تبلیغ بیورلمسی مثنادر جناب حق و فیاض مطلق جمله سنی نفس اوزرینه فائق و جمال با کالنه عاشق صادق قلر عدادینه داخل بیورسون و اوسایه ده سفر آخرت لرینی حشر لرینی حساب لرینی سهل و آسان ایلسون شوقی ده افاده ایده لم که جناب حقک جمال با کالنه ادعای عشق و محبت ایتمیان همان یوق کبی ایسه ده فعلاً اثنای متعسر در و برخیلی

کسهلر بو خصوصده کندیلرینی آلداتمش اولیور برانسان محبتک معناسی  
او کریمک ایسترسه مال و ولده قارشو اولان معامله سندن او کریملیدر که  
اکثر اوقات آتارک فکر و خیالیه صرف ایدیور خاطرندن چیقارده میور  
هر درلو فدا کارلده بولنیور و هر براسبابه توسل ایلور و تحصیل یولنده  
راحتی حضورینی سلب ایدیور ایشته محبت بویه اولمیلدر لکن قسم  
اعظمی خالق عظیم حضر تارینه اولمیلدر که باقیدر معطیدر راز قیدر مرید سیدر  
(وان تعدوا نعمة الله لا تحصوها) ماسوايه ویریلن امک ضایعدر بعضاده  
مضر در اقل مایکون فانیدر سریع الزوالدر. وفقنا الله تعالی وایا کم آمین  
بحرمة طه ویس .

### اوتوز قوزنجی مکتوب

شریعت مطهره خصوصده کی تأمیناتی مشعر بولان اوچنجی التفات  
نامه کزدن فوق العاده محظوظ اولدم اخص آمالم وزبده افکارم اولان  
موفقیت کامله لری حقنده دعوات خالصانه می تکرار ایلدم مقدمات  
نجاتی احسان بیورمش اولان جناب رحیم ورحمان مقاصد معظمه فوز  
وفلاحی دخی سهل و آسان بیورسون جمله منی شا کر الاحسان قوللرندن  
ایتسون (ولئن شکرتم لازیدنکم) سرینه مظهر ایتسون آمین شوم مقامده  
شیخ سعدی حضر تارینک بریتی خاطریمه کلدی شویله که ! ابرو بادومه  
وخورشید و فلک در کارند : (تا توانی بکف آری و بغفلت نخوری) بوبیتک  
خلاصه مالی شو صورتله تلقی اولمیلدر یعنی طراوت آب لطافت هوا  
برودت قر حرارت شمس کی انوار غلویه و اجرام فلکیه یی سکامطیع  
و مسخر و ب صورتله اداره معیشت و ادامه عافیتلر تأمین و مقدر بیوران

حضرت اللهک لطف و احسانتی و تعدادی ناقابل اولان انعام بی پایانی دایما  
تفکر ایدوب اطاعت و تشکرندن غفلت اولمسون که اودخی ایکی جهانده کی  
نعمتارینی مزدا دیورسون معلوم عالیلری اولدینی اوزره شیخ مشارالیه  
سهل تمتع قیلندن اولان بوبیتی الله ایچون کوزل سویله مشدر زیر  
دنیا ده هانکی ولی نعمت تصور اولنور که اعضا و جوار حمزی صحت  
وعافیتمزنی نان و نعمتمزنی مولا مزنی کی یوقدن وار ایتسون ویرسون  
هانکی برآمده تصادف اولنور که ولور بر فک فوقده کی اون باشی اولسون  
دفعات ایله امرینه اطاعت ایمان بر فزینی جزاسز بر اقسون عفو ایتسون  
غفار اولدینی کی قهار اولان ذات اجل و اعلانک زیر اداره سنده  
بولنیورز اجزای ممالک سنده بارینورز هر کون مائده انعامده مرزوق  
اولیورز عقلاً عرفاناً وجداناً هراحتیه قارشو امرینه اطاعت و وظیفه  
عبودیتی ایفایه غیرت ایتلی بز فردای قیامتده نه اولور نه اولماز رب یسر  
ولا تعسر باقی السلام علیکم .

### قرقنجی مکتوب

التفاتنامه کز واصل اولدی حدسز و حسابسز مسرور اولدم ذهنی  
افندی برادر مزک جریان مخبریه دائر اولان تشریقاتی بر طاقم ادله  
مقنعه ایله شایان قبول بیورلمش اولدینی حالدیه بوبابده فقیر کز دخی  
برقاچ مقدمه ایله تصدیقه مجاسرت ایدرسم فائده دن خالی اوله میه جفی شبهه  
سزدر شویله که (١) (ولا یتکونوا کالذین نسوا الله فانهم انفسهم اولئک هم  
الفاسقون) آیت حلیله سی ایحانجه جناب الله ذکر و فکردن خالی اولان  
مؤمنلری فاسق کله سیله تعبیر بیور بیور (٢) طرائق علیه نک هر هانکی سنده  
اولورسه اولسون ذکر و فکر ایله سالک اولمق ایسته ین بر مؤمن او طریقتک

آشناسی اولدیغندن هر حالده بر دلیل راهه ونفس وشیطان کی اشقیادن  
محافظه ایچون بر ظهیر صاحب انتباهه محتاجدر قال تبارک وتعالی  
( وکونوا مع الصادقین ) ( ۳ ) معیت مرشدک بر قسمی جسمانی اولدیغی کی  
بر قسمی دخی روحانیدر که بونی رابطه شریفه تفسیر ایده بیلیر رابطه  
ایسه قلت و کثرتی یعنی ضعف وقوتی محبتک قلت و کثرتنه تابع  
بولنه خغندن محبت ترایدایتدیکی نسبتده رابطهک دخی قوتی تراید ایدر  
رابطهیه افتقاری بیلن اختیار ایچون محبت مرشدکی داروی خوشکوار  
بولنه مزبوع علاحک تأثیرینه مانع برشی وارایسه اودخی برهنه باندده کی  
عدم رعایتدن عار تدر که بونک برنجیسی خلاف شریعت ایکنجیسی اسراف  
قیلندن بولنان بر طاق زینتیه محبت اوچنجیسی اهل عقلمت وقسوتله  
الفت ومصاحبت المکدر جناب الله فقیر حقیر ایله بالجمله اخوان کرامی  
مفاسد مادیه ومعنویه دنیویدن مصون ومقاصد معظمه اخرویه نائل  
ومقرون بیورسون آمین .

### قرق برنجی مکتوب

اخوان طریقتک حق نامستحق فقیرانه مده بسله مش اولدقلری  
حسن مرحمته مقابل هر نه قدر تشکر ایتسم آزدرد . جارحه افتراق ایله  
مجروح بولنان قلب درویشانه مزه مدار تسبایت اولمق اوزره کمال  
اذواق ایله ارزان وکمال اشفاق ایله احسان بیورمش اولدیغکنز مراسله  
نصف المواصله بی دست شکرانه آلوب عیون امتنان ایله قرائت وحق عالیکنزده  
دعای درویشانه می تقدیم بارگاه اجابت ایلدم . جناب الله جل جلاله  
حضرتلری مدینه قلبکنزی کندی محبت وذ کریمه منور و محبت

ماسوادن خالص ومطهر بیورسون آمین . قال تبارک وتعالی ( ماجعل  
الله لرجل من قلبین فی جوفه ) یعنی جناب الله بری محبت مولا ودیکری  
محبت ماسوایه مخصوص اولمق اوزره ایکی قلب ویرمأمشدر . لانه محبت  
اولان خانه قلب بردر . هر هانکیسینه ربط اولنورایسه دیکری اهمیتدن  
ساقط اوله جقدر . بناء علیه طریقه علیه ایله عامل اولان مؤمن کاملک  
مشاغل کثیره ددیله قلباً جناب حقک ذ کریمه مشغول بولنملری ایجاب  
ایدرد . وفقنا الله تعالی وایاکم فی تحصیل رضائه والرضاء بقدره وقضائه  
آمین . معلوم عالیلری اولدیغی کی حقیقت دائماً ظاهر ایسه ده دنیانک  
محبت وکثرت مشغولیتی سائقه سیله قلب اوزرینه واقع اولان کثافت  
انسانی مشاهد حقانیتدن بر درجه محروم ایدیور . یوقسه مانع ومعطی ،  
نافع وضار ، محی وممیت ، ستار العیوب ، غفار الذنوب یالکنز جناب  
خالق اولدیغی حالده بشقه برشیته محبت وربط قلب ایلمک اصلاً جائز  
اوله ماز . انبیای عظام واولیای کرام مال وولد کی بر شیئه اظهار  
محبت ایتمش ایسه لر مالی تحصیل رضای ربانی یولنده صرف وولدی  
امت محمددن بر فردک ازدیادی وصدقه جاریه اولمق مقصدی اوزرینه  
ایتمشدر . بیلدیکمز کی جان وکوکادن محبت ایتما مشلر قلبلری  
یالکنز محبت الله ، ذ کر الله ایله منور ومستریح بیورمشلردرد . شمدی  
دخی بر انسان ( ظاهر باخلق باطن باحق ) اولور ایسه عین موفقیته  
مظهر اوله جنی طبعیدر . مولام بزى وسزى مجلس ذ کریمه قبول  
بیورسون محبت ماسوایه مبتلا اولانلر کی درگاه قربیتدن تبعید  
بیوررسون آمین والسلام علیکم .

### قرق ایکنجی مکتوب

شیوه کفتاریکنزی آکدیررولصف مواصله کز مقامنه قائم اوله بیلن .

لطیف ، نظیف ، شریف اولان برقطه مراسله جوابیه کزی یدافتخاره آلام او قودم آکلادم آتش فراقه مدار تسلیت و دعوات ، خیریه می ازبار رفع بارگاه احدیت ایلدم مظنه دن بردات ایله کوروشدیککیزی وبوزمانده مرشدک عدم و جودینه اولان قناعتکزی ویا لکنز بوقفیر حقیرک حقنه درکار اولان حسن ظنکزی بیان بیورمش ایدیکنز . معلوم اوله که ارباب عرفان و احباب فضل و کمالی فضل کمال ایله اقناع ایلک متعسر در حق داعیانه مده رایکان بیوریلان رقت ، شفقت ، مرحمت ، عنایت یا لکنز برعجز و فتورک برمشاهده قصورک ثمره سیدر که جناب حق بو عبد عاجزینه احسان بیورمشدر .

اله دوشمنز سنک فضل و هنرله دامن لطفک ! سنی عجز ایله تسخیر ایلکدن بشقه صورت یوق ؟ بیتک مفاد نجه داعیاری کرک ذات عارفانه کزه و کرک کوروشدیککیزی ذاتی ثنایدناره خطا اسناد ایدم هم هرا یکی طرفه دخی حق ویرمک ایسترم وار اوله ستر ثمره اخلاص و محبتکزه کامکار اوله ستر طریقت علیه سیر سلوک ایله مقام نفسی طی و خالق حی لازاله تقرب ایچون اک درین برقطه ده بسله دیککیزی نیت و آرزوی ملاقاتی بیلیدیکم حالده جلوه الهیه نک کو سترمش اولدینی دوری صورتیه برآز دهنا صبر و تحمل ایلک لازمدر . اوراد و ازکار کرک قلیل اولدینی بیلیورم ( وادکر ربک فی نفسک ) آیت جلیله سی اقتضا صحنه مقام نفسده دخی اسم جلالی ذکر ایدیکنز . سوبله که : نفس ناصیه ده یعنی سجده محملده اولوب بر لطیفه ظلمانی در فکر آ قلبی ذا کر ایتدیککیزی کبی لطیفه نفسی دخی اوصورتله ذا کر ایدیکنز صانکه نفس ناصیه ده الله بر در سوبلیور و بونک ایچون بر عدد معین یوقدر ایسته دیککیزی قدر سوبلیه بیلیور سکن انشا الله تعالی محفوظ اولور سکن نه زمان آرزو بیور یایر سه

قلب ایله دده مشغول اولمق ممکندر . زیرا قلبدن صوکرده کزی نفسه ویرمک سالکانک بعضیلری حقنه تجویز اولمشدر . فقیر کزدخی زمان ملاقاته قدر خیر دعادن غافل اولمام باقی جناب الله امانت اوله ستر افندمن .

### قرق اوچنجی مکتوب

عریضه درویشانه مدر .

اظهار درد فراق و افشای کالای اشتیاق ایچون وسائط افاده شدت احتیاج اولمقله برابر وادی حرمان و حیرتده پویان اولدیغم برزمانده وصف الحال فقیرانه می مشعر و اقضای آلام اولان صحت عاقبت عالی برنی مبشر برقطه التفات و اشتیاق نامه نامیلرئی آیادی مسرتة آلوب عیون افتخار ایله قرائت ایلدم . جزا کم الله تعالی خیر الجزاء سردوبیان اولنان حقایق باجمله احوال داعیانه می ترجمه ایدیوردی اعتراض قبول ایتمز قلم مشکین رفیکزه باعث اولمسیدی فقیرده موجود اولان اشتیاق بوندن زیاده در سوزینی سوبلیه بیلیور ایدم لکن بیان تشکر دن باشقه برشی افاده ایدم جناب حق آب کوثرله مکافات بیورسون آمین مشاهده بیوریلان رؤیای صالحه پک رعنا بر ماده در سودنایمادر حمد اولسون کمال ایمان ایچون بر بشارته موفق اولمشکزی . شوقدر وار که فبا بعد اوقات مارکه و مخصوصه ده بکر مهر درت ساعت ظرفنده بر قاج دفعه قلبی بر حناق هیئتده تصور ایدوب جناب حق انوار و فوضائی ایچون معروض ومتوجه بیوریکزی ذکر اتمه سکنز بومراقبه اخدی ذکره بدل ایدیکنز سکون و بلاذکر متفکزی اولکزی و ایسته دیککیزی قدر دوام و تعقیب ایدیکنز قلب جانب فوقه متوجه اولسون چونکه نزول رحمت فوقده اولان

عشرش جهنم بدن اولور یوقسه جناب حق جهاتدن منزهدر عالم معناده تشوونماده اولان کهر بابو مراقبه به اشارتدر اوقات سائرده دخی ذکر ایده بیلیر سکز فقط بو مراقبه ذکره فوقندهدر باقی هر حال وکارده سزنی جناب حقه امانت ویرم عزیزم .

### قرق دردنجی مکتوب

ذات عالیری کبی بر ذات فاضلک دها طوغریسی بر فرد کاملک زلال وصالیه ریان وانوار جمالیله شادان وخندان اولمش اولان فقیر حقیر کز مهجور رنجور کز پخچۀ فراقه دوچار و بازوی هجرانه گرفتار اوله لی مولانا حضرت لرینک .

بشنو ازنی چون حکایت می کند : واز جدا یها شکایت می کند کز نیستان تامرا بریده اند : از فقیرم مرمد وزن تالید اند

ابیات شریفه سی وصف الحال درویشانم اولدینی ادعاسنده بولنسم روادری اولدقجه بادی تسلیت ودنیاده بولندقجه بادی تنهت اولان بقای صحت وعافیت فاضلانۀ لرینک استشارینه وسیله جو ایکن اوتهدن بروکاشانه بهجتمی تنور ایدن عنایتکزرک دوامی شامل وآشیانه مسرتمی تعطیر ایلین لطف وشفقتکزرک ثباتی مشتمل حافظ مصطفی افندی برادر مزک قلم مشکین رقیله یازلمش اولان برقطعه کرنامه صحت علامه لرینی قاچ کون مقدم ایادی شکرانه آلوب عیون محمدتله مطالعه ولسان افتخار ایله قرائت ایلدم . الحمد لله تعالی علی ذلک جناب الله جسمانیتکزی ذروه سعادت وسلامتده مقرر وروحانیتکزی حلقة اذکارنده منور وموقر بنورسون آمین . فقیر کزدخی حمداولسون

عائله ایله برابر دائره صحت ومهر کز سلامتده مقرر بولندیغمی متشکراً افاده وبالخاصه دعوات مرجوة الاجابتکزی استرحام ایلرم . طریق فقیرانه مزک بر رفیق شفیق وبر سالک کما هو بلیق اولوق اوزره ایجاب ایدن وظیفه نک بیانی بابنده سبق ایدن امر وآرزوی فاضلانۀ لرینی حافظ مصطفی اندی واسطه سیله تالی ایلدم باقی السلام علیکم .

### قرق بشنجی مکتوب

صحت وعافیت علیه لریله احوال صوریه و معنویه لرینک استتبا واستبشاری خصوصنده تقدیمه موفق اولدیغم عریضۀ فقیرانه مه جواباً اسطار بیوریلان نامه نامی کرامیلری واصل انامل مسار اوله رقدعوات خیریه لری ازار اجابتگاه جناب پروردگار قلندی . بیسان بیوریلان وقایع موقت بولوندینی حالده جالب رقت اولدینی دخی شبهه سزدر . مولانا خالد قدس سره الماجد حضرت لری ذاتکزر کبی سویلین برجانه جواباً وصواباً :

دأب ارباب محبت نبود آسایش : لذت عاشق دل سوخته اندرالم است

ودها بوکا نمائل برقاچ بیت ایله مقابله بیورمشلردر . فقیر کز بوکا علاوه شونی عرض ایلرم که انسان ایچون قوس قضادن آتیلان تبری مدافعه بابنده رضا کبی بر تخصصگاه بولنه مز . لکن بویه بر حصن حصینی الله ایتمک قولای دکدر . شبهه سز بر الطاف عمومیه وبر تمطیفات عظیمة رحیمانه به متوفقدر . بونی ده قولای ظن ایتیم علم علی التحقیق بر وسیله به متوفقدر . قال الله تعالی (واجتبعوا الیه الوسیلة) وسیله ایله کمال محبت دوام رابطه به وابسته در . (یاایهاالذین آمنوا اصبروا وصابروا

و رابطوا و اتقوا الله لعلکم تفلحون ) آیت کریمه سنی بو مقامده استعمال ایدرسم علماء ظاهر طرفدن تخطئه اولناملیم چونکه ( ان للقرآن ظهراً و بطناً و بطنه بطناً الى سبعة ابطن ) کبی احادیث شریفه دائره تفسیری توسیع بیورمشلردر . بناءً علیه وسیله اتخاذ بیورمش اولدیغکنز کسینه نك محبته کر میت و رابطه سته مواظبت و بو وسیله ایله سلسله اولیاء الله مواصلا و هر محله حضور ی، کن اولان روحانیت شریفه لریله مواصلاست بیورمکنزی و شئونات کونیهدن مصون اولیان بنی بشره توجهی ملحوظ اولان بالجملة آفات ارضیه و سماویه دن محفوظ بیورلمکنزی مجدد عرض وجداً آرزو ایدرم . باقی حفظکم الله تعالی بحرمة طه و یس .

### قرق یتیمی مکتوب

مشرق افکار کزدن طلوع ایدن پارلاق برجه لینی شامل بولنان التفاتنامه مخالفت علامه کنزه بودفعه دخی نائل اولوب تکرار تکرار مطالعه لازمکن دعوات خیریه کزی تذکار ایلدم او قودقجه کندی کندی طعن و تشنیع ایدرک قوت و قدرتم وار ایکن یچون بویله بر مرید اوله مدینه خلی متأسف بولدم . کنجلاک زماننده بویله بر مرید اولسه یدم شو اختیارلقده محقق کامل بر شیخ اولوردم یعنی شیخ اولدیقمه قناعت حاصل ایدردم بویله یأس ایچنده بولمزدم چونکه شیمیدیکی مشیختم یالکنز اخوان کرامک بر حسن ظنی اوزرینه دوران ایدیور اوندن محروم اولورسم ارایرده برشی قائمه جفته امنیت برکالدر ای برادر نیکو سیر کیجه لری قالقبوب سنایه نظر ایدرکن طلوع ایدن ییلدیز لری سیای فقیرانه مه تشبیه ایتمک وجهنده بیله اولورسم یتیم کزدن

آیرلماق ایچون جناب حقه تضرع ایلک وفقیر کزله بولندیکنز تقدیرده جهنم دکل کل و کستان اوله جنفی محقق بیلکم و بوکا مشابه اولان بر چوق حقیقتلری زده دن بولدیکنز . بوچیچکلی هانکی بر باغ ایرمدن طویلا دیکنز طوغریسنی سویله بو فکر لره ارن وارنار کوینده ظفر یاب اولدیکنز می؟ مشامکنزی اورالک کلدریله تعطیر ایتمدیکنز می؟ و بودسته کلی اوباغک محصولدن اربیله کوندرمدیکنز می ( قولوا الحق ولو علی انفسکم ) اوباغک صاحبنه بر چوق عرض تشکر ، اوباغک حامیسنه عرض تیجات ایلرم ، او باغک و او باغیانک دوامی ایچون ایدیلان دعا لری جناب حق شایان قبول ایلسون آمین . باقی السلام علیکم ورحمة الله و برکاته .

### قرق یتیمی مکتوب

مدار تسلیت و مستلزم تحمدت اولان و دوام عافیت و کمال عاطفتکزی مبشر بولنان التفاتنامه اخلاص علامه عالیکنزی آلوب مطالعه کذار عیون مباهات ایلدم اخلاص و محبتکزه شهبهم اولدینی کبی مصالح فقیرانه مزک ترویجی یاننده درکار اولان اهلیت و قابلیتکزه بر دیه حکم یوقدر . جناب حق سزی و ارایتسون بر خوردار ایتسون معلوم عالیکنز اولدینی کبی الطاف عظیمه صمدانیه و اعطاف کریمه سبجانییه نائل اولمق ایچون اخلاص و محبت کبی بروسیله و خدمت فقرا کبی بر فضیله تصور اولنه مز . اولیای بنام و حضرات فخام صره سنده بر موقع ممتازی احراز ایتش اولان عید الله الاحرار ی قدس الله تعالی سره الساسی حضرتلری ( اولیاء اللهک هربری بر طریق ایله جناب حقه واصل اولمشدر بن ایسه خدمت فقرا یولنده وصول بولمشم ) دیو فرمان بیورمشلردر .



الله تعالی حضرت تباری سز برادر مرزی دخی مشارالیه افند مزك توجهاته  
مظهر واحسان اهالی فقرا نوازیلرندن بهره ور بیورسون آمین ملت  
اسلامیه و امت محمدیه بك فوائد مادیه و معنویه سنی شامل و امثالی نامسبوق  
بر طاقم اسرار و مزایای مشتمل بولان كنزالعرفان كتاب مستطابك  
تكرار طبع و نشری حقنده خاطر خاطر كز دن خطور ایدن افكار  
حسنه و نیات خیریه مستخسنه كنز جداً شایان شكر اندر صاحب كتاب  
حبیب و هاب افند مزك شفاعتی یا ورواقاس قدسیه لری مددكار اولدیغی  
حاله عن قریب نائل مرام و مكافات دنیویه و اخرویه ايله بكام بیوریله جنكزی  
باركاه اقدس الهیدن استرحام ایلرم .

### قرق سكرنجی مکتوب

ایکی کیجه مقدم ذات عالی برینی رؤیاده كوردم (طائفه عالیه كزی  
رؤیاده كورن خیره نائل اولور) جمله جمیله سی ضرب المثل حكمنی المش  
اولدیغی معلومدر داعیلزی دخی حمد اولسون اوكونك فرداسی احتمال  
بعید ايله محتمل اولان برخیره مظهر اولدم تشكر ایدرم جمله معترضه  
قیلندن اوله رق شوحقیقت افاده اولندیسه ده تقدیم عرضیه دن مقصد  
عاجزانه م بودكل بلکه كوردیكم رؤیانك بر درجه یه قدر بیان علویتی در  
شویله كه عالم معناده واقع اولان مواصلت معنویه ده حس ایندیكم مسرورتی  
نائل اولدیغم محظوظیتی اون اون بش سنه مدت معشوقندن آیرلمش  
محبوبندن مهنجور اولمش بر عاشق سوخته نك بروامق افروخته نك هنگام  
وصالنده کی حال و شانته احتساستنه تشبیه ایلسم مبالغه ایتماش اولورم  
زیرا عروق و اعصاب مزده مودوع من عند الله اولان محبت قرابت مودت

مناسبت مرور زمان و تعاقب روزان و شبان ايله سحاب ایچنده مستور  
اولان بر آفتاب کی اولدیغی حالده کیجه یاریشنده بویله بر آفتابك طلوعی  
وقوای باطنه خویشانه مزك تنویریله حصوله كلن ابتهاج درویشانه مزك  
تصویری ایچون یوکی تشبیهاره حقیقت نظریله باقق اقتضایدر لقا كزله  
منور اولان کیجه من قراكلق بر صباچه مبدل اولندیسه ده خزانة  
خیال مزده انعكاس ایدن جمال باكل كزك تأثیر یله طول مدت خوشحال  
وبللكه برق اچ ساعت قریر العین و البال اولدم دعوات خیریه كزی ایصال  
سرایرده رب متعال ایلدم جناب حقه امانت اوله سز افندم .  
رؤیایی یازار كن (الناس نیام فاذا ماتوا انتبهوا) حدیث شریفی خاطر یه  
كلدی .

یعنی انسانلر خواب غفلتده در بعدالموة متیقظ اولورلر فی الواقع  
دنیا نك خواب و خیال اولدیغی و شایان اعتماد بولندیغی انسانه او كره تن  
موتدر شوقدر وار كه جناب حق دن موتوا قبل ان تموتوا سرینی استرحام  
ایدلم و اوسایه ده استقبالمزك تأمیننه موقق اوله لم باقی السلام علیكم .

### قرق طقوزنجی مکتوب

توفیقات ربانی یاور و تأییدات صمدانی برابر اولدیغی حاله بادی  
صلاح و باعث فوز و فلاح اولان سلسله علیة نقشبندیه التحاق كزی  
خصوصیله خواجه بیهمتا فضیلتلو یكیتا اقدی حضرت تباریته بیوست اولان  
دست اتفاق كزی تبریک ایللك فقیر ایچون الزم و بر وظیفه ملتزم  
قیلندن ایكن هر فصله بو آنه قدر وقوع بولان تأخر دن طولانی  
یالكنز ذات عالی كزه دكل بلکه كندی وجدانه بیله محجوبم باخصوص

بوهفته پوسته سیله ارساله عنایت بیوریان نامه مکارم علامه ادیبانه لرنده.  
 اظهار بیوریان لطف و شفقت و دکر مک فوقده بولنان اخلاص  
 و محبتکزه مقابل ایفای تشکر دین دخی عاجزم جناب علام الغیوب قلبکزی  
 حاکم و نفسکزی محکوم عقلکزی غالب و شیطانکزی مغلوب بیورسون.  
 دیده بصیرتکزی تماماً آچسون حیات دنیایی موقت ثروت و سامانی  
 اولدینی کی امانت کوسترسون درجات عقباتی مؤبد و شایان اهمیت  
 بیلیرسون قالاً بیلوبده حالا بیلسمان کور و هندن ائمه سون قال الله تبارک  
 و تعالی ( یا ایها الذین آمنوا لم تقولون مالا تعملون کبر مقتاً عند الله ان تقولوا  
 مالا تعملون ) مومی الیه خواجه افندی حضر تارینک مصاحبه - نی اختیار  
 و قول فعلندن اقتباس فیوضات ایدن بختیارانه آیین شریعت و آداب  
 طریقتدن بحث ایلمک معلومی اعلان قیلتندن اوله جغنی بیلدیکم ایچون  
 یالکزر دعا الیه ختم کلام و بودعالم قبولی جناب خقدن استرحام ایلمم.

### النجی مکتوب

لسان عذب الیانکزدن طاملا یان رشحات بلاغت اذواق معنوی می  
 لبریز نشاط و قلم مشکین رقکزدن سیلان ایدن قطرات ظرافت اعماق  
 خیالخانه می مستغرق مباهات ایلدی جناب قاضی الحاجات جل و علا  
 حضر تری قلبکزی مورد فیوضات و قالکزی مظهر فتوحات بیورسون  
 آمین نام فقیرانه مک خوابگاه فیض پناه حضرت مولاناده یاد بیورمقدمه  
 اولدینگکزی تبشیر ایتش ایدیکز ممنون اولدم بالخاصه شکران ایدر  
 و مکافات معظمه یه نائیتکزی تضرع و استرحام ایلمم. اثنای مراقبه ده  
 آثار فیوضاتک فقدانندن متحصل مأیوسیت الیه برابر سر ارقلیه و احوال.

روحیه لرندن عدم خشنودیتی متضمن اولان جمل جمیله لرینی دخی  
 مطالعه ایلدم جواب اوله رق حضرت شاه نقشبند افندیمرک ایکی یتنی  
 یازیورم .

از هیچ کسی خود باخیرم از هیچ کسی به نیم الا برم  
 هر چند بحال خویش مینکرم یک حبه نیز در ز قدم تابسرم

علاوه اوله رق مولانا جامی حضرینک بر یتنی تخمیس فقیرانمله  
 برابر مطالعه بیوریکز :

درباغ بقانه کل شدم نه خاری نه مست می فانه هوشیاری  
 سنجیدم بار خویش کفتم آری من هیچم و کم ز هیچ هم بسیاری  
 از هیچ و کم از هیچ نیاید کاری

بو یتلردن آکلاشیلور که فیوضات کامله مشاهده فیوضاته منحصر  
 اولیوب اکا بر طریقتک بر قسمی آثار فیوضاتک فقدانندن و کمال  
 محویت سایه سنده دکر سز بر مخلوق بولندقلرندن بحث ایتشله و بوضورتله ده  
 سالکان طریقتی ارشاد و معارف سنیه لرندن بهره یاب ایتشله در باقی  
 السلام علیکم .

### اللی برنجی مکتوب

مسموعات الیه حاصل اولان محبت و التفاتکزر دوام و بقاسنه دلالت  
 ایدن عنایتنامه کزی لسان مباهات الیه قرائت ایلدم دلائل عقلیه و نقلیه نک  
 محصولی بولنان علم الیقینک بو مرتبه حائز ثنات اولدینه متشکر بولدم  
 چونکه صوفیه حضر اتک علم الیقینه مبالات بیورمدقلرینی و برسالکک  
 شاهراه حقیقتده کی سیر و سلو کنی تسهیل و ترقیسنه بخش امکان ایدن

عين اليقينك لازم كورد كلرني شيمه سز بيلير سكر بوايسه ملاقات جسمانه  
وتحكيم روابط معنويه ايله حصول بوله جني سز جهده معلوم اولسه كر كدر.  
مولانا جلال الدين رومي حضرت تارينك (باي استدلاليان چوپين بود: باي  
چوپين سخت بي تمكين بود) نظم عارفانه لري اثبات مدعا همچون دليل  
جليدر بناء عليه باره فقيرانه مده كي حسيات خالصانه و غائبانه لرينه قارشو  
عرض شكران ايدر و سنين عديده دنبري محافظه دوام و ثبات ايدن  
بواخلاص و محبتك مقدمه موفقيت اوله بيلاسي همچون جناب ارحم الراحمين  
تضرع و عرض نياز ايلرم والسلام عليكم .

### الهي ايكنجي مكتوب

بري برندن لائق و بلكه لاحق سابقدن فائق اولان الفتانامه لريكزك  
تعاقب و توالي سيله ثابت بولنان فضائل و كالاتكز فقير كزك تقدير و تعاليسندن  
متعاليدر هله بو پوسته ايله ارزان و خاطر محبت مظاهره درويشانه ملك  
تسريينه احسان بيورلديغي ذريعه بديعه لرند صاچلمش اولان دريكتاي  
شفقت و ساحة صغيديه يابلش اولان كوهر بهمتاي طافته قارشونه كي  
بر تعبير ايله بيان تشكر و محمدتمى بيله ميورم بروجله تصورايدم ميورم  
خيردعادن بشقه سني دوشونه ميورم جناب الله ذات فضلانه كزى مراد  
وعجز و حيرتم نسبتده علم و عرفانكزى مزداد بيورسون كاقيل (قوم  
تسبق انوارهم از كارهم وهم المرادون و قوم نسبق از كارهم انوارهم  
وهم المريدون و قوم تتساوى از كارهم و انوارهم وهم المجاهدون  
و قوم لا اذكروا لانوار) نعوذ بالله تعالى من ذلك و من سائر المهالك آمين.  
بنای طريقى تأييد و اعلاء كلمه توحيد همچون ذاتكز كي جسور و غيور

اولان بر فرزند جديدك موفقيتي بانبده هر نه قدر دعوات خيريه مي  
ترييد و كمال ابتهال ايله تقديم بارگاه رب مجيد ايلرسه سزادر و من الله  
تعالى القبول بوكون اخذ و مطالعه سيله مستغرق درباي امتنان اولديغ  
ايكنجي براتفاقنامه كزده اخوان دينمزي خواب غفلتن بيدار و بيمار  
اولان قلمبريني داروي اذكار ايله تيمار و قيوضات بهائيه دن حصه دار  
ايتك افكارنده بولنديغكزى اظهار بيورمش ايديكز بوبابده كي اجر  
و ثوابت كزى تقدير و تصوير همچون (الدال على الخير كفاعله) كي احاديث  
شريفه بي قرائت ضمنتده كنز العرقان كتاب مستطابنك (۵۵) نجبي بانبه  
مراجعت بيورمكزى رجا و علاوه اوله رق مفتخر موجودات عليه افضل  
الصلوات افندم حضرت تارينك امام على كرم الله وجهه حضرت تارينه بيورمش  
اولديغي (يا على سنك دلائلكه جناب حق بر كسيه هدايت احسان ايدر  
ايسه دنيا و ما فيه اسنك اولمقن خير ليدر) طرزنده كي بر حقيقتك افاده سيله  
ختم معروضات ايلرم باقى السلام عليكم .

### الهي اوچنجي مكتوب

خيري بكك احوالى حاوى اولان تخريرات فاضلانله لري واصل  
اولدى اعاده عافيتكز قاچمش اولان عاقيتي اعاده ايلدى جناب حق  
ذاتكزى اكدار كونه دن مصون بيورسون آمين لطيفه نفس او زرنده  
مشاهده بيوريلان احوال سعادت اشتاله مقابل جناب مولايه و صاحب  
شفاعت عظمايه عظيم تشكر لر اولندى سخته حمل اولندى محضا جناب الله  
ايچون جناب اللهك بر مثال كده كه يان بر قولنه بونجه شفقت بونجه عنايت  
بونجه مرحمت البته ضاياع اوله مز (من كان لله فقد كان الله له) حكم جليله

داخل اولور. فضیلتو علی رضا افندی حقنه کی اعتقاد کامله وحسن ظن کز دن دخی آروجه متشکر اولدم استفتایوریلان کیفیت ایسه برآی عالیکزه محولدر عزتو عاصمیک برادریم ایله مذاکره بیوریکز نصل مناسب کورولورسه اولیه اولسون. حال سابقه نسبتاً احوال لاحقہ دنطولایی بیان بیوریلان ممنونیت عالیرینه تشکریلدم اکابر طریقتدن برذاتک بیورمش اولدینی (من استوی یوماه فیهومغیون) قضیه مسلمہ سی ایجابجه بوگونکی کونی دونکی کونندن خیرلی اولیان مؤمن کنندیسنی خسرانده بیلملیدرلر. تأمین استقبال مقصدیه انسان کاملک سعی وغیرتی دائماً تزیاده اولمیدر. فضیلتو خواجه یکتا افندی حضر تیرینه وقوع بولان انتسابی تبریک ایلیم فقیر کزی کوشه خاطر دن ودعوات خیریه دن فراموش بیورما کزی ده رجایدرم والسلام علیکم.

### اللی دردنجی مکتوب

مشهود باصره امتانم اولان لطف واحسان بی پایانکیزک طول زمان وبعد مکان ایله عذیم الامکان اولان تبدل وتزلزلی بیلدیکم حالده شو حقیقت معلومه بی حاکی وفراق مرالمذاقک آجیسنندن شاکی اولان التفاتنامه کزی ایکی ال ایله اخذ ودرت کوزله قرائت وهر اون لطائف ایله تشکر ومحمدته مسارعت ایلیم نفس النندن وقوعبولان شکایتکز حکایت دکل بلکه حق کزده برعنایت صمدانیه کی تلقی اولندی (من عرف نفسه فقد عرف ربه) حدیث شریفی معلوم عالیکزدر مرید کثرت محبت ومصاحبه مربی ومرشد انساننده مشاهده ایتدیکی اصلاح نفسه پکده اعتماد ایتمه ملیدر زرا بوکی اصلاح انعکاس طریقیله وجوده

کیش بر اصلاح ظلیدر اصلی اولمق یعنی جناب حقک جزئی وکلی هر درلو اوامر ونواهیسنه قارشو عاصی اولماق ایچون دها برطاقم سعی وغیرتلازمدر فضیلتو خواجه یکتا افندی حضر تیرینک دلالت بیورمش اولدقاری اوراد واذکاره برشی علاوه اولتمق لازم کلیرسه اووده تفکر موتک اکثر ایدر امام غزالی قدس الله سره العالی حضر تیرینک آثار حقایق نثار عارفانه لیرینک برنده مصادف انظار فقیرانه اولان فقرات باهر البرکاتک بری وبلکه برنجیسی اصلاح نفسه مدار اولمق باندنه تفکر موتک تقدیر وتقیدسیدر سرور کائنات وسبب موجودات علیه افضل الصلوات والتسلیمات افندی عیزک بیورمش اولدقاری (اکثر واذ کراموت) کذلک (من اکثر ذکراموت احبه الله) حدیث شریفه امتثالاً ذات عالیکزنی حالاً ومألاً تفکر موتک اکثرینه دلالت ایدر وسعادت احوالکزی لایسام ولایموت حضر تیرینک عنایت صمدانیه لرندن استرحام ایلیم.

معلوم عالیری اولدینی اوزره نفسک الک زیاده سومدیکی شیلرک بریسی تفکر موتدر امام علی کرم الله وجهه حضر تیرینک جهل جمیله سنندن بری (رحمتدن قاچارم فتنه بی سوهرم حتی اکراه ایلیم) قضیه لیریدر مراد عالیری یاغموردن قاچارم اولادی می سوهرم موقی سومدیمکدر مع مافیه دائماً شفا آجی شیلردن حاصل اولدیغندن امراض نفسانیه نک تدایوسی خصوصنده تفکر موتک فائده عظمیه سی خیلی تقدیر اولتمشدیر والسلام علیکم.

### اللی بشنجی مکتوب

قال الله تعالى (الا ان اولیاء الله لا خوف علیهم ولا هم یحزنون) یعنی

جناب حَقِّك سو کبلی قولاری خوف و خشیتدن ابتلائی کدورتدن سالمدرلر  
بر انسان کندی حق تعالیٰ حضرت تلیزیه سودیرمک ایسترسه (قل ان کنتم  
تحبون الله فاتبعونی یحبکم الله) آیت جلیله سیه (علامه حب الله حب  
ذکر الله) حدیث شریفندن او کرمیلدر یعنی تزین ظاهر ایچون علیه  
الصلاة والسلام افندیمرک شریعت مطهره سنه و تزکیه باطن ایچون طریقت  
علیه سنه اتباع ایللدر نفس اماره سی هیچ بر قیدایله مقید اولماق دهه  
طوغریسی شریعت و طریقتک احکام جلیله لریله محکوم اولماق فکرند  
بولناتار (جناب حق صلاحی مراد ایدرسه صالح اولورم ایتمزسه اوله مام)  
طرزنده قاچماق و اوصورتله بر آووقاتلق یا مق ایستینلر اکسیک دکاسه ده  
لکن امین اولسونلر که کندیلرینی آلداتیورلر زیرا بومثللو دعوالر آیات  
کریمه واحادیث شریفه نك منطوق منیفه لرینه کلیاً مخالفدرلر قال الله تعالیٰ  
(والذین جاهدوا فینالهدینهم سبلنا) یعنی بزم هدايتز قوللرک مجاهده لرینه  
وابسته در معیشت دنیویه حقنده استعمال ایلدکلری (وان لیس للانسان  
الا ماسفی) آیت کریمه سی دخی معیشت اخرویه نه عائد بر حقیقتدر .  
حق جل و علا حضرت تلیزینک محبت و مرحمت و عنایتته مظهریت  
ایچون فیخر رسالت اولان علیه الصلاة والسلام افندمن حضرت تلیزیه متابعتک  
شرط اثخاذ بیورلمش اولدیغی آیت جلیله سابقه دن مستنبان اولدقدن  
صکره بر طاقم او هام و خیالاته اویمق اولور اولماز احتمالات بعیده ایله  
متسلی اولیق کار عقل اولسه کرکدر عاقل کامل اولاتلر هر بر احتمال  
فارشی حاضر و مهیا بولنه جقلاری طبعیدر مولام جلیله بر عقل کامل  
احسان بیورسون آمین .

الهی آلتنجی مکتوب

۱ تاریخیه محرر اولان تحریرات منوره لری مدینه قلبمیزی تنویر

و تلطیفات مشکوره لری خاطر مهجورانه منزی تسریر ایلدی جناب عالم  
السر و مافی الصدور حضرت تلیز سیکیزی مشکور و خانه قلبکیزی انوار  
واذ کارایله بر بیت معمور بیورسون آمین بقای محبت و التفات فاضلانه لرینه  
قلب فقیرانه م داثما شهادت ایتمکده ایسه ده اثبات مدعا ایچون شاهد  
واحدک عدم کفایه سنه نظراً کاه کاه بوکی التفاته ده نائل بیوریله جغمیزی  
دیگر بر شاهد عادل مقامنده تلقی ایله جکمز طبعیدر علمای کرام  
و فضلائی ذوی الاحترام ایله وجوده کلان محبتک قدر و قیمتنی اعلا ایچون  
(بحشر المرء مع من احب) حدیث شریفی کافیدر معلوم عالیلری اولدیغی  
اوزره پانهاده مه دو وجود اولمش و آخر انجای غنوده پسترخاک اولمق اوزره  
یارادلمش اولان ملت اسلام و امت جناب خیر الانام ایچون شایان اهتمام  
برشی وار ایسه بالکمز تأمین استقبال مسئله سیدر بوکا میندیر که اکابر  
مشایخ نقشبندیه دن محمد معصوم حضرت تلیز اخوان طریقتنه کثرت محبتی  
منتج اولان رابطه یی توصیه بیورمشلردر زیرا محبت حقیقی اولنجه قلب  
مؤمنده ذکر الله وجوده کلیر (رجال لاتلهیم . . .) آیت کریمه سنه  
ما صدق اولور قلب سلامتی بولور (یوم لاینفع . .) سربنه مظهر اولور .  
مولام حضرت تلیز جمله منزی (افضل العباد درجه عند الله يوم القيمة  
الذا کرون الله کثیرا) فرقه ناجیه سنه ادخال و خانه قلبمیزی نفایس ایمان  
و ایقان ایله مالا مال بیورسون آمین . مشارایله حضرت تلیزینک ذکردن  
مقدم رابطه یی توصیه بیورمش اولدیغنک حکمتی ایسه سالکان ایچون  
رابطه نك عظیم بر عامل اولدیغنی افاده ایتمکدن عبارتدر طریقت علیه  
هنوز انتساب ایدنلر بالجمله فیضلرینی ذکردن بکله یوب رابطه یی لایقوله  
اهتمام ایتمدکلری تقدیرده مأمول ایتدکلری غایه واصل اوله مه جقلری  
لکن (و کونوا مع الصادقین) آیت جلیله سنه امثالاً رابطه یی مدار قیض

اتخاذ ایدنلر يك يقين بر زمان ایچون انوار ذکر ایله منور اوله جقاری  
اغلب احتمالی مشارالیه حضرتلرینی بو طریقہ سوق ایلشدیر و فقنا الله تعالی  
وایاکم امین .

### اللی یدنجی مکتوب

کنجینه وسیعہ قریحه لرندن کهر باش اولان جواهر کلاتی کوشواره  
سامعہ افتخار ایتدیکم کی رضیعه جویبار حیات اولان خامه بلاغت  
علامه کزک اساله ایتدیکی نوادر عباراتی دخی آرایش بوستان من  
ومسار ایلدم پرووده زلال التفات اولان شجره محبتکز خزان هجران  
ایله قابل اصفرار اولدیغنه معترف بولندیغم حالده بهار موصلت و کنازار  
موانست ایچون اظهار اولنان آه و زاری کزده حق ویرمن و بلکه اشتراک  
ایتمزد کلم لکن (کل ما فعل المحبوب محبوب) فجوا سنجه اشبو حال حاضری  
دخی خوش کورملی بز زمان ملاقاتک تعیین و تحدیدی داعیلرندن  
استیضاح بیورمش ایدیکز (وما تدری نفس ماذا تکسب غدا) آیت  
کریمه سی بو مقامه وصول ایچون سدباب ایش ایه ده عالم معناده کی  
مشهودات صادقانه لری عیون مشتاقان ایچون بیوک بریشار تدریشوای  
اولیای احمدی و مقتدای اصفیای محمدی یعنی بهاء الدین نقشبندی حضرتلرینک  
انفاس مطهره سنه مظهر وطی مقامات معنویه ایچون عطیه السیه اولان  
مطیة نفس اوزرینه غالب و مظفر اوله جغکزی هادی اکبر حضرتلرندن  
استرحام ایلرم نائل اولدیغم التفاته مقابل تقدیم تشکراتمه برشی علاوه  
واسعار اولمق لازم کلیرسه اوده معروضات لاحقه دن عبارت درشویله که:  
جناب واجب الوجود حضرتلرینک وحده لاشریک له ولا شیه له

اولدیغی کی کتاب شریفک دخی کتب سائرده نسبتله لاشیه له اولدیغی  
بدیهی بلکه ده طبعیدر . بونک نایسی ایه معلوم فاضلانله لری اولدیغی  
اوزره آنجق احادیث شریفه در . اوچنجیسنه کنجیه اولسه اولسه  
ورئه انبیا حضرتانک آثار نفیسه لرنده آرامق اقتضا ایدر . زیرا آیت  
جلیله ده (اطیعوا الله و اطیعوا الرسول واولی الامر منکم) فرمان بیورلمشدر .  
فقیر کز نتیجه تتبع اوله رق فتح ربانی کتابنک اوچنجی اولدیغنه قناعت  
حاصل ایش و اوصورتله ذات فاضلانله لرینه افاده و برنسخه سنی تقدیم  
ایلش ایدم شبهه سز شمدی یه دکن مطالعه بیورلمش و درجه سی تقدیر  
اولمشدر . مع مافیه بودفعه کی التفاتنامه کزده کتاب مذکور عائد اولان  
تدقیقات کزدن برشی اشعار بیورلماش ایدی (وفوق کل ذی علم علیم)  
نقضیه سی مسلم اولقله برابر بو بایده کی فکر فقیرانه مزک اصابتنه قناعت  
بیورلمش اولدیغنی امید ایدیورم هر حالده کتاب شریفک بیوکلی تجلی  
ایش و فیض و برکتی اغنام اولمشدر بناء علیه بو بایده کی فکر و مطالعه کزک  
اشعار بیورلمسنی بالخاصه رجا و استرحام ایلرم .

### اللی سکزنجی مکتوب

طائفه یازلمش و لطائف معانی ایله بزاتلمش اولان التفاتنامه عالیلرینی  
ایادی شکرانه آلوب لسان امتنان ایله قرائت ایلدم او مزکا تعبیراتک  
اطافتنه او معلا تلطیفاتک نفاسته مفتون اولدم ذوق آلام صفا بولدم  
نشئه یاب اولدم اوقودقچه اوقودم طویمدم طویه مدم زمزم صوینی  
احسان ایدن حضرت الله قلم عنبر رفیکز کی کوثر افشان ایلسون  
کرسی صاحبی اولان مولام فلکیزی عرش الرحمن ایلسون مأمن اسرار

و مخزن انوار ایلسون آمین سو کیلی بکم اعماق باطنمندن نبعان و نادران  
خامه دن جریان ایدن بودعاه خالصانه مه باقیکنز لطفاً باقیکنزه عالی بردعادر  
نه علوی بر مدعادر . معلوم عالیتری اولدینی اوزره انسان بر مؤمن  
کامل یعنی بر ولی فاضل اولدقجه قلبی عرش الرحمن اوله ماز تجارت  
عدیده و خدمات کثیره ایله صداقت و اهلیتی اثبات ایتدکجه مأمین  
اسرار اوله ماز مهر منیر نبوتک غره غرای شریعت و طریقه قتلّه مستنیر  
اولدقجه مخزن انوار اوله ماز بو دعای معلابی الهام ایلان حضرت الله  
جل جلاله ذات دولترینی ایکی جهانده شادان و توالی تلطیفات ایله  
هر شام و سحر خرم و خندان بیورسون . رب بیور و لا تعسر رب تم بالخير  
دعای درویشانه می تصویر و بوضو رتله عرض مافی الضمیر ایتد کد نصکره  
افاده اولنور که حد اولسون عافیتمز بر کمالدر مفارقت جالکنزدن بشقه  
موجب ملال اوله جق بر حلقز یوقدر علی و محمد داعیلرله برابر عرض  
تعظیبات ایلرز بقای عافیتکنزی مولای متعال حضرت تدرندن استرحام ایلرز  
والسلام علیکم ورحمة الله تعالی وبرکاته .

### الهی طقوزنجی مکتوب

دیده فراق دیده مزک تنویرینی وسینه هجران چشیده مزک تسریرینی  
تضمن ایدن و باخصوص صحت و عافیتکنزی مبشر بولان التفاتنامه  
و فاعلامه محبوبانه لری و اصل ایادی افیخار اوله ررق عاشق جالکنز و مشتاق  
و صالکنزی مستغرق دریای من و مسار ایلدی شیوه سندن اکلایلدینی کبی  
زمان تحریرنده ذاتکنزی آغلانان عین مکتوب کولایر مک خاصه سنه ده  
مالک انمش کد داعیکنزی کولایردی و بوضو رتله ایکیمزی دخی (فلیض حکوه)

قلیلاً و لیکوا کثیراً) آیت شریفه سنه ماصدق و (اغلامایان چوجقه  
مه ویرلز) قاعده سنجه ذات عالیکنزی اولیای کرامک سودینه مستحق  
ایلدی بکایی خفیف کوروب کچمه لم دنیانک ثروت و نعمتک سرعت  
زوالی مخاطره مالی ظاهر و باهر اولدینی قدر بکانک دخی کرامت ،  
سلامت سعادت ، واستراحت استقبالی بدیهی و آشکاردر . اصحاب کزین  
وسلف صالحین رضوان الله تعالی علیهم اجمعین حضرتانک هول قیامت  
ودهشت آخرت ایچون مدارتسلایت اتخاذا ایتدکلری و سائلک بری ده  
آب دیده لرینی تولید ایدن خوف و خشیتدن عبارتدر . جناب حق و فیاض  
مطلق حضرتلری مشهود و مسلم اولان خوف و خشیتکنزی مزداد و دنیا  
حصه سنه اصابت ایدن محبتکنزک محویه ذاتکنزی ایکی جهانده آزاد  
بودلشاد ایلسون آمین بحرمة طه ویس .

### آلمشنجی مکتوب

۲۴ مایس ۳۲۱ تاریخله یازلمش اولان التفاتنامه کز دخی واصل  
اوله ررق کال صحت و عافیتکنزه و حق درویشانه مده تزیاید ایتدکده اولان  
لطیف و عافیتکنزه مقابل حق تعالی حضرتلرینه عرض شکران ایلدی .  
جناب الله قلب شریفکنزی خانه عشق و محبت و آشیانه فیض و برکت  
بیورسون . عشق و محبتکنزی سزکله مصاحبه ایدن اخوانه ده سرایت  
ایتدیرسون . چونکه یالکنزحالی دوشونوب نجات املنده اولانلر  
وراثت نبوته لایق اوله مازلر . (امتی امتی) بیورن و یوم جزاده کندی  
نفسنی دوشونم یوب یالکنز عباد الرحمنک نجاتی دوشونن ذات رسالتناه  
نافد مزه اقتفا و اقتدا ایدنلر دائماً کندیلری اوکده و مصاحبلری

آرقه ده اولدینی حالدہ جناب حقہ قریت ایچون غیرت ایدر لر عبادت و طاعتہ مانع اولان مشاغل دنیویہ یه اصلاً التفات ایتمز لرو تو کل سایه سنده دائماً رفاه حال و کمال استغاده بولور لر اوت مقام توکله ارتقا ایدن اهل تقوا معیشت دنیویہ لرینی (ومن یتقی الله یجعل له مخرجاً و یرزقه من حیث لا یحتسب) خزینہ جلیله غیبیہ سندن تأمین ایدر و مقسوم اولان بررزقک تعقیبی ایچون و قتلرینی تضييع ایتمز لرو (ایش علی منی) جمله جلیله سنه نائل اوله رق جنید بغدادی حضرتلرینه اقتفا ایدر لر . بوجهلک معناسی (کندی و بالجملة مهماتی حتی و زقمی بیلہ دوشونمک نه مه لازم) دیمکدر . یعنی بنی خلق ایدن ذات اجل و اعلا بنی دوشونور و بنم معاومتدن مستغیدر .

« رزقنا الله تعالى وایاکم آمین و حشرنا فی زمرة عبادہ العالمین »

۱ تموز ۳۲۱

### التمش بر تبحی مکتوب

فضیلتلو خواجه یکتا افندی طرفندن کشیده اولنان بر تلغراف نامه ده تشریف عالیکنزله تبشیر اولندم حق تعالی حضرتلرینه تشکر لر ایلدم عرش الرحمن اولان قلب ایلہ بیت الله شریفک اجتماعنده نائل اولدیفکنز نورانیق تبریک ایلرم فضلہ اوله رق « من زار قبری و جبت له شفاعتی » حدیث شریفنه مظهر اولدیفکنزدن طویلابی هر نه قدر تشکر ایدرسم سزادر زیرا شبهه سز اوکی مقدس بر آستان فیض آشیانده بزم کبی بیچاره کان امت ایچون دخی دعوات خیریه ده بولمشکنز وجود بیژ مرده و خاطر افسرده مزکده احیاسی خصوصنده تضرع و نیاز بیورمشکنز جناب حق جمله من حقنده کی ادعیه خیریه کزی شایان قبول و وسیله

وصلت وصول بیورسون آمین شام شریفده رغبت و دلالت بیورمش اولدیفکنز جمال افندیکن مکتوبنی آلام بوذات طرائق علیه خدمت ایش و سیر سلوک کورمش اولدینی حالدہ شمیدیکی حالی بر دلیلہ محتاج بولندیغنی کوزلجه کشف ایتمشکنز معلوم عالیلری اولدینی کبی اکیال نسخ ایتیان بر طالب علمک خواجه تدریسی وفات ایدنجه دیکر بر خواجه یه مراجعتی ضروری بولندیغنی مثلاً بر سالک طریقک دخی مرشدی وفات ایدنجه شریعت و آداب طریقک شهادتیه صحت ارشادی مثبت بولنان برذاته انتساب ایتیمی و جوب تحننده درانشا الله تعالی کله جک پوسته ایلہ جوابی یازیلیر و لازم اولان وصایا اجرا اولنور باقی دائماً جمالکنزک آجی و لطفکنزک محتاجی اولدیغکم عرض بیانیه ختم معروضات ایلرم والسلام علیکم .

### آلتمش ایکسجی مکتوب

عریضه درویشانه مدر .

بقاء عافیت و دوام عاطفت عالیلرینی مشعر اولان بر قطره بشارتنامه منعمانه لرینی نه درجه بر شوق و سرور و نه مرتبه بر تعظیم و حبور ایلہ دست تحیلہ آلدیغمی تشریف و بیان و قرائتندن حس ایتدیکم لذا ند وجدانیة نک تصویرینی اتیان خارج حوصله امکاندر . جناب خالق الکون و المکان قلب شریفکنزی منبع عرقان و روح لطیفکنزی معدن ایمان و اذعان بیورسون . عموم اقوال و افعالکنزی شریعت احمدیه یه تطبیق و بالجملة احوال میامن اشتمالکنزی طریقت محمدیه یه توفیقه موفق ایلسون آمین . معلوم عارفانه لری اولدینی کبی دنیاده



سبب فیض و نجات و عقباده وسیلهٔ علو درجات اوله بیله جک برشی  
وارایسه آنحق مهر منیر محمدیدن اقتباس انوار و شمس تابان طریقت  
سایه سنده افتقار آتاردن عبارتدر . قال تبارک و تعالی ( قل ان کنتم  
تحبون الله فاتبعونی یحبکم الله ) رزقنا الله تعالی و ایاکم حلاوة الایمان  
والاسلام بمتابعة المصطفی علیه و علی آله افضل الصلوة والسلام تعطیل  
احوال و افعاله هنوز موفق اوله مامش بر داعی بی پروبال حقنده  
شایان بیورلمش و حد کماله ایصال ایدلمش اولان التفات معالی عنایات  
منعمانه لرینه مقابل دعوات خیریه دن بشقه برشیئه مالک اوله مدینعی  
انبا و غایت محترم طانیدیغ توجهات فائقه لرینک حق فقیرانه مده ابقاسنی  
استدعا ایلرم باقی السلام علیکم ورحمة الله وبرکاته ۱ تموز ۳۴۰

### آلتش اوچنجی مکتوب

صحت و عافیت فاضلانه لريله احوال مادیه و معنویئه نازکانه لرینک  
استنبا و استبشاری خصوصنده موفق تقدیمی اولدیغم عریضهٔ داعیانه مه  
جواباً و ۱۲ نisan سنه ۳۴۰ تاریخله مورخ بولنان التفاتنامه کرامیلری  
واصل ایادی امتنان اوله رق ادعیهٔ خیریه لری بتکرار ایصال سرپرده  
رب متعال قلندی خانهٔ جدیدیکز حقنده یکیدن دعا اولندی حق  
تعالی حضر تلری لانه محبت و آشیانهٔ طریقت بیورسون راحت و حضور  
احسان ایتسون فقط معلوم عالیلری اولدینی کبی بوحضور کله سندن  
مقصد یالکز متعارف اولان حضور دکلدز بلکه « الاحسان ان تعبدالله  
کانک تراه فان لم تکن تراه فانه یراک » حدیث شریفه لازم اولان بر  
حضور دخی مطلوبدر شبهه سز بودعا یه آمین خوان اولورسکز و فقیر

حقیر کزی دخی فکرآ کندیکزدن آیرمازسکز . اللهم ارزقنا . رفیقہ  
خانمک سلامندن وصلات و سلامه دوامندن دخی بمنون اولدم بالوکاله  
شوحدیث شریفی کندیلرینه اوکورسکز اودجی بمنون اوله جفته شبهه م  
قالز ( قال النبی علیه السلام من سره ان یلقی الله راضیاً فلیکثر بالصلاة  
علی فانها تکشف الهموم والنعموم والکروب وتکثر الارزاق وتقضى  
الخوائج ) یعنی جناب الله راضیاً ملاقی اولمق آرزوسنده بولونانلربکا  
چو فقه صلاة کوندرسونلر تحقیقاً صلات و سلام ازاله غموم و تکشیر  
ارزاق و حل مشکلات ایچون یکانه وسیله در . والسلام علیکم اولاً  
و آخرآ ظاهرآ و باطنآ .

### آلتش دودنجی مکتوب

عریضهٔ مقدمهٔ جوابیه مزک و وصولیه مندرجاتنک دخی شایان قبول  
بیورلمش اولدیغی مبشر ۲۶ حزیران ۳۴۱ تاریخی برقطعه التفاتنامه  
فاضلانه لری واصل دست امتنان اوله رق دعوات خیریه لری بتکرار  
تقدیم بارکاه خالق پروردکار قلندی حق تعالی حضر تلری ذات فاضلانه کزی  
« العلماء ورثة الانبیاء » شرفه مظهر بیورسون « من عمل بما علم رزق الله  
علم ما لم یعلم » سریله مشرف ایتسون آمین علم و علماء کرام حقنده وارد  
اولان بر جوق احادیث شریفه بی ذات عالیکزه بیان ایلک معلومی اعلام  
قیلندن اولاجنی جهتله یالکز شوقدر عرض و افاده اولنورکه مقبول  
بارکاه الهی اولان علم اعمال صالحه ایله مقارن اولان بر علم در کمال علیه السلام  
« تعلموا من العلم ما شئتم فوالله لا تؤجروا بجمع العیم حتی تعملها » وقال تبارک  
وتعالی « قد افلح المؤمنین الذین هم فی صلاتهم خاشعون » خشوع ایسه دوام

اذکار وافکار ایله میسر اوله بیله چکندن جناب الله ذات علیرلیله کافه  
اخوان طریقتی ذا کرین خاشعین عدادینه داخل بیورسون انوار اذکار یله  
قلبمزی منور ایلسون ذات عالیکزدن مشهودم اولان لطف وشفقته  
قازشو بیان تشکر و محمدت فریضه ذمت اولدیغنی بیلهرک بودفعه دخی  
تقدیم عریضه جوابیه به مجامعت قلندی باقی السلام علیکم ورحمة الله  
وبرکاته .

### آلتمش بشتنجی مکتوب

التفاتنامه کز واصل اولدی مشاهده بیورمش اولدیغکز معنایک  
مالی اکلشیلدی اولکی معناده خانه نک آشغی قدمندن آهسته آهسته  
اوله رق فوقه قدر بالسلامه مواصلتکیز شایان بریکدر . انشالله تعالی  
خانه قلبه مدار ترقی اولان درجه و مسافر لک قطعنه موفق اولورسکز .  
ایکنجی معناده جهر آمکته معظمه اصولی اوزره اقامته باشلامش اولدیغکز  
جمعیت اسلامی دن بعضیلرینی ذکر الله تعالی به دعوت بیوره چنگکزه  
اشارتدر . ( الدال علی الخیر کفاعله ) حدیث شریفی موجبنه سفر  
آخرتی دوشونمندن بی خبر اولان و لازم اولان زاد و ذخیره تدارکندن  
بی اثر اولان غافلری ایقاظ ایدوب توبه و استغفاره و بر طاقم اوراد  
وازکاره دلالت و وساطت ایلمکزه نه قدرشان و شرفی موجب اولاجنی  
معلوم فضیلتکزدرد . جناب حق بوو بوکی شرف و مزیتلردن جمله مزی  
محروم بیورسون تحصیل رضالرینه مدار اوله حق اعمال صالحه اوزرینه  
موفق بیورسون آمین . اذکار وافکار کزک کیفیتدن برشی بیان بیورلماش  
انشالله تعالی محور لائقه ده دوران ایتکده در فقیر یکنزی دخی دعوات

صالحه دن محروم بیورم مکنزی رجا و بقای توجهاتکیزک استرحامیه  
ختم معروضات ایلم و السلام علیکم .

### آلتمش آلتنجی مکتوب

بودفعه دخی انشاسی کوزل اخلاصی کوزل شیوه اداسی کوزل  
اولان و کوشکک هواسندن بلبلرینک نغمه و نواسندن مقتبس بولنان  
التفاتنامه کز واصل اولدی ۵۵ مایس ۳۲۱ تاریخیه محررایدی یک عاشقانه  
ایدی صادقانه ایدی همان همان بر عشق مجسم ایدی فراقک احراقندن و صالک  
اذواقندن باحث ایدی بر نصف مواصله کی داعیکزی محظوظ ایلدی  
نعمت وصال ایچون ادعیه خیریه به مجبور ایلدی اولتان دعائیکز قبولی  
مقصودیه سز دخی آمین سویه ییکز انشالله تعالی شایان قبول اولور  
وسيله وصول اولور . سماحتلو افندی حضر تالریک التفاتیه بتکرار  
مفتخر اولدم درجات معنویه لرینک ترفی ایچون تضرعده بولندم چونکه  
حقیقه بودات عالی کندی نفسی لایقیه سافل ایتشدیر یوقسه بزرکی  
بر موجود معدومه و یا خود بر نقطه موهومه بودرجه تواضع و التفات  
بیورمزدی جناب الله ذات سماحتنا هیلرینی عارضه ارضیه و سماویه دن  
محفوظ و قلب انورلرینی عطیه السیه سیله محظوظ بیورسون آمین (من  
تواضع فقدر فعه الله) حدیث شریفنه مظهر بولنان بودات عالی حقنه کی  
نعم جلیله السیه یی عن صمیم القلب تبریک ایدر و جناب حق ذکر و فکرندن  
خالی قالمیان حقیقه لرنده کی اوراق اشجار و نورسیده کان حقیقه کلزار اولان  
عالم ازهار ایله ضول زمان اصرار حیات ایلمرینی تضرع و نیاز ایلم  
الباقی هو الله .

## آتش یدنجی مکتوب

مشتاق وصال و تشنه زلال جمال کز ره احسان بیورمش اولان لال  
فائق الامثال و نامه نامی عال العاله مقابل ایضای وظیفه شکرانی قال و قلم ایل  
محال اندر محال کور مکدهم ربهم تبارک و تعالی حضر تلی ذات عالی کزی  
لامک فیه سیله اولان مخلصین کروهنه ادخال ایلسون لان النبی المکرم  
صلی الله علیه وسلم قال (الناس کلهم هلکة الا لعالمین و العالمون کلهم هلکة  
الا لعالمین و العالمون کلهم هلکة الا للمخلصین و المخلصون علی خطر عظیم)  
حدیث شریفدن مستبان اولدینی کبی امور دینییه سنی او کره نوب موجبجه  
عامل و عملنده مخلص اولانلر دخی خطر عظیمدن سالم اوله میور .  
ادعای عبودیتی بینة صبر و ثبات ایل اثبات ایتیمان و استمراره دلائل  
ایدن صیغه مفعول ایله مخلص اولیان مؤمن مقربیندن معدود اوله من .  
(من ازداد علماً و لم یزد فی الدنیا زهداً لم یزد من الله الابدال)  
حدیث شریفی دخی بومعنائی مؤیددر . شوقدر وار که زهددن مقصد  
زهد صوری دکدر بلکه محبت ماسوانک سلبی معناسنه اولان زهد  
قلیدر . قال الغوث الاعظم سید محی الدین عبدالقادر الجیلانی رضی الله تعالی  
عنه «المال فی الکیس یجوز و فی الیت یجوز و فی القلب لا یجوز» یعنی برانسان  
کیسه سندم بر مقدار نقودی وار جائزدر خانه سندم بیله فضله نقودی وار  
اودخی جائز یالکز قلبنده اولور ایسه یعنی محبوب اتخاذا یتمش ایسه  
جائز دکدر زیرا جناب حق خانه محبت اولان قلبی یالکز کندی محبتی  
ایچون تخصیض بیورمشدر . (چیسیت دنیا از خدا غافل شدن . نه زر  
وسیم است و نه فرزند وزن) فغنا الله تعالی وایا کم من برکاتهم و متعنا

برکات خلواتهم و جلواتهم آمین و الصلاة والسلام علی حبیبه محمد و آله  
و صحبه اجمعین .

## آتش سکزنجی مکتوب

قال تبارک و تعالی (ان النفس لامارة بالسوء) قوللرک بلیه جهل  
ونادانیدن نجات و موهبه علوم و عرفان ایله تربین ذاتلری ایچون مطالعه کتیبک  
کافی اولامیه جنی و هر حالده بر عالم عاملک بر مربی کاملک حلقه تدریس  
و تربیه سندم بولمق ضروری اوله جنی کبی نفس اماره نکده امیال  
و احتسابات باطله دن بالتجرید کالات معنویه ایله مجلا و تجلیات صمدانیه  
ایلله مجلا اولمق مقصد مقدسی یالکز ذکر الله ایله حصول پذیرا اوله میه .  
جغندن بو بابده دخی بر دلیل راهه و بر مرشد دل آگاهه ربط قلب  
ایلمک و جویدر انوار معارفی قلوب سالکینه ایداع و اسرار حقایق افئده  
مسترشدینه افراغ رابطه قویه قلبیه مه متوققدر اخذ فیوضات ایچون  
بر سالکک رابطه مرشده اولان اعتمادی تحصیل علم خصوصنده برطالبک  
خواجه افندیکن اقاده شفاهیه سنه درکار اولان اعتمادک فوقنده اولمیدر .  
رابطه بومرتبه مهم و ملتزم اولدقن صکره قلب سالکده ذکر الله  
تعالی بلا اجبار و لا اختیار وجوده کلیر خالق ایله مخلوق میاننده الفت  
و محبت ظهور ایدر قال علیه السلام (من اکثر ذکر الله احبه الله تعالی  
و قال ایضاً) (علامة حب الله حب ذکر الله) تفصیلات سابقه دن مستبان  
اولدینی اوزره برانسان نفس اماره نک شر و شتائمندن تخلیص جان  
و عنایت صمدانیه جناب رحیم و رحمانه موفق اولمق ایچون بر طریقت  
علیه دخال و بر شاهراه حقیقه سلوک ایله استقبالی تأمین مسارعت  
ایلمیدر و فقنا الله تعالی وایا کم آمین .

## آتش طقوزنجی مکتوب

۱۱ نیشان ۳۲۰ تاریخی اولان التفاتنامه عالییری ایله برابر احسان بیورمش اولدیغکز کوزلك چشمان امتان فقیرانه می تنویر ایلادی . حق تعالی حضرت تری چشمان باطنکزی تنویر ایتسون کل یاراغذک هر نقطه سنده موجود اولان کل صوی کبی وجود عالیکزک هر ذره سنی رایحه طیبیه محبت و حضور ایله تعطیر بیورسون آمین . معلوم عالییری اولدینی کی مقصد سیرسلو کدن دولت محبت و حضوره نائل اولمقدور . بوشرفه نائل اولانلر ایچون عادی اولان ذکره احتیاج مس ایتیز چونکه ذکر بر نقطه دهر حضور ایسه کافیه وجودی احیا ایدیور . حضورک مبادیسی (یاد) دیمکدر یاد اولورسه خانه وجود آباد اولور حق تعالی حضرت تری بروقت عبادندن غافل اولمدینی کی خالقندن غافل اولمیان و خاطرندن چیقارمیان بر عبدک حالده (یاد) تعمیر اولنور . شرع شریف دائره سنده بولنوب محافظه یاد ایلین بنده سنی جناب حق چوق سوده . ایسته بونک ایچون رجای فقیرانه بودرکه بوشرفدن محروم اولمیه لم محبت ماسوایه مقتون بر قلب ایله محبوب حقیقینک حضورینه وارمیه لم رب بسر ولا تعسر رب تم بالخیر یا الله آمین . فضیلتلویکتا فندی حضرتلرینه واقع اولان زیارتکزی تبریک ایلام . قال علیه السلام ( اتبعوا العلماء فانهم سراج الدنیا ومصابیح الآخرة ) یعنی علماء عالمینک اقوال و افعاله تابع اولکیز چونکه آنلر دنیا و آخرتک ایشیدرلر . انسانلرک ظلمت جهل و نادانیدن مهالک معاصیدن خلاصی ایچون علمانک علم و عرفانه احتیاج معلوم اولدینی کی آخرتده دخی جناب حق نه کی احسانلرینک استرحامنده بولنق ایچون علمانک علم و عرفانه

مراجعت اولنه جنی روایت اولمشدر هدا نا الله تسالی وایا کم آمین و آخر دعوانا ان الحمد لله رب العالمین .

## یتیمشنجی مکتوب

عافیت عالییرینی مشعر و بقای عاطفت جهاتقیمتیرینی مبشر ۳۳۰ مایش ۳۲۰ تاریخی احساننامه مروت علامه لرینی ایدی امتانه آلام قلم عارفانه لرندن جریان ایدن تعبیرات رائقه و تقدیرات فائیه بی مطالعه ایتدیکه دعوات خیریه کزی بتکرار تقدیم قبولگاه جناب پروردگار ایلدم . معروضات متقدمه فقیرانه مک وصولندن کونلرجه مقدم (کل شیء هالک الا وجهه) آیت جلیله سنک سرینه مظهر و تفکر موتک اکثر ایله کثافت ماسوادن قلب عالیکزک مطهر اولدینی اشارت بیورلمش ایدی جناب حقه تشکر ایلدم . اکسیر اعظمک فوقنده بولنان طریقت علیه نک فعالیتنه متشکر اولدم الهی سیمکزار اولسون ، فیضکیز برقرار اولسون ، مراقبه شریفیه دوام سایه سنده هر کون بر احسان ایله قرین امتان اوله جفکیز شبهه سزدر . معلوم عالییرینی اولدینی کی بر سالک طریقت لطیفه قلبی کثافت ماسوادن تطهیر ایدنجه خانه محبت و آشیانه های معرفت اوله جنی طبعیدر کاقیل (الضدان لایجتمعان ولا یرتفعان) (رویک نیاززی ایله خاک در دایله بگزک ایله چاک : قلبک سراین ایله پاک شاید که سلطان سکا) بیورمش اولدقلری مثللو هر حالده نائل اوله جفکیز حالات شریفه و مقامات منیفه نک تبشیریه داعی بر تقصیر کزی تسیرر ایلک شان عارفانه لرندن اوله جفنه امنیم بر کالدر . انشاء الله تعالی سابق

مملو بر خیلی بشارت لره کامیاب اوله جفم طیدر وقت مساعدا ولدیغندن  
شم دیلک عفو عالیگری استرحام ایلرم .

### یتیمش برنجی مکتوب

۲۴ مایس تاریخیله بر قطعه کرنامه کریمانه لرینی آلوب مؤدای  
دلا راسیله کسب ابتهاج ایلدم هر یازار ایتسی کونلری ایوب سلطانده  
خواجه افندی ایله ملاقات ایتک اوزره بولندیغکزی و مشغولیت ایچون  
مناسب کورلمش اولان اوراد واد کارگری بیان بیورمش ایدیکز پک  
مناسب کوردم نية المؤمن خیر من عمله ( حدیث شریفه نظر آتقیض  
الته عشق الله محبت الله اوزرینه مبتیدر . عشق و محبت اولدقجه علی  
اختلاف المراتب عملدن بر نتیجه حاصل اوله من . عشق و محبت لرینی اکیال  
ایدنر جناب حقه خدمتدن بشقه برشی تصور ایده منزل نیتلری هپ  
تحصیل رضای باری یه منحصر اولور . ایستر عمل ایتسون ایسترا تیتسون ،  
ایستر آز ایتسون ایستر خوق ( نوم العالم خیر من عبادة الجاهل ) حدیث  
شریقی بو مدعی اثبات ایدر . شوقدروار که بو نیت مالک اولمق قولای  
دکدر . فنا فی الشیخ ، فنا فی الرسول کی مقدماته محتاجدر غالباً  
جذبته نک حصولی ایچون اظهار اولتان آرزو کز بر سرعت برقیه ایله  
مقام فنا یه وصول مقصدینه مبتی اولمشدر اوت جذبته سی غالب اولانلر  
بختیاردر لر قال علیه السلام ( جذبته من جذبات الرحمن توازی عمل الثقلین )  
شوقدروار که جذبته نک سکرک و حرارتک زیادی هر کسک حال و شانیه  
وبلکه ده موقعیه پک متناسب اولدیغندن بو بایده حد اعتداله رعایت  
وارباب وقوفه مراجعت و اطاعت هر حالده اول والیقدر . عالم معناده

مشاهده بیوردیغکز آل و قیرمزی رنگلر لطیفه روحده ذکر و حرارت  
اولسندن ناشیدر شبهه سز شمدی ذکر کز لطیفه سره انتقال ایتش  
ولطیفه روحک زمانی کچمشدر . حق تعالی حضر تری فیضگری مزدا  
بیورسون انشاء الله تعالی .

### یتیمش ایکنجی مکتوب

۲۵ تموز ۳۲۲ تاریخیله مورخ و تلطیفات فائقه ایله موشخ اولان  
التفاتنامه فاضلانه لرینی آلوب دوام عافیت و بقای عاطفت لرینی مبشر بولندیغندن  
حق تعالی حضر تارینه عرض شکران ایلدم . الهی دائماً عافیتله بکام  
وعافیتله بر دوام اوله سز . حمد اولسون وجود فقیرانه من دخی عافیتده  
ارلوب مفارقت صوریه دن بشقه بر غائله من یوقدر ( ربنا اتنا فی الدنیا  
حسنةً و فی الآخرة حسنةً و قنا عذاب النار ) دنیا من کر چه محدود بر  
زماندر شایان اهمیت دکدر لکن مزرعه آخرت اوله بیلجه کی ایچون  
عزیز اولسه کر کدر . قال علیه السلام ( الدنیا ملعونة و ملعون مافیه الا  
ما ابتغی به وجه الله ) تحصیل رضای ربانی یه وسیله اولان بر دنیا محترمدر .  
مقبول جناب باری در والا فلا مشاهده بیوریلان معنا معلوم فقیرانه  
اولدی لویه داعیانیه منک تقبیل و صاغ جهتمده اجلاسکز قریت . معنویه  
و مواصلت مادی یه اشارتدر . رب یسر و لاتعسر دیگر بر معناده بر طاقم  
شیطانک هجومی و تلاوت اولتان آیات کریمه دن ضکره مندفع اولدیغی  
بیلدی ریور ایدی احتمالکه حالت یقظه ده ملاقی اولدیغکز جلیس سؤدن  
ناشی اولسون . زیرا جلیس سوء دائماً شیطا تیندن خالی دکدر ( ایا کم و جلیس  
السوء . معلوم فاضلاندر لیدر لکن نه چاره بعضاً واقع اولور که نجات

قابل اوله ماز . کما قیل ( ما کل یتمی المرء یدرکه تجری الراح بما لا تشیه  
لسفن ) مولام موفق بیورسون انا جلیس من ذکرنی سرینه مظهر  
ایاسون آمین باقی السلام علیکم ورحمة الله وبرکاته .

### یتیمش اوچنجی مکتوب

نعمت مواصلتی مبشر اولان برمعنائک مشاهده بیورلیدینی تبشیر  
بیورمش ایدیکز بشرک الله، حقیقه بیوک بریشارتدر . فقیر کزه دخی  
اویولده بر خاطره خطور ایدیور . آرتی ایر، کیجی یالکیز جناب  
حق بیلیر ( الحیر فیما اختاره الله ) بک حضرتلرینک اجازه نامه سندن  
بیان محظوظیت بیورلمش ایدی الحمد لله تعالی علی ذالک . دیمک که اصابت  
ذهن فقیرانه من خطایه کیماش در بوکاده الحمد لله اوچنجی بر الحمد لله  
دهاسویلم که بودخی ذات عالیکنزک عمل قلیل مقابلنده ظن ایتدیککیز  
فیوضاب کثیره یه نائلیتکیزه قارشودر او عمل قلیل دخی فالینجه ارتق بتون  
یتون متحیر اوله جعمر تحق ایدر . چونکه فقیر کز شمدی اصلا عمل  
یوقدر یالکیز بر نماز قلیور لکن اوده عادت اقتضاسندمیدر؟ لومه ناسک  
مخافندن میدر؟ نه در بیله میورم الحاصل خالص الله ایچون اولد یغنه هیچ  
اینا میورم . نفسک حیل و دسایسندن امین اوله میورم جناب حق جمله مزه  
ایمان حقیقی احسان بیورسون . صورت ایمان ایچنده بر اقامسون آمین  
مولانا بیورمشدیکز وقتک امام ربانیسی اولمشکیز جناب حق ذات  
فاضلانه کزی خواجه محمد معصوم یاپسونده بو فقیر کزی نه یاپار سه یاپسون  
مع مافیه کریمدر ، رحیمدر احتمالکه قصور لریمی اسلافندن و یا خود  
اخلافندن بر ذات کرامه باغشار ( وما ذلک علی الله بعزیز ) حاجی عاصم بک  
یرادر مزه باغشله سیدی فوق العاده ممنون اولوردم .

### یتیمش دردنجی مکتوب

۲۹ مارت ۳۲۰ تاریخیه احسان بیوریلان التفاتنامه فاضلانه لریله  
عیون تشکر و محمدتمی بودفعه دخی منور ایلدم . حق تعالی حضرتتاری  
مدینه وجودیکزی انوار فیوضات ایلله منور و لطائف عشره کزی  
هوائف رحمانیه ایلله مبشر بیورسون آمین . فضیلتلو خواجه یکتا افندی  
حضرتلرینک دولتخانه عالیکزی تشریف بیوردقلرینی و بر کیجه  
محبت و مصاحبه جان یورانه لریله اکتساب ابتهاج اولندینی بیان  
بیورمش ایدیکز . فوق العاده محظوظ اولدم . ( آسمان رشک بردسوی  
زمینی که درو : دوسه یاری . دوسه دم بهر خدا بنشینند ) خواجه  
امجد حضرت شاه نقشبند بیورمشلردر .

« طریقه ما در صحبت است » محبت و مصاحبه ایلله حاصل اولان  
فیض و برکت ریاضات و عبادات ایلله میسر اوله میه جنی اربابنک  
معلومیدر . ( آنکه زتبریز یافت یک نظر از شمس دین : طعنه زند  
بردهه سیخره کند بر چله ) مولام بوکی اجتماعی جمله مزه نصیب  
واحسان بیورسون . اول مجلس ملائک انیسک فیوضاتندن فقیریکزیده  
مستفید ایاسون آمین .

### یتیمش بشنجی مکتوب

۲۵ تموز ۳۲۱ تاریخیه مورخ و التفات مخالصت آیات عارفانه لریله  
موشخ اولان عنایتنامه لرینی آلوب مطالعه سیله ممنون و محظوظ اولدم .  
بوالفتاننامه ده بین النوم والیقظه ظهور ایدن احوال دن معلومات ویرمش  
ایدیکز معلوم فقیرانه اولدی . ذکر و فکریله اشتغال ایدن اخوان

گرام ایچون دائماً بوکبی نمایشلرک ظهوری معلوم عالیلریدر. حضراتک بریسی «درطریقت هرچه پیش سالک آید خیر اوست» بیورمشدر. مع مافیه مشغولیت اثناسنده اکثریا ظهور ایدن غفلت لسان صوفیه ده (یخودلق) دیمک درمقبولدر. بوکبی یخودلق تکرثا تدمکجه وباخصوص قبض و بسط توالی و تعافب ایلمدکجه نفس کنندی آرزولرینک تعقیندن فارغ بولماز. اولیاءالله حضراتی قبض و بسطی بر سالکک تعالی و ترقیاتی ایچون ایکی قنادر مقامنده تلقی بیورمشدر. قبضدن مقصد هیچ بر سبب ظاهری اولدینی محله سالکک قلبه عارض اولان هم وحزندن عبارت اولدینی کبی بسطدن دخی مهارد بلا سبب روحنه توجه ایدن فرح و سروردن کنایه در. سالک بعضاً حزن و بعضاً سرور ایچنده بولور و بعضاًده هرشیئی اونودور بر غفلت تامهیه معروض قالیرسه شبهه سر نفس اماردنک مألوف و مشتهیاتی تدریجاً ترکنه موفق اولور و جناب حقک رضاسی دائر دسده بولنان بر عید مطیع اوله بیلیر. غفلت بوکبی بر فائدهنی انتاج ایدنجه عبادتده دهامفید اوله جنی طبعیدر. جناب حق اسباب توفیقکری و بالجله اقوال و افعالکزی طریقت و حقیقته تطبیق بیورسون آمین. و صلی الله علی سیدنا محمد و آله و صحبه اجمعین. ۱۹ آغستوس ۳۲۱

### یتیمش آلتنجی مکتوب

شرفرسان بنان اشتیاق اولان کرنامه مخالفت علامه کز بودفعه دخی کمال مسار ایله مطالعه کذار درویشانم اولدی. مشتاق وصال اولان داعی بی پروبالکزی تکراراً ایچار ایلدی حق تعالی حضرت تلی

ذات موفقیت علامتکزی دائره اخلاص محبتدن بیرون ایتمسون و (یحشر المرء مع من احب) حدیث شریفک سرینه مظهر ایلسون آمین. کاه پدرافندی برادر مزله و کاه حافظ مصطفی و ذهنی برادر مزله فضیلتلو خواجه یکتا افندی حضرت تلینه واقع اولان زیارتکزموجب تشکر در (النظر الی وجوه العلماء عباده) حدیث شریفی معلوم عالیکزدر. نطق عالیلری حجت قاطعه مقامنده بولنان احمد سعید مجددی حضرت تلینک آثار سعادت نثارنده مشهود فقیرانهم اولان (یک نظر بیر به از چل چله) مصراع شریفی دخی اومعنائی مؤیددر. کذا شاد نقش بند قدس الله سره الامجد حضرت تلی (طریقه مادر صحبت است) بیورمشدر. بناء علیه قلبلریخی ذکر الله ایله احیائش اولان ذوات کرامک صحبت و زیارتلریله سعادت یاب هر دوسرا اوله جفکزی مراحم جلیله جناب رب العالمیندن استرحام ایلرم. باقی خدایه امانت اوله سر افندم.

### یتیمش یدنجی مکتوب

۳۰ مایس ۳۲۱ تاریخیه مطرا اولان التفاتنامه معلولری بودفعه دخی قلب درویشانم می محال ایلدی سجنجل ضمیر منیر کزدن اقتباس شادی و سرور ایلدی قال النبی المکرم صلی الله علیه وسلم (قلب المؤمن عرش الرحمن). معلوم عالیلری اولدینی کبی بومؤمندن مقصد مؤمن کاملدر یعنی باطلدن غافل و حق ایله شاغل اولان بر مؤمن عاقلدر عباد الله ایچون مقرر اولان ارزاق عرش مادییه تودیع بیورلمش اولدینی مثالبو بر عید مراد الله ایچون دخی مقدر اولان فیوضات روحانیه قلب مؤمندن عبارت بولنان عرش معنوییه توجیه بیورلمشدر قلوب اصداقاه توجه ایدن لذائذ معنویه

سابقه مرگ تکرار تکرار مطالعه سیه حاصل اولان مسرتکزی بیان  
بیورمش ایدیکز فقیر کرده مسرور اولدم جناب حق تشکرا ایدلم فصل  
ایتمیم بونجیق عیارنده اولان کلمات درویشانه مزی کوه شانس اولان  
ذواتک نظر تقدیرینه مظهر ایدیور بو مظهرینه سبب مستقل برشی  
وارایسه یالکز کنیدی عجز و افقارمی اقرار و اعتراف ایلمکدن عبارتدر.  
قال تبارک وتعالی « وما اوتیم من العلم الا قلیلا » ظاهری اولسون باطنی  
اولسون ادعای علم و عرفان ایدنلرک حاله تأسف اولملیدر « من قال  
انا عالم فهو جاهل » حدیث شریفی شاهد عادلدر ایشته برادر « الفقر  
فیضری » حدیث شریفنه توفیقاً حالاً، قالاً، بدناً، مالاً بالجملة ایشای.  
مودوعه بی جناب حقک بیلوب کند مزی فقیر و محتاج بیلدیکمز حالده  
( من عرف نفسه فقد عرف ربه ) حدیث شریفنه توفیقاً جناب حق بیلمش  
اولورز و بوضو رتله موجود اولان فقر مزی وسیله افتخار ایلرلر مولا  
معینمز اولسون چهل مرکبندن محافظه بیورسون آمین .

### سکسان برنجی مکتوب

۱۲ نisan ۳۴۰ تاریخله محرر اولان احساننامه مراحم علامه شفقت  
کسترانه لری آرایش انامل امتنان اولدی حق فقیرانه مده تعاقب وتوالی  
ایدن وخانه قلبی انوار مسرتله تنویر ایلین نیر التفات بیغایاتکزه  
قارشو ایفای تشکر دن عاجز بولوندیغمی اظهاره لزوم کور میورم هر پوسته ده  
آلدیم نامه کزک بیاضی صحیفه سینه مزی تسریر سوادى ایسه سویدای  
قلبمزی تنویر ایتمکده در جناب حق قادر بی نظیر فیض وبر کتکزی  
تکثیر و مشام جانکزی عنبر نسبتله تعطیر بیورسون آمین . چونکه

طریقه علیه بهائیه مزه مخصوص اولان نسبتک بوی دلجوسی کی دنیا ده  
بر رایحه طیه تصور اولنه مزی بورایحه جسته مخصوص اولسه کر کدر  
« ولن خاف مقام ربه جنتان » آیت کریمه سی موجب نه طریقه علیه ایله  
مشرف اولنلر اچونده اوله بیلور ایشته جناب الله جل جلاله حق عایکزه  
تکرار ایتمکده اولدیغم بو کی دعالیمی بردفعه حق اولورسه اولسون  
شایان قبول ایدرسه اوزمان کنیدی بختیار بیلیم وظیفه تشکرک برقسعی  
اذا ایتش اولورم . والا فلا . رب یسر ولا تعسر آمین بحرمة طه ویس .

### سکسان ایکنجی مکتوب

ایکی قطعه التفاتنامه کزی آلدیم او قوم شیوه کفتار یکزه طویق ممکن  
دکدر غایت کوزل یا بیورسکز طاتلی حوادث ویریورسکز حقیقتدن  
وبالخصوص اخوان طریقتک صفای حالندن بحث ایدیورسکز جناب  
الله قال و جالکیزی دائماً حال العال ایتسون اخص امالکیزی تحصیل  
رب متعالدن عبارت بیورسون آمین . ضرورت خارچنده بولنان دنیا  
ایشلرنده اهمالندن باشقه چاره اولمدیغی اشعار بیورمش ایدیکز فوق العاده  
مخلوظ اولدم چونکه دنیا ایشلرینی تعقیب ایلمک عادتاً کولکه کی تعقیب  
کبدر اولاشمق قابل دکدر انسان عاقبت عزیز اولان عمرینی او بولده  
صرف ایدرسه کنیدی آلداتمش اولاجنی بدیدر . زیرا « ارچی »  
امر جلیله اجابت ایدنجه سعینک هبایه کیتمش او وطن حقیق اولان  
قبر اچون کرکی کی تدارکاتده بولونمامش اولدیغی اظهار ایدرنته کیم  
سعادت ابدیه بی تأمین مقصدیله رضای رب العالمین بولنده صرف مساعی  
ایدنلر ایکی جهتی دخی قرانمش اولورلر قال علیه السلام « ان الله تعالی



و فواید لدنیه نك جمله سی علی طریق الانعكاس یر قلب شریفك بر نور لطیفك اثر التفاتیدر . قال علیه السلام ( مثل امتی مثل المطر الخ ) یعنی اتمك كمینی رحمت کیدر . عشق الله، محبت الله، ذكرا الله ايله قلبك احیاسنی آرزوایدنار قلبلری روحانیت اولیانك توجهنه معروض ایتلیدر لمبتدیله رابطه دن مأذون اولانلر ایسه مراقبه دن غفلت ایتما لیدرلر . گاه رابطه وگاه مراقبه سایه سنده سلامت دنیویه و سعادت اخرویة نك حصولی شبهه سزدر . رب یسر ولا تعسر . داعیكز مظهر اولدیغ لطف و شفقتكزه قارشو نه صورتله بیان محمدت ایلیه جكمی بیله میورم خیر دعادن بشقه بر شئی دوشونه میورم حضرت الله ذاتكزی مراد وكون بكون فیض و بركتكزی مراد ییورسون باقی السلام علیکم ورحمة الله وبركاته .

### یتیم سکزنجی مکتوب

عریضه درویشانه مدر

انواع التفات ايله موشح وانماء تعطفات ايله مرشح اولان مکتوب بلاغت اسلوب عالیله دست تکریمه آله رقی لسان تعظیم ايله قرائت ایدلدی . مال مکارم اشمالی مشتاق جمال وعاشق کماللری غریق لجه من و مسار ایلدی برهفته صکره بشارت سعادت ايله اراسته و فیوضات بیغیات ايله پیراسته اولان دیگر بر التفاتنامه یه پارلاق بر سعادتنامه یه ده نائل اولدم شویله که سپه سالارانیا علیه افضل التحایا افند من حضرت تلرینك حضور لامع النور لرنده شرف مثوله نائل بیورلدیغكزدن و اخیر اصورت درویشانه مزله مصور اولان بر عالیجنابك روحانیت شریفه لرندن قلب عالیلرینه قائم دنکسند علم حکمت و معرفت و جناب حقه محبتك افاضه

بیورلمسندن اعطای معلومات اولنش ایدی بوندن طولای حق تعالی حضرت تلرینه عظیم تشکر لرده بولدم اساساً اولانجه اعتماد ايله سلسله اولیاء الله درکار اولان تابعیت و هر بر اوامر و ارادات خالصانه لرینه کویتر مکده اولدیغكز عرض تسلیمته فارشو بوکی فضائل مفتخره ايله سرافراز و بین الامائل والاقران تمناز بیوریه جگكز معلوم فقیرانه ایدی شمدی یالکیز بر تبریک ايله اکتفا ایدر و بوندن بویله دخی کرک ماده و کرک معناً حائز اولدیغكز سعادتلك صره سیله تبشیر بیورلمسنی نیاز واسترحام ایلرم باقی السلام علیکم ورحمة الله وبركاته .

### یتیم طقوزنجی مکتوب

جناب فخر عالم و مرشد مکرم سید العرب والعجم افند من حضرت تلرینك التفات جهاندرجات معنویه لرینه مظهر و ورثه کرامتك توجهات باهر الفیوضات قلبیه لرینه نائل و مظفر اولدیغكز دن طولای ذات صداقت آیاتكزی تبریک ایدر و طالب رشد و رشاد اولان عباد صالحینه تعلیم طریقت والقاء نسبت فیض و برکت ایچون عزیز مدن حائز اولدیغم رخصت المجانبه ذاتكزی مأذون ایلرم جناب حق و فیاض مطلق حضرت تلری قلبكزی منبع ایمان و لسانكزی مجرای عرفان ایلسون وذات عارفانه لرینه اختیار صحبت ایدن اخوان دینی شرف صحبتكزدن مستفید بیورسون آمین و صلی الله علی سیدنا و هادینا محمد وآله و صحبه اجمعین . و آخر دعوانا ان الحمد لله رب العالمین .

### سکساننجی مکتوب

۱۲ نیسان ۳۲۰ تاریخیه اولان التفاتنامه کز واصل اولدی عریضه

سابقه مرگ تکرار تکرار مطالعه سیله حاصل اولان مسرتکیزی بیان بیورمش ایدیکز فقیر کزده مسرور اولدم جناب حقه تشکر ایلدم نصل ایتیم بونجق عیارنده اولان کلمات درویشانه منی کوه رشناس اولان ذواتک نظر تقدیرینه مظهر ایدیور بو مظهرینه سبب مستقل برشی وارایسه بالکز کنندی عجز و افقارمی اقرار و اعتراف ایلکدن عبارتدر. قال تبارک و تعالی « وما اویتیم من العلم الا قلیلا » ظاهری اولسون باطنی اولسون ادعای علم و عرفان ایدنلرک حاله تأسف اولماید « من قال انا عالم فهو جاهل » حدیث شریفی شاهد عادلدر ایشه برادر « الفقر فخری » حدیث شریفه توفیقاً حالاً، فالاً، بدناً، مالاً بالجملة اشیای مودوعه بی جناب حقک بیلوب کند منی فقیر و محتاج بیلدیکمز حاله (من عرف نفسه فقد عرف ربه) حدیث شریفه توفیقاً جناب حق بیلمش اولورز و بوضو رتله موجود اولان فقر منی وسیله افتخار ایلرز مولا معینمز اولسون جهل مرکبندن محافظه بیورسون آمین.

### سکسان برنجی مکتوب

۱۲ نisan ۳۳۰ تاریخله محرر اولان احساننامه مزاحم علامه شفقت کسترانه لری آرایش انامل امتنان اولدی حق فقیرانه مده تعاقب و توالی ایدن و خانه قلبمی انوار مسرتله تنویر ایلین نیر التفات بیغایتکزه قارشو ایفای تشکر دن عاجز بولوندیغمی اظهاره لزوم کور میورم هر پوسته ده آلدیغم نامه کزک بیاضی صحیفه سینه منی تسریر سواد ایسه سویدای قلب منی تنویر ایتکده در جناب حق قادر بی نظیر فیض و برکتکزی تکثیر و مشام جانکزی غیر نسبتله تعطیر بیورسون آمین. چونکه

طریقه علیه بهائیه مزه مخصوص اولان نسبتک بوی دلجوسی کی دنیا ده بر رایحه طیه تصور اولنه مز بورایحه جسته مخصوص اولسه کر کدر « لمن خاف مقام ربه جنتان » آیت کریمه سی موجب جبه طریقه علیه ایله مشرف اولنلر ایچونده اوله بیلور ایشه جناب الله جل جلاله حق عالی کزده تکرار ایتکده اولدیغم بو کی دعا لیمی بر دفعه حق اولورسه اولسون شایان قبول ایدر سه اوزمان کنیدی بخیار بیلیم وظیفه تشکرک بر قسعی ادا ایتش اولورم. والا فلا رب یسر ولا تعسر آمین بحرمه طه و یس.

### سکسان ایکنجی مکتوب

ایکی قطعه التفاتنامه کزی آلدیم او قودم شیوه کفتار یکزه طویق ممکن دکلددر غایت کوزل یاییورسکز طاتلی حوادث ویریورسکز حقیقتدن و باخصوص اخوان طریقتک صفای حالندن بحث ایدیورسکز جناب الله قال و حالکزی دائماً حال العال ایتسون اخص امالکزی تحصیل رب متعالدن عبارت بیورسون آمین. ضرورت خارجده بولنان دنیا ایشلرنده اهلالدن باشقه چاره اولمادیغی اشعار بیورمش ایدیکز فوق العاده محظوظ اولدم چونکه دنیا ایشلری تعقیب ایلک عادتاً کولک کی تعقیب کیدر اولاشمق قابل دکلددر انسان عاقبت عزیز اولان عمرینی او بولده صرف ایدر سه کنیدی آلداتمش اولاجنی بدیدر. زیرا « ارجی » امر جلیله اجابت ایدنجه سینک هبایه کیتمش و وطن حقیقی اولان قبر ایچون کرکی کی تدارکاتده بولونماش اولدینی تظاهرایدر نته کیم سعادت ابدیه بی تأمین مقصدیله رضای رب العالمین یولنده صرف مساعی ایدنلر ایکی جهتی دخی قرائش اولورلر قال علیه السلام « ان الله تعالی

يعطى الدنيا على نية الآخرة « حق تعالى حضرتلری بزی سزی وكافه  
اخوانمزی عبث ايله اشتغالدن محافظه بيورسون هم وهمتمزی سعادت  
ابديه مصروف ايلسون آمين . سيدافندی برادرمنك انشاآتی تبريك  
ايلرم مولام مبارك ايلسون خانه محبت لائه طريقت بيورسون آمين .

### سكسان اوچنجی مکتوب

تلغرافكز تاريخدن برآی صوكره پوسته ده ظهورايتدی سوکلی  
حسنمك خاطرینه سبب برشی سويله به ميورم . يوقسه سويله نه جك سوز  
چوقدر . هله مقابله کونلری ، او حلاوتلی ، او حرارتلی اوفیض و برکتلی  
او اولیاء اللہك توجه وعایتلی کونلری ، صادق لک ، عاشق لک ذکرا لله  
ایچون اجتماع ایلله جک کونلری کورمش اولسه ایدیکز شبهه سز آغلار دیکز  
جالکزی کورمکدن دور اولان باصره منک و کفتار کزی ایشتمکدن  
مهجور بولان سامعه منک حالنی ایشتمش اولسه ایدیکز محقق باطنکزی  
داغلارد کز ! ( السفر قطعة من السقر ) حدیث مشهورینی اکلار  
وسفر کزک سقر دن برقطعه اولدیغی جان ايله وجدان ايله ادراک ایلر دیکز  
نه چاره که شیمدی نصیتمزی مائده صبر وشکیدن آرامق اضطرارند  
بولیورز مع مافیه آزا جقده نارك محسناتی تعداد ایدلم : شویله که اولان  
نارك فراق اولسه ایدی زلال وصالک قدر و قیمتی شبهه سز لایق اولدیغی  
قدر تقدیر اولمازدی . ثانیاً کیجه لری نائره محبت شعله فشان اولسه ایدی !  
شراره خیالخانه یی تصویره اصلا امکان بولمازدی . ثالثاً نار اشتیاق  
اجرای خدمات مهمه ومحسنات معظمه سی انکار اولنما لیدر ازان جمله  
مغشوش اولان آتونلری خالص العیار ایدن آنجیق آتشدر . کذلک دنیاده  
ایکن حسنات ايله سیئاتی احاطه ایتمین مذنب لری وبالآخرة مظهر عفو

ومغفرت اولمین . مؤمن عاصیلری داخل جنت و نائل نعمت اولمق ایچون  
مهیا ایلین ینه آتشدر . شونی ده علاوه دیه بیلیم که وصالده یم فراق ؛  
فراقده ایه امید وصال موجود اولدیغدن نائره فراقی زلال وصاله  
ترجیح ایدن فکر لرده اکسیک دکلدر . لکن بن بوکلی افکاری  
جف القلم انکار ایتمه مکله برابر مختار اولور سه م اختیار ایتک طرفداری  
دکم . چونکه اختیارم ؛ بی تاب توانم ، بر کرده اولمیش النداء اولطف  
الصداء او ظریف الادا اولان بلبجکاره دقت ایدیکز بهار موسمی کلنجه  
بروجهله تحمل ایده میور . فریاده باشلا یور . کلرک خالفه یالوار بیور .  
کیم بیلیم نه لر دوشونیور ، نه لر سويله یور ، نه دعالر ایدیور ! الحاصل  
نه لازمه اجرا ایدیور . بلبجک مرادینه نائل اولور جناب حق  
بزیده ، سزیده ، حسنی ده مرادینه نائل بیورسون آمین .

### سكسان دردنجی مکتوب

۳۷ نسان ۳۲۰ تاریخلی اولان عنایتنامه کز عیون انتظار و جفون  
افقرانه می ترین و تنور ایلدی . زلال الطاف ايله آبدار و مهر منیر انعطاف  
ایله تابدار اولدیغی کلمات رنگین و عبارات شیرینکزی علی التکرار مطالعه  
ایتمش اولدیغم حالده بروجله استغنا حاصل ایده مدم لذاذ ماده و مغویه  
سندن طویه مدم جناب الله قوه قلمیه کزه امداد و لطف و شفقتکز  
نسبتنده علم و عرفانکزی مزداد بیورسون بز فقیر حقیری ده خاطر  
عاطر کزدن چقارمسون آمین . مولانا جامی قدس الله سره السامی  
حضرتلری بیور مشاردرد « میبچ از عشق رو کرچه مجازیت - که اوهر  
حقیقت کار سازیت » یعنی عشق دن یوز چورمه ولو که مجازی اولسون

زیرا عشق حقیقی ایچون بر مقدمه مواصلتدر . لسان عربی ده الحجاز  
قطره الحقیقه بیورمشدر . معلوم عالیروی اولدینی کبی مقامات دنیویه  
ذروه بالاسنه ارتقا ایچون مبدأدن متهاسنه قدر وسائط متعدده  
ووسائل متنوعیه مراجعت ضروری اولدینی مثللو بلافرق وبلاتقاوت  
انسان فنا فی الشیخ اولد قجه فنا فی الرسول وفنا فی الرسول اولد قجه فنا فی الله  
اوله میه جنی طبعیدر . هیچ شبهه میوقدر که حق عالیگزده محضامو هبه  
الهی اولان ایمان واذعان و بزرگی درویشانه قارشو اتیان ایتمکده اولدیشکن  
لطف واجسانه قارشو جناب حق ثانی به ثانیدن ثالثه ایصال ایله جکدر .  
رب یسر ولا تعسر رب تمم بالخیر یا الله .

### سکسان بشنجی مکتوب

زیرده کی سید الاستغفار ترجمه سله برابر اخواندن بر ذاتک طایی  
اوزرینه تحریر اولمشدر . اللهم انت ربی لا اله الا انت خلقتنی وانا عبدک  
وانا علی عهدک ووعدک ما استطعت اعوذ بک من شر ما صنعت ابوء لک بنعمتک  
علی و ابوء بدینی فاغفر لی دنوبی فانه لا یغفر الذنوب الا انت .

(اللهم) ای بنم اللهم اعتراف ایده رمکه (انت ربی) سلسله بشریتک  
مبدأدن متهاسنه قدر بتون معناسیله بنی تربیه ایدن انحق سنک ذات  
اجل واعلا کدر چونکه (لا اله الا انت) سندن بشقه بر الله یوقدر (خلقتنی)  
و اعتراف ایدرمکه بنی خلق ایدن وغمدن وجوده کترین سنک  
وانا عبدک (بن ایسه سنک قولک و مخلوقکم یعنی اوامر جلیله سبحانیه نک  
انفاذینه مهیایم ( وانا علی عهدک ووعدک ما استطعت ) کذلک ایضای  
وظیفه عبودیتیه دائر قالو ابلی ده سبق ایدن عهد و پیمانک اجرا سنه

استطاعت بشریم لاحق اولدینی قدر آمادیم شوقدروار که (اغوذ بک  
من سرماصنت ) سائقه غفلت وجهالتله واقع اولان تقصیرات گذشته مک  
شر وشائفتدن تخلیص جان و جان خصوصنده دارالامان مغفرتکه  
التجا ایدیورم (ابوء لک بنعمتک علی) ای بنم سو کیلی اللهم بارئه عیبانه مده  
رایکان اولان نعم کونا کونکه مقرر اولدینم کبی (وابوء بدینی) هیچ بر  
عقل ومنطقه صیغیان کناهریمی ده بیلیر واعتراف ایدیورم اوله ایسه  
یاری (فاغفر لی دنوبی) واقع اولان خطایامی عفو و مغفرت ایت  
(فانه لا یغفر الذنوب الا انت) زیرا ذات اجل واعلا کدن بشقه عفو  
ذنوب ایده جک بر الله یوقدر .

### سکسان آلتنجی مکتوب

۱۴ نیسان تاریخی تحریرات خالصانه لرینی کالی مسرتله الوب مطالعه  
ایلدیم مع عائله صحت وعافیتده بولندیغکنزی تبشیر ایتیش ایدیکنز . جناب حق  
عرض تشکرده بولندیم بزر دخی حمد الله تعالی عموماً عافیتده یز . مولام  
حضر تلی مادی معنوی اولان انعام واحسانلرینی اوزر مزدن اکسیک  
بیورمسون آمین . لطائفک زک مقدا بر درجه توقفده بولندیغنی شمعی  
ایسه له الحمد انتظام واعتداله نائل اولدیغنی بیان ایتیش ایدیکنز . معلوم  
اولدینی اوزره قلب امور خارجیه دن متأثر اولور . مثلاً کوتو هوادن  
صحت بدن محتل اوله جنی کبی اهل قسوت وغفلت ایله مصاحبه دن ده  
قلب متأثر اولور . زمانمزده ایسه بوندن تمامیه قور تولوق ممکن  
اوله میه جغندن اکثر اوقات رابطه ده دقت ایلک لازمدر . رابطه نک  
خفیف وقولای جهتی ده واردر . حق جل وعلا حضر تلی (و کونوا

مع الصادقین ) بیورمش اولدقیری کبی انسان فکر آمرشدینی در خاطر  
ایتمک و بوجهتله معیتده بولندیغنی دوشونمکده رابطه در. سز اولدیمز  
دخی بوصوفته امرار اوقات ایدوب جناب حقلک لطفندن مایوس  
اولمالیسکمز. مع مافیله یولار کسب صلاح ایدر. وانشاء الله تعالی صله  
رحم اولق اوزره بردفعه دها بورالره کلوب پدر معنویکیزی مسرور  
ایدرسیکمز.

خواجه محمد معصوم حضر تارینک رابطه یه فوق العاده اهمیت و یردیرمش  
اولدیغنی مکتوباتده کوردم. زیرا رابطه منتظم اولدقدنصکره لطافتک  
ذکری انتظامی غائب ایتمز وعادتا انسانه مرشدینک وظیفه سنی ایفا  
ایدر یعنی سالک طریقتی ارشاد ایلر و شرعاً حسن ویا قبیح اولدیغنی  
اشیائی الهام ایلر.

### سکسان یدنجی مکتوب

بودفعه دخی تنزلاً احسان بیورمش اولدیغکمز برقطعه مکتوب  
واصل اولدی حق فقیرانه مده شایان بیوریلان لطف و شفقت و باخصوص  
دلالت اولنان اذکار شریفه یه ایدیلن مداومته قارشو حق تعالی حضر تارینه  
عرض شکران ایدلای معلوم عالیری اولدیغنی کبی امراض مادییه مبتلا  
اولانلر منزل مقصوده اولاشمق ایچون قطع مسافیه اقتدار بدنیه لری  
مفقوددر کذلک ( قدا فسخ من زکیها ) آیت جلیله سی موجب نهجه علی العموم  
هر بر شخصده موجود اولان نفس اماره ده کی علل امراض معنویه  
( ذکر الله شفاء القلوب ) حدیث شیرینی ایلله معالجه پذیر اولدقچه جنات  
عالیه منتهی اولان طریق نجاتک سیر و سلو کنه موفق اوله ماز دو قنور سز،

رچته سز، اجزا خانه سز اولدیغنی حالده حدیث شریف ایلله مثبت بولنان  
برشفای حاجله دلالت ایلن فقیرکیزی دعوات خیریه دن محروم بیورمیه  
جنکزه دمانیم برکالدر. انشاء الله تعالی رابطه شریفه یه یاور و روحایت اولیا برابر  
اولدیغنی حالده قریباً مهم مسافر لک قطعیه داعیکیزی تبشیر بیوررسکمز  
جناب حق موفق بیورسون آمین بحرمه طه و یس والسلام علیکم ورحمة الله  
وبرکاته.

### سکسان سکزنجی مکتوب

بودفعه دخی غایت آبدار وغایت معنی دار اولان برقطعه التفاتنامه کزله  
نائل اولدیغمدن طولای کنیدی تبریک ایدر وذات صادقانه کزله تشکر  
ایلرم. بخندومک خسته لکندن ومعاتبه داخلیه تحمک کوجلکندن  
وتدیر کزله حرکت ایمان عتابچیلرک حق سز اغندن بحث و بیان بیورمش  
ایدیکمز جناب حقلک صنعنه وسودیچی قولاری حقنده کی امتحاننه و سیر  
حکمتدن ینخر اولان برطاقلریله اجتماع ایتدیرمسنه ترکی عرب،  
عربی عجمله برآراده بولندیر مقدمه اولمسنه نه دیملی ز هر نه قدر حضرت  
موسی علیه السلام (ان هی الا فتک) بیورمشدر لکن دوغریسی بوکی  
تجلیل فقیر کزله غایت کوزل کوزیکور (ضرب الحییب ذییب) خاطره  
کلور محبوب هر نه قدر اذا حفا ایدرسه صادق اولان عاشق خوش  
کورملیدر. اولیه دکلی یا! برغم کدردن راحت ایتمک آرزو ایدنلر  
موتی اختیار ایتیلدرلر (موتوا قبل ان تموتوا) مقامنه داخل اولمیلدرلر  
طریقت علیه ده سیر و سلوک ایدنلر سعی و غیر تارینه و باخصوص استعداد لرینه  
هر شدلرینک دخی محبت والتفاتی انضمام ایدرسه مقاملرینک تعالی ایده چکی

طبیعی در جناب حق و فیاض مطلق حضرت تلیزینک محض احسانیه بر سالک مقام موته نائل اولور سه غم و کدردن سالم و (الان اولیاء الله لا خوف علیهم ولا هم یحزنون) سرینه مظهر اولور مولام سزلی و بزلی بوعالی مقامه واصل بیورسون .

### سکسان طقوزنجی مکتوب

بودفعه دخی شرف ورودیله تلطف بیورلدیغم احساننامه معالی عارفانه لری رسیده دست تکریم و تعظیم اوله رق اظهار بیورلمش اولان لطف و شفقت و قات اندرقات دکر مک فوقنده بولنان اخلاص و محبتک ایفای تشکری بیوجهله ایفا ایدمه جکم وارسته قید و تعریفدر حق تهالی فیض و برکت سزلی مزدا دیورسون طریقه علیه بهائیه درکار اولان حرمت و رعایت سزلی نسبتده ترقی و تعالی کنزی احسان بیورسون آمین حق عالی کنزده موهبه جلیله الهیه اولان توجهات معنویه پیرانه اتباعاً طرف داعیانهدن سبق ایدن اجازتنامه بودفعه دخی بالخاصه تبریک ایلرم جناب الله حق خالصانه لرنده مبارک و مسعود و تجلیات مادیه و معنویه ایچون مقدمه مکارم نامعدود بیورسون . مراقبه شریفه انساننده و سرمست باده محبت اولدیغکنز برهنکامده بوفقیح حقیر کنزی دخی یاد ایدوب دعوات خیریه دن محروم بیورما کنزی بالخاصه رجا ایلرم اعظام اولیای نقشبندیهدن عبدالله احراری قدس الله سره العالی حضرت تلیز ملاقی اولدیغی اخوان دین و عباد صالحینک دعوات خیریه لرینی دائماً اغتنام بیورمش و جنات حقیق رضا و رحمتی قزاق ایچون عمل و عباداته اعتماد بیورما مشدراوت (وما خلقت الجن والانس الا ليعبدون)

آیت جلیله سی ایچانجه بر قول ، بر مخلوق ، عمل و عبادت سایه سنده انجق عصیاندن نفسی قورتارمش اولور فضله بر فضیلت ادعاسنده بولنه ماز و هر زمان فیضی دعوات خیریه و اولیا اللهک توجهات قلبیه لری مثللو وسائط بهیه دن انتظار ایلر و فقنا الله تعالی وایا کم آمین .

### طقساننجی مکتوب

قرینه صیحه لرندن ظهور ایش و کمال عرفان ایله سلاک سطورده چکلمش اولان و باخصوص کوه کرا نهایی عاطفت و جوهر فرحفرای مزحتکنزی مبشر بولنان عبارات لطیفه و تعییرات منیفه لرینی تحریرات مخصوصه ایله آلوب لسان شکران ایله قرائت و عیون مباحات ایله تماشاسنه مسارعت ایلدم شمش تابان التفاتکنزه معروض اولان بو ذره بی مقدارک شمیدییه دکین فراموش بیورلدیغی نعمته مقابل حق تعالی حضرت تلیزیه تشکرده بولندم . جناب الله قلب شریف کنزی دریای علم و عرفان و روح پرفتوح کنزی عمان ایمان و ایقان ایتسون آمین . معلوم عارفانه لری اولدیغی کجی جنات خالق عظیمک ضعیف قولارینه احسان بیورمش اولدیغی نعم جلیله نک الهممی ایمان و ایقاندن عبارتدرکه نجات اخرویه به مدار اولمقله برابر نشاط قلبیه و آسایش دنیویه ایچون دخی بر عطیه الهیه در قالی علیه السلام (الایمان بالقدر بذهب الهم والحزن) شونی ده علاوه معروضات ایدم که ایمان لغه یالکنز اینانمقدن عبارت ایهده فضائل دنیویه و اخرویه بی جامع و کافل اولان ایمان عمل ایله مقارن اولان برایماندر حدیث شریفده (لا یقبل الله ایماناً بلا عمل و عملاً بلا ایمان) رزق الله تعالی وایا کم آمین . در سعادتده بولندیغم ائشاده مشهودم

اولان عنایت و مرحمت جلیله کزہ قارشو وجود مک هر ذره سنده موجود  
اولان حسن محبت و آرزوی موصلتی کشف و ایضاً ایچون سرائر معنویه  
عالیترینک کفایتی کور مکده اولدیغمدن بوباده کی اطناب و تطویل ایچون  
محل بوله میورم. یالکیز شو قدر سویار مک مجلس ملائک انیس روحانیلرنده  
بردها باصره کوروشمک، سامعه ایشتمک، زبان سویله مک شرفه  
نائل اولورسه قلبه جلا، روحه عدا، چانه ده بشقه بر ذوق و صفانک کله چکی  
شبه سزدر مولام احسان بیر رسون آمین والسلام علیکم ورحمة الله وبرکاته

### طقسان برنجی مکتوب

اقصای آمالم اولان سعاد و سلامت احوالکیزی مبشر و بقای  
التفات خالصانه اصدقانه لرینی مشعر بر قطعه احساننامه کزی آلوب  
مطالعہ سیله محظوظ اولدم جناب خالق عظیم و واهب رحیمه تشکر ایلدم.  
معلوم عالیلری اولدیغی کی سالت راه اولان ذات دائماً بر نقطه ده  
بولمز منزل بمنزل قطع مسافه ایتدکجه هر بر مقامه مخصوص بولنان اطوار  
احوالی مشاهده ایدر و بو کی احوالک نیک و بدنی تمیز و تفریق ایچون  
اولا مرشد و ثانیاً شرع شریفه مراجعت ایلر شریعت نقطه نظرنده  
مردود اولیان احواله مقبول نظریه باقیلیر بناء علیه اشعار بیورمش  
اولدیغکیز کیفیت حمد اولسون شائبه غائله دن آزاده در. موجب تشکر در.  
مع مافیه مادامک فضیلتو خواجه یکتا افندی برادر منزه ده کوروشمک  
قولایچه در بعضاً مصاحبه بیوریکز چونکه اوزاتک تجربه لرینه علاوه  
اولق اوزره قوه علمیه لریده مکملدر انشاء الله تعالی فائده دن خالی اولمز  
جناب الله جملة کزی مکائد شیطانیه دن محافظه بیورسون آمین.

### طقسان ایکنجی مکتوب

بو مکتوبکیز پک طباتلی ایدی پک تحف ایدی بلکده تحف  
ایدی. و قتم مساعد اولدینی حالده برایکی سطرک تقدیمه مجبور اولدم  
شویله که حالکیزی هیچ بکنمیوب باشند قره خواجه افندیکن زیارته  
کیتدی ککیز بر کون مأمولک خلافتده بر التفاته، بر تحسینه نائلیتکیز  
داعی حیرت اولدینی یازمش ایدی کز اوت؛ بو کی احوالی برنجی  
دفعه مشاهده ایلین ذات فوق العاده بر حیرته، بر حجاب، بر اضطرابه  
دوچار اولیور سببی ده اصلاً کشف و مشاهده ایده میور ایشته سزه  
توجه ایدن شوحالی تصویر و تقدیر ایدنجه فوق العاده سویندم؛ کولدم  
وخیر دعاده بولندم چونکه حق جل و علا حضر تارینک اولایمان  
ثانیاً عقل عرفان ثالثاً اجزای بدنی و قوای معنویه کی قیمتی تقدیر مرکز  
فوقنده بولنان نعم جلیله ربانیه سنک ادای فریضه تشکریدن عاجز همه  
مقصر اولان بر انسان کنیدیسنی غایت مجرم، غایت کنه کار، غایت  
شرمسار کورمدکجه آفرین قرانه من، مقبول بارگاه. وحدانیت اوله من  
بتون موجودیتنک و دیعة الله اولدیغنی یلمدکجه واجب الوجود حضر تارینی  
توحید ایده من. شرک اصغر دن نجات بوله من (وجودک ذنب لایقاس  
یه ذنب آخر) بیورلشدرد. حضرت الله ذاتکزه ایمان حقیقی توحید  
حقیقی احسان بیورسون، صورت ایماندن بتون بتون خلاص ایلسون  
آمین.

### طقسان اوچنجی مکتوب

عریضه متقدمه فقیرانه مدده صرف ایتمش اولدیغم تنزلاً کله سینه

ذهنكزك ايلششمس وتوجيهي ايجون خيلي مشكلاته دوششمس اولديغي اظهار بيورمش ايديكز . لطفكز وار اولسون . معلوم عالياري اولديغي كي داعيلر يكزك كرك اشنای تقريرده و كركسه زمان تحر رده بالمله صرف ايتديكم كلات مهمما امكن دقت ايدر وبر حقيقتة توافق ايجون صوك درجه رعایت ايلرم . وتنزلاً كلهسه كلنجه : داعيكز كائناتك وبله ذراتك هر هانكي بريله كنديمي موازنه و تطبيق ايدبيور ايسه . لدى التحقيق او شيك مادوننده قاليورم بيكناه اولان مور ضعيفه بيله كنديمي ترجيح ايدميورم لكن جناب حق اخوان كرامتي مستفيد ايتك ايجون فقير يكزي بيوك كوستريور . بوايسه كندي بيله چكيدر . الحمد لله على ذالك عاشقاري متأثر ايتك اوزره كافه معارفدن خالي اولان (ني) ده دخي بر چوق برده لر ، نغمه لر ، كوزل ضدالر خلق ايدبيوز . وهو على كل شي قدير . مولا م عاقبت و انجام كارمزي خير ايتسون هر نفسده جناب حقه محتاج اولان نفسمزي كندمزه بيوك كوسترمسون آمين ) قاله عليه السلام ( اللهم اجعاني في عيني صغيراً وفي عين الناس كبيراً ) باقي السلام عليكم ورحمة الله تعالى وبركاته

### طقسان دردنجي مکتوب

تسايات افقرانه مي تحفه مجلس شريف وتحيات احقرانه مي هديه موقف مينفكز ايتد كنصكره افاده اولنوركه : تسريرفؤاد مفخرته سزا وتنوبر نهاد محدته بحق بجا اولان نامه دلکشانه كنز داعي بي رياكزه واصل اوله رقي فحوای كرانها سندن حاصل ايتديكم حس شكرانه مقابل دعای واجب الادا كزي تقديم بارگاه كبريا ايلدم . سناحه سينده ديكمش وزلال اخلاص ايله اسقا بيورمش اولديغكز شجره

محببتكزك ثمره سعادته نائل بيوريله جفكز آشكار ایدی . پيشواي اولياي احمدی و مقتداي اصفياي محمدی اولان بهاءالدين نقشبندي حضرت تلرينك انقاس مطهره سنه مظهر وشاهراه حقيقت ايجون عطيه الهيه اولان مطيه نفس اوزرينه غالب ومظفر اولما كزي هادي اكبر حضرت تلرندن استرحام ايلرم . عذاب اخرويه دن مقدمات نجاتي احسان بيورنن جناب الله مقاصد معظمه فوز و فلاحه لازم اولان كال استقامتي دخي سهل و آسان بيورسون آمين . تطويل مقال ايله ذات با كال كزي تصديع ايتماك فقير يكز ايجون بر وظيفه اهم اولديغي حالده كاه كاه ظهورات سعادت علاماتكزك تبشيره تلطيف وتسرير بيوريله جغمي استرحام ايدر و اندنصكره ارتق ايتري ايتسه من ختم كلام ايلرم باقي جناب حقه امانت .

### طقسان بشنجي مکتوب

۱۱۳۳ نيسان ۳۲۱ تاريخلريله تحرير بيورلمش اولان عنايتنامه لر نور كي قلب درويشانه مني مسرور ايلدي . فضلتلو خواجه يكتا افندي برادر منك انضمام رأييله بلغورلي قريه سنه نقل خانه بيورلمش اولديغي معلوم فقيرانه م اولدي . «وهو معكم ايما كنتم» آيت جليله سي معلوم عاليكزدر . محبت فقرا ياور و رابطه شريفه برابر اولديغي حالده معيت معنويه مظهر اوله بيله جككز طبعيدر . مع مافيه زمان ومكانك وبله كده ما كولات ومشروباتك جياتندن جسم وجانه عائد اوله جقي رقياتي مجدد الف ثاني جناب امام رباني حضرت تلري دخي قبول وتصديق بيورمشلردر . حق تعالى حضرت تلري خانه وجوديكزي انوار مراقبات



ایله پر نور ولانه قلبکزی سلطان اذ کارک وجودیله مسرور بیورسون  
آمین . داعیکز حصه وظیفه مه عائد اولان ادعیه خیریه کزی ایفایه  
غیرت ایتمکده قصور ایتیم چونکه رجال طریقتک قدما سندن واولیای  
گرام ایله الفت ایدنلرک ظرفاسندن اولدینگیز معلوم فقیرانه اولمشدر  
جناب الله دعای ناچیرانه مزى قبوله شایان و بوضورتله ده قلب مهجورانه  
مزى شادان و خندان بیورسون آمین و صلی الله علی سیدنا محمد و آله  
و صحبه اجمعین .

### طقسان آلتنجی مکتوب

بوندن برسنه مقدم مشاهده بیورمش اولدینگیز رؤیای صادقانه ک  
سابقه سیله طریقه علیه نقشبندییه شرف اتسا بکزی مشعر و شمدیکی  
حالده صلات و سلام ایله ذکر نفسه مأمور بولدیغکزی مبشر ساء  
نیسان سنه ۳۳۱ تاریخلی برقطعه الفتانامیه نائل اولدم جناب حقه  
احسان بیورمش اولدینی اخلاص و محبتکزی عادتاً تجسم ایتیم کبی  
تلقى ایلدم . بدرعایکزه تشکرده بولدم زیرا « وحسن نبات الارض  
من کرم البذر » بیورمشدر حق تعالی حضرتلری ذاتکزی کبی براصل  
وفرعی اصول و فروع دین ایله فیضیاب وایکی جهاندده موفق و کامیاب  
ایلسون آمین .

حافظ مصطفی افندی وذهنی افندی برادرلرمزدن بیان ممنونیت  
بیورمش ایدی اوت بونلرده اولان اخلاص و محبته فقیر کزدخی غبطه  
ایدیورم . بونلرده اولان قوه جاذبه به خیرت ایدیورم بونلرک دروغ  
مصلحت آمیزینه تعجب ایدیورم فقیرکزه اسناد ایتدکلی مناقبدن کلیاً

محروم اولدینگیز حالده فائده سنی دخی حس ایدیورم . مولام حضرتلری  
بونلری اخلاص و محبتلری نسبتنده بزمه و سزکله برابر معبر بیورسون .  
نفس اماره به زبون ، حیلله و دسایسه مغبون اولان غافلاندن  
ایتمسون فقیر کز بونلرک جماعتندن محروم ایسه مده حمد اولسون التفاتلرینه  
مشمول (اول رفیق ثم الطريق) بیورمش اولدینی کبی ذات عالیکزی بو  
کبی ذاتلرک و باخصوص فضیلتو خواجه یکتا افندی برادر مرک صحبت  
و محبتنه دلالت و ترغیب ایدر . وحق فقیرانه مده کی تمائل قلبیه نک دوام  
و بقاسنی استرحام ایله رک ختم کفتار ایلرم والسلام علیکم ورحمة الله  
وبرکاته .

### طقسان یدنجی مکتوب

۱۱ ایلول ۳۳۱ تاریخلو احساننامه مخالفت علامه عالیلری واصل  
آیادی بهجت اوله رق لسان شادمانی ایله قرائت ایدلدی دعوات خیریه  
موفقیتلری تلاوت و تکرار اولندی حق تعالی حضرتلری طریقه علیه به  
مشهود اولان هم و همتکزی عالی و متعاقب اولان واردات و فیوضاتکزی  
متتابع و متوالی بیورسون آمین . سوره شریفه حدیده محسوس  
فقیرانه اولان دقائق و غوامضک تفسیر و ایضاحی اراده بیورمشدی کز  
فقیر کز برکون تفسیر شریف مطالعه ایدر کن او سوره مبارکده  
مصادف اولدم جناب حقه لایعد و لایحصى اولان نعمتلری مشاهده  
ایتد کدنصکرده کز و عبادتنده بطائت کوستر مک نه قدر بیوک بروجدان سز  
لق اولدینگیز مؤدی اولان «المیان» الی اخره و مزخرفات دنیویه نک عادتاً  
بر او یونجاق مثابه سنده اولدینگیز اعلام ایدن «اعلموا انما الحیوة الدنیا  
لعب و لهو الی آخره» و درجات اخرویه به نائل اولق ایچون عبادتک

لرومنی ارأه ایلین « سابقوالی مغفرة الخ » وهر بر خصوص ده جناب  
حقه متوجه اوله جغمزی لازم کوسترن « ما صاب من مصیبه الی آخره »  
کبی بر جوق آیات حکمیه مصادف اولنجه هیچ کور مامش واستماع  
ایتمامش کبی متلذذ اولدم و بولدتدن ذات عالیکنزک دخی لدی المظالعه  
حصه مند اولسنی آرزو ایلدم آیات کریمه نک علم الله تعالی ده عقول بشرک  
خارجنده بولنان بر جوق معناسی و ارایسه ده معلوم فقیرانه ماولان قسمی  
ذات عالیلرینک دخی معلومیدر. بناء علیه زیاده تصدیعه لزوم کور مدم  
انشاء الله تعالی مطالعه بیوریر و مندرجات باهره الفیوضات. فرقانیه لرندن  
مستفیض اولورسکز و من الله تعالی التوفیق .

### طقسان سکزنجی مکتوب

۹۱ مایس سنه ۳۳۱ تاریخلی التفاتنامه کز واصل اولدی متأثر  
بر قلب، متألم بر خاطر ایله یازلمش اولان اونامه مودت غلامه می تماشا  
ایدن کوز، قرائت ایلین لسان فقیرانمی توصیف ایتک ایستورم. لکن  
بری دریاه دوشان و دیگری مقام اقتداردن دوشان ایکی پریشانندن  
نشان و یرمک ایچون برعارف عالیشان و برکاتب بلاغت افشان لازمدر  
داعیکز کبی خادم درویشانک اقتدارندن خارجدر. زیارت فاضلانله لرله  
شرقیاب اولان بخلیل افندی نک صورت ملاقات و محبتنی اوقود قجه  
واو مجلس ملائک انیسک علویت شانی دوشوندکجه وجود فقیرانه مه  
توجه ایدن اندوه فرقت و آرزوی وصاتی بوجه ایله تعریف ایده م  
حق جل و علا حضرتلری اوخلیل صادق احسان ایدن شرف دیداری  
بو علیل و امقه ده احسان بیورسون. ایدیلان ادعیه خیریه بی بارکاه

اجابتنده شایان قبول ایلسون آمین . انشاء الله تعالی برقاچ کونه قدر  
مومی الیه خلیل افندی بورایه کلوب جمال جانانی کورن کوزلرینک  
مشاهده سیله تنویر عیون ایلرز . بوکون زیارت اخوان پک زیاده  
اولدیغندن شو ورقپارده می اوچ درت فاصله ایله تحریر ایتمش اولدیغم  
کبی علی داعیکز دخی تقدیم غریضه ایچون اصلاً وقت بوله مامشدر  
الریکز ی اوپیور استغای قصور ایدیور لطفاً عفویوریکز عفوقصور  
خصوصنده توقف ایتیه یکز ( الجزا من جنس العمل ) قضیه سی معلوم  
عالیلریدر . عبادات و طاعات ایچون مساعد زمانلرک کمال غفلت ایله  
کچمش اولدینی داخل حساب اولورایسه واقع اولان قصورلرک عفوی  
ایچون بر زمین مساعد احضار ایتمش اولورسکز . باقی وفقکم الله  
تعالی آمین . والسلام علیکم .

### طقسان طقوزنجی مکتوب

اخلاص مجسمه و محبت معظمه اطلاقنه سزا اولان ۱۵ آغستوس  
۳۳۱ تاریخلو التفاتنامه کز بو دفعه دخی مشتاق و صالکیزی دلشاد  
ایلدی اخلاص و محبت کامله نک معناسنی تمامیه بزله بیلدیورسکز  
لکن نه چاره که اختیار اولدم عمل مانده اولدم حضرت پیرک دنیاده  
بولدینی وقت بدن موجود اولدینی برزمانده اخلاصکز کبی براخلاصه  
مالک اولسیدم دودیکی چالمش اولوردم شمدی زمان سزکدر فرصت  
سزکدر بوکبی براعتقاد ایله طاشه متوجه اولسه کز عظیم بر فیوضاته  
نائل اولورسکز . تبریک ایلرم حق تعالی حضرتلری بو عاجز قولنی  
تقلید صورتند بر اقسون صحیح بر محبته مالک بیورسون اختیارلق

زماننك يالكيز برحالي سويورم اوده بوندن عبارتدر اكثر اوقات  
خاطره كليوركه وقت بتدي رحلت زمانى تقرب ايتدى . شمدى به  
دكين دنيا ايچون چالشيدك بلسكه معقول ايدى لكن بوندن صكره  
نداوله جقسك كنيج مى اوله جقسك . هشيار اولملى (ارجى) امر جليل  
الهي ايجانجه واقع اولان دعوت حقك اجابى ايچون مهيا اولمليست .  
ايشته بوكي شيارى دوشونديكه نفس مدافعه دن اظهار عجز ايدىيور  
ومعقول بر جواب بوله ميور جناب حق جمله منى موفق بيورسون  
غفلته بر اقسون آمين .

### يوزنجى مکتوب

بو پوسته ايله اولان تحريرات بهيه كزى دخى آلوب مطالعه سنى  
سرمایه مسار ايلدم وار اوله سز بر خوردار اوله سز، برطاقم اخوان  
ايله واقع اولان ملاقات ومحببتكز موجب محظوظيت اولدى جمله كز  
ايچون خير دعا اولدى جناب حق شايان قبول بيورسون آمين .  
سماحتلو افندي حضرتلرينك سلام وبقاى التفاتندن فوق العاده ممنون  
اولدم (من تواضع فقد رفعه الله) حديث شريفنه مظهر اولسونار .  
كنديكزى مشاراليه حضرتلرينك حضورنده كورديككز حالده جمله  
ايچون احسان الهى اولان وجذبه ذائبولان رؤيا كز جاى تشكر در  
قال النبي عليه السلام ( جذبة من جذبات الرحمن توازى عمل الثقلين )  
مشاراليه حضرتلرينك سايه سنده سز دخى بو شرفه نائل اولمشكز  
الحمد لله على ذلك معلوم ايلكيز اولديكى كى اكابر دينك منتهى آرزولرى  
جناب حقه تقربدن عبارتدر . كما قال تبارك وتعالى فى حديثه القدس

( لا يزال عبدى يتقرب الى بالنوافل الى آخره ) لكن عبدك كندى  
عبادتى ايله واقع اولان قربيت ومشى وحركتى جناب قوه المتين حضرتلرينك  
جرو جذبه نسبة . برقرارنجيك رفتاريله بر شمندوفرك قطع منازلنده كى  
فرقندن دهها زياده در مشاراليه حضرتلرينك قلب انورلرنده موجود  
اولان كمال استعدادى سزك بو معنا كز لايقيه كشف وايضاح ايدىيور .  
جناب الله بز فقيرلرى دخى نظر التفاتلرنندن محروم بيورسون عرض  
خلوصى كنديلرينه تقديم ايديكز داماد عاليارينه وسائر اخوانه كذا  
والسلام عليكم .

### يوز برنجى مکتوب

درجه استحقاقك فوقنده ابراز بيورلمش اولان محويت وكال  
رحم وشفقتى ناطق بر قطعه التفاتنامه كرى آلوب مطالعه سيله دعوات  
خيريه كزى بخلوص البال ايصال قبولكاه رب متعال ايلدم .  
بودرجه محويت هر نه قدر علم وعرفانكزله متناسب ايسهده فقير كز  
دنياهه و آخرته ذات مكارم صفاتكزله افتخار ايدرسه م زوادر .  
جناب حق بو عبد مجرمى شفاعتكزه مظهر بيورسون آمين . بيان  
بيوريان حقايق معلوم فقيرانه اولدى . طرف داعيانه مزدن ظهور  
ايدن (صبر ايديكز) جمله سى (من صبر ظفر) حديث شريفيله موافق  
اولمشدر (الحق يعمر) فحواسنجه انشاء الله تعالى نفس وشيطانك مكائدى  
هپ ضعيف دوشر حق غالب اولور . عليه الصلاة والسلام افنديز  
حامل الاذا ايمش وارث اولانلردخى اويله اوله جقدرد . انفاس قدسيه  
عزيزانندن مأمول ايددمكه ذات عاليكزه يار وهر بر حال وكار كرده مددكار

اولسونلر . جناب حق فيضكزى مزداد وقلبكزى شاد بيورسون .  
 اخوان كرامتك ترقيلهينه مدار ايلسون آمين . انشاء الله تعالى صبر  
 سايه سنده هر برمشكل حل اولور . شمدليك كندم ايچون براسترحام  
 ايتك ايسته يورم شويله كه برماه اوليور جناب حقندن اولا كنديمه ثانياً  
 اخوان كرامه كمال ايماني رجا ايدييورم . بناء عليه دعوات خيريه كزه  
 محتاجم بلكه اوسايله موفق اولورم چونكه بعض علاماته باقنجه كمال  
 ايمانه اشد احتياج ايله محتاج اولديغى آكلايورم لطفاً ملاقي اولديغكز  
 اخوانه بيان كيفيت ايديكز غفلت بيورماسونلر . رابطه ده بيله بو  
 مقصدي هر بر مقصدلرينه تقديم و ترجيح ايتسونلر ذات عاليكز دخي توجه  
 بيورركن كمال ايماني القايه غيرت بيوريكز حمد اولسونكه جناب الله  
 بونقصانمزي بيلديردى جهل مريكمه براقادى ( ذلك فضل الله يؤتيه  
 من يشاء ) مكتوب عاليكزى سراپا اوچ درت دفعه او قودم هيسچ  
 فقره سنى جوابسز برافنام عند التامل معلوم فاضلانلرى اوله جقدر .

### يوز ايكنجى مکتوب

ه نيسان ۳۲۰ تاريخيله سيواسدن يازلمش اولان احساننامه كز  
 واصل اولدى . فوق العاده محظوظ اولدم . الهى محظوظ وهر بر كدر  
 و آمدن محظوظ اوله سز مرحوم پدرك مقامنه تعين بيورلدغيكزى يازلمش  
 ايديكز . مفارقتكزدن محزون اولدم ايسه ده ينه جناب حقه تشكرده  
 بولمقدن بشقه چاره مزيوقدر . چله تمامشن انشاء الله تعالى مدتي بيترده  
 سزك وسزك كبي عاشق صادقك لقاسيله تشريف اولنور . رابطه ايله  
 شمدليك اكتفا ايلين ( وكونوا مع الصادقين ) آيت جليله سى او معنائى

مشعردر . حرارت فضله اولور سه صلاوة وسلامه دوام بيوريكز در سعادته كي  
 اخوان كرامدن مشاهده ايتديكز لطف و شفقت و بوداعيلرى حقنده  
 فرط مرحمتلى بيان بيوريليور ايدى جناب حقه شكر . اوت بويجه  
 كلنجه : لسان قال و قلم كوتاه در . اربيله ايكن بيكمه برندن دهانقصانى  
 عرض ايتمش ايدم . لकिन بودخى معلومدر كه انواع كالات ايله آراسته  
 و انجاء مزيات ايله پيراسته اولان بر قومى علم و عرفان ايله جلب ايلك  
 قابل اوله ماز . آنحق بوذاترك فقير كز حقنده كي حسيات شفقتكارانه لرى  
 داعيكزك عجز و بيچاره لكندن منبعثدر . دنيا ده كنمندن بر عاجز  
 و بريچاره كوره ميورم ، بيله ميورم . ذاتكز دده شو حقيقى تصديق ايدر سكر  
 شوقدر وار كه حضرات نقشبنديه به موجود اولان بنده كيت سايه سلنده  
 بر جوق ذوات كرامك حسن توجهنه مظهر اوليورز . حضرت الله  
 اوسايله آخرتمزى دخي سهل و آسان بيورسون آمين .

مواصلتن محروميت اولديسه ده كاه كاه مراسله ايله تلطيف بيورمكزى  
 بالخاصه رجا و شمدليك شوقدر معروضات ايله اكتفا ايلرم . على و محمد  
 داعيكز ايله خلفا و مریدانك بر طاقى يعنى ذاتكزى بيلنلرى مخصوص  
 سلام ايدر لر افندم .

### يوز اوچنجى مکتوب

ادهم افندى برادر مذك خانه سنده او طور وب يازديغكز التفاتنامه يي  
 او قودم درگاه شريفده نائل اولديغكز روحانيتك بر مثلنه او كيجه نائل  
 اولديغكزه و داعيكزك كويا و مجلسده حاضر بولنديغم حقنده كي حسن  
 ظنكزه خيل محظوظ اولدمسه ده بر جوق دخي محجوب اولدم . آه  
 عجب بويله مى ؟ صد آه آيا جناب حق بو عبد عاجزى عفو مفرته شايدان

ایدرمی ؟ اما نه دن ؟ چونکه عادتاً براوتل ایله فرقی اولمیان مسافر خانه دیناده کی اقامتی دوشونان و « انا الله وانا الیه راجعون » جمله سنی حقیله تأمل و تفکر ایلمن بر عبد عاقل، بر عاقل کامل شبهه سز هم و همتی، او امانسز، او چاره سز اولان مقام دهشت و او خوابگاه وحشت و وحدت ایچون صرف ایله دنیانک سریع الزوال اولان جاه و مالتی نتیجه آمال ایلمن مع مافیة بزیته « انا الله وانا الیه راجعون » سویلرز یالکیز لساناً اولسون سویلرز و تمامنه نائل اولمق ایچون جناب حقّه تضرع ایلرز و من الله تعالی القبول .

### یوز دردنجی مکتوب

عائله نك، غائله نك كثر تندن، نفس طارلفندن واقع اولان شكایت كزه يك نمون اولدم . بیوك مصیبت اودر كه انسان بو كثر تك مضرتی بیلمسون مرضی تشخیص ایتمسون او حالده چاره اولدمز . علاج بولنه مز، حکیمه مراجعت اولنه مز . حفظنا الله تعالی وایا کم آمین . فقیر كزه قالدورسه ذات معارف صفات كز نائل اولدیغی كز ادراك واذعان سایه سنده مكائد شیطان قایلرز و نفس اماره یه تمامیله مغلوب اولمزر سكرز . کیجه قارا كاشنده اولسون راه سلامت و سعادت بولوب تعقیب ایدر سكرز . شیطانی اغفال نفس اماره یی اقتاع ایدر سكرز یقینی قور تاردر سكرز كندیكزی مسئولیت اخرویه دن مهمامكن خلاص ایدر سكرز . مولام معینكز اولسون، مشایخ دست گیر كز اولسون رابطه دلیلكز اولسون، ذكر خفی رفیق شفیعكز اولسون آمین . التفاتنامه كزی كورنجه واسکی مراحكز كیفاسنی مشاهده ایدمجه یكی دعا لریمی لسان شكران ایله تکرار و كمال اخلاص ایله تقدیم بارگاه جناب پروردگار ایلدم والسلام علیكم .

### یوز بشنجی مکتوب

كاغد، قلم و مرکب کی آلات و ادوات کنایتی منتظماً ارسال بیوردیكز لکن کتابت خصوصنده کی نقصان لریمی ا کمال ایچون نه یابه . بیلیر سكرز ؟ بوبابده ذاتكز کی برکاتب شرین زبان ودها طوغریسی برمنشی معجز بیان لازمکه اوجهی ده تأمین بیورسون علوم و فنونك تحصیلنه مساعد بر زمان بولنان اوائل عمرمی تنزه و اختلاط و استماع ترنم و نشیئات ایله تار و مار و خیول نجییه درکار اولان فرط محبتی یکه میوب هر کون براسب سبک رفتار و اوله رق دشت و گلزاره کشت و کذار ایله امرار ایلدم . قرائت، کتابت، عبادت کی مقاصد معظمه دن همان همان بتون بتون محروم اولمق درجه سنه کلدیم . جناب حقّه حمد اولسون که بر زمان او یاندم وزمین تضرعده حضرت پیرك درگاه مبحثه طیاندم و محضاً اوسایه ده یعنی بلا محاهده مقاصد مذکورده نك بهرندن آنجق بر نبنده جگنه و بسکه ده اقل قلیله نائل اولدم حق تعالی حضرتلری ضایعاً تمزی یالکیز بوندن عبارت بیورسون . تحصیل رضای باری ونعم جلیله پروردکاری یه صرفی لارمکن بقیة عمر منی آرزوی نفسانییه تابع بیورسون و جمله منی « من رضی عن الله رضی الله عنه » حدیث شریفه مظهر اولان فرقة ناجیه یه الحاق ایلدون آمین .

### یوز آلتنجی مکتوب

۱۱ تمور ۳۴۰ تاریخچه اولان التفاتنامه كز واصل اوله رق صوك درجه محظوظیت فقیرانه می موجب اولدی . هله آنا وودك دكر حقنده کی فکر و مطالعه سنی و چاپر کی اولسه بیله امنیت ایدمیه جگنی نفسه

تشبیه ایدوب کوزهل کوزهل بیان بیوردیغکزی کورونجه فوق العاده مسرور اولوب خیلی کولدم بوکی طلوعاتکزه مقابل جناب حقه تشکر ایلدم انشاءالله تعالی (من عرف نفسه فقد عرف به) سرینه مظهر اولورسکز. واقعا نفسک حیلہ و دسائسه نهایت یوقدر عبادت یولنده انسانی اولادینی نمکندر. حق تعالی حضرت تری جمله منی محافظه بیورسون. فقیر کزده کندیسندن قورقورم «و ما ابری نفسی» سولیورم هله اوال اولک، دعا طلب اولمق، برچوقاری انتساب ایلک نه قدر مخاطره لی در بونارک برزده منی کندیمه عطف ایدرسم هلاکه کیده حکم شبهه سزدر. لکن حیاتم هر بر قسم کندیمک اولدینی و کافه افعال واقوالیه برابر امانت من عندالله اولدینی دائماً کندیسنه افهامدن غافل بولمورم مولام موفق ایلسون آمین.

یوز یدنجی مکتوب

۲۸ شباط ۳۲۲ تاریخیه تلطف بیوردیغم التفاتنامه کزی کمال شوق و نشاط ایله آلوب حق تعالی حضرت لرینه عرض شکران ایلدم چونکه حق فقیرانه مده رایگان بیوریلان آثار التفاتکز وسیله مباهات و نائل اولمده اولدیغم دعوات بربرکاتکز بر نعمت تمتع المكافات قبیلندن بولدینی بدیهیدر. جناب الله قلبکزی معدن انوار و سری کزی مخزن اسرار ایلسون محبت ماسوا سبیلہ دوچار ا کدار ایتمسون آمین. بحسب الوظیفه مشاغل رسمیه دنیا و غوائل کثیره ماسودن واقع اولان شکایتکز معلوم فقیرانم اولدی. اشبو دارفانک بحیره محیطنده هر کون بر صورتله تجسم و هر ساعت بر سر غله تهاجم ایدن امواج مدهشه دن استخلاص

ایچون دامن خواصه صارلمق و جناح مستوجب الفلاح عن یزانه ضعف مقدر بشقه بر چاره اوله میه جنی معلوم عامر فانه لریدر (ظاهری باخلق باطنی باحق) حضرات نقشبندیہ قدس الله تعالی اسرارهم العلیه اقتدیلر منک توجهلر بدره انشاءالله تعالی قریباً مشاهد سبیلہ محظوظ اولورسکز یالکز رابطه و مراقبه به کریمت و یرملیسکز. غوث الصمدانی عبدالقادر الجیلانی قدس سره (یقدر مالتشتریکم ابیع) بیورمشلردر. فهم من فهم سر چاوشکزک طریقت علیه مزه انتسابیه نشته یاب اولدم. الهمی فیضیاب اولسون. قال النبی المکرم صلی الله علیه وسلم (ما من شیء احب الی الله من شاب تائب) هنیا له تبریک و تسلمات فقیرانه می کندیلرینه تبلیغ بیوریکز. ذکری موقتاً تعطیل و یالکز رابطه و صلا و سلام ایله اکتفا ایلمسنی دخی توصیه ایلرم جناب الله امثال لرینی تکثیر و اسباب ارشاد و توفیق کزی تیسیر بیورسون آمین بحرمة طه و یس و السلام علیکم ورحمة الله و بركاته.

یوزسکزنجی مکتوب

فقیر حقیر ایچون بادی سربلندی و داعی پر تقصیریکز ایچون سرمایه سعادتندی اولان بر قطعه عنایتنامه کزی آلوب شرف مطالعه سبیلہ خوشحال اولدم السهی خوشحال اوله سز. نائل اقصای درجات کمال اوله سز. ذاتاً اخلاق حیلہ نک اعلا سنه نائل و اوصاف حمیده بر کزیده نک بالاسنه واصل و حقیقه برذات نادرالامثالدن بولدینکزه آثار نادره شعار کز دلائل جلی و برهان لازم التسلی ایدی. بودفعه دخی استعداد ازلی یاور و امداد لم یزلی برابر اولدینی حلاله نور علی نور قبیلندن

اوله رق طریقت علیہ بہائیہ ایله تنویر عیون روحانیت و تقریر جفون جسمانیت بابتہ کی تشبث و اتساب عالی جنابانہ لری بشقہ جہدہ بادی بہجت و شادمان اولشد. تشبثاتکیزی تبریک و تشکراتمی تقدیم ایله افتخار ایدرسم بجا در. چونکہ قال النبی صلی اللہ علیہ وسلم (المؤمن للمؤمن کالبنین یشد بعضهم بعضاً) جناب اللہ شجرہ طریقتکیزی ثمرہ حقیقتہ بہرہ دیاب و سرمایہ غیرتکیزی. فائدہ سعادت و سلامتہ کامل النصاب بیورسون آمین طریقتہ علیہ مزک ارکائی کلیلہ یکتا افندی طرفدن افادہ و بیان بیورلدیغنه امنیم برکال بولوندیغندن بوبادہ تطویل مقالہ لزوم کوریم یالکیز کنزالعرفان کتاب مستطابندہ بولان احادیث شریفہ دن و باخصوص ذکرہ دائر بولانلردن اقتطاف اثمارکیزی انتظار ایدر و بقای عافیتکیزی جناب حقندن استرحام ایلرم.

### یوز طقوزنجی مکتوب

زہنی افندی برادرمنزلہ برابر قوناقده تحریر بیورمش اولدیغکیز تحریراتک مطالعہ سندن فوق العادہ محظوظ اولدم حق تعالیٰ حضرتلری طریقت علیہ اولان رغبتکیزی و آنک ثمرہ حسنہ سی اولان فیض و برکتکیزی مزداد بیورسون آمین. امام علی کرم اللہ وجہہ افندیمن حضرتلری بیورمشلردر. دنیادہ جمع مالہ حصر افکارایدوب ثروت سامانہ مالک اولانلر حیادہ ایکن اموات قیبلندندر. حیات ابدیہ نائل اولان آنجق مغارف الیہ و ازکار باطنیہ مالک اولان برکسمہ در فی الواقع برائسان حقیلہ مطالعہ ایدرسہ فردایہ قدر بقاسی معلوم اولمیان بر موجود ایچون ابدی بردولتی فدا ایتمز کذلک ہم و ہمتک معظمی مالک علی الاطلاق اولان خالق عظیمک تحصیل رضاسی یولنہ صرف ایلر. وفقنا اللہ تعالیٰ وایا کم آمین.

کالی محبت و اخلاصکیزہ بر دلیل جلی اولان لطفنامہ لریکیز ہر ہفتہ یوستہ سیلہ منتظماً وارد اولمقدہ اولدینی کی بوہفتہ دخی بر قطعہ سنہ نائل اولدم ملاقات ایچون اظہار بیوریلان آرزو و اشتیاقہ اشتراک ایلدم. حق تعالیٰ حضرتلری شو جدی اولان آرزولرہ مرحمت ایدوب نعمت مواصلتی احسان بیورسون آمین فی الواقع رابطہ بردرجیہ قدر مدار تسلیت و مستلزم فیض و برکت اولور ولکن مواصلتہ موجود اولان فائدہ یالکیز روحانیتہ مخصوص اولیوب جسمانیتہ دخی شامل بولندینی طبعیدر مولام مقصودکیزی حاصل مطلوبکیزہ واصل بیورسون. الحاصل فقیرکیز لطفکیزک منون و شرمندہ سی اولدینم کی تکاسلہ میدان ویرمیان بردعای جسم و بقای التفاتکیزک تمنا تیله ختم معروضات ایلرم والسلام.

### یوز اوننجی مکتوب

عریضہ فقیرانہ مدر؛

اصحاب عرفان ایچندن مشار بالنبان اولمغہ شایان اولان بر فاضل عالیشانہ قارشو ہم کی بر خادم درویشان طرفندن بیان مطالعہ خطا اولسیدی مصرأ عرض و افادہ ایدہ بیلیردمکہ دنیادہ الکیبوک موفقیق بر مشفق مہربانہ بر مہربان صاحب اللطف و الاحسانہ مالک اولمقدن عبارتدر. ہر پوستہ ایله منتظماً واصل دست افتخار اولان مراحم نامہ لریکیز اوکی بر موفقیقیمی تأمین ایتمکدہ اولدیغندن ایفای وجیہ شکران ایچون بحق عبارتہ بولہ میورم واقع اولان تقصیراتی ستر ایتمکہ واسع اولان دامن عاطفتکیزہ التجا ایدیورم چونکہ بر حسنہ یہ عشر امثال ایله

مقابله لازم ایکن بر عشرينه بيله موفق اوله ميورم. مع مافيه باره عايليرنده كي عطيه ايليه وموهبه سبجانيه نك بخش ايتمش اولديني علم وعرفان سايه سنده خانه توحيد اولان لانه قلبكزي محبت ماسوادرن تطهير وانوار از كار ايله تنوير بيورمقدمه اولديغكزي احساس ايتكمده وبويوزدن حصوله كان تسليت ومحظوظيت عظيمه يه مقابل حق جل وعلى حضرت تيرينه عرض شكران ايلكمده يم الهى موفق اوله سز در سعادت كى بر منبع معارف وارن كوى كى بر معدن لطائف خلق ايدن خلاق عظيم بلابل اشتياقزى كاستان مجالس رسنباستان محافل كز دن محروم بيورمسون. رسل ورسائله دركار اولان اشد افتقارمى بتون بتون زائل بيورسون محض عاطفت محض لطف وشفتت يوزندن داعيكز كى بر بيجاره وفقر كز كى بر آواره يه ارزان بيوريان احسانامه كز شه سز عندالله تعالى عظيم بر مكافاته نائل اوله جقدر قال النبي المكرم صلى الله عليه وسلم (من تواضع لله فقد رفعه الله) چونكه دنيا ده ديكري اولميان بر درويشه نزل ايدوب الثفات ايلك عين تواضع اولديني بد ميدير. معلوم عايلري بولنديني كى عباداللهك محروميته سبب اولان مناهينك بزي ويا خود برنجيسى وجود واناي تدر قال عليه السلام (وجودك ذنب لا يقاس به ذنب آخر) بناء عليه اميد ايدرمكه جناب الله ذات عارفانه كزي متواضع اولان سو كيلىر دفترينه ادخال وقلب شريفكزي ذكر الله شوق الله ايله مالا مال ايدوب ميل ومحبت ماسوادرن بتون بتون فارغ البال بيورسون دعوات خيريه وتلطيفات بهيه كز دن بزيجاره لري دخى محروم بيورمسون آمين.

يوزاون برنجيى مکتوب

منطوق منور، مفهومی معبر، معنای معطر، مناسبی موقراولان

برقطعه التفاتنامه كزي آلام كمال استعجال ايله او قودم. او قود قجه نشئه ياب اولدم. صانكه خزينه سعادتى بولدم، كنجينه عافيتى يقلا دم جانم عزت، روحه صفوت قيلدم (چه مبارك سحرى بود چه فرخنده شى: آن شب قدر كه آن نازه بر اتم دادند) قلمكز واراولسون، مشكبار اولسون عنبر نثار اولسون آمين. مولا (ناشكر معروف يقابل النعمة) دن عبارت ايسه كنجينه عاطفت عليه لرنده شرفباش اولوب اثر ناچيزانه مزك تقدير وتعريفى خصوصنده مبذول بيوريان جواهر مشوره نك مقابلنده ايفاي تشكر ذات عاليكز كى بر فاضل اديبك بر كامل نجيبك سرمايه اقتدارينه متوقف بولنديغدن بووظيفه مقدسه دن فك رقبه عاجزانم ايچون عفو رحمانه لرينه جدا محتاجم لكن شكر دعا و ثنا مغايبه اولديني حالده (دعا المحسن اليه للمحسن لا يرد) حديث شريفنه اعتماداً سعادت دارين واستعجاب توجهات سيد الكونينه موفقيت عايلري ايچون روزان وشبان جبين ساي آستان استرحام اوله جغمى تأميناً عريضه تشكره مى مسكى الحتام ايلرم اولبايده وهر حالده لطف وشفتت رفق ومرحمت والكرم افندم حضرت تيرينكدر.

يوزاون ايكنجى مکتوب

مدار مفخرت ومايه محمدت اولان وكال عاطفت ومرحمتكزي مبشر بولنان برقطعه عنايتنامه كز واصل ايدى امتنان اوله رق ادعيه خيريه كزي رفع بارگاه حضرت يزدان ايلدم. طريقت عليه بهائيه ده ذات دولتكز كى بر رفيق شفقت كستر وبر شفيق حقيقت پروره نائل اولديغمدن طولايي شكران فراوانمى تقديم وطالع برجسته فقيرانه مى



دخی تبریک ایلرم. نتیجه تشکر اوله رق وسیله اتخاذ بیورمش اولدیغکز روحانیت ایلله الفت و رابطه شریفیه کرمیت و اهمیتله جماعت اولیا ایلله حشر اولنه جغکزی و بی بشره توجهی ملحوظ بولنان بالجله آفات ارضیه و سماویه دن محفوظ بیورلمکزی پیران عظامک شفاعتیه جناب حقک عون عنایتدن استرحام ایلرم. مشهود باصره محظوظیم اولان طریقت علیه که استقامتکزدن فوق العاده بمنون و جناب حقه متشکرم فاتح مدرسارندن فضیلتلو خواجه محمد افندینک سلامیه برابر درسارینک خواجه یکتا افندی واسطه سیله نفسه ارتقا بیورلمسنی یازمش ایدیگکز الحمد لله تعالی علی ذلک مولانا معلوم اوله که لطائف عشر دنک جمله سی تصفییه محتاج بولندیگندن سالک ایچون علی الترتیب جمله سیله ذکر ایلک لازم. برانسان اوزرینه غسل شرعی لازم اولنجه بدنک هرجهتی و بلکه هر نقطه سنی ییقامق لازم اولدینی کی تصفییه باطنه رغبت ایدن ذات ایچون دخی لطائفک و بلکه ده اجزای جسمانیه سنک دخی کافه سیله ذکر ایلک ضروری بولمشدر شو قدر وار که استعداد متفاوت بولندیگندن سالک اولان کیمسه ایچون هر هانکی لطیفه ده ترقی زیاده اولاجق ایسه او لطیفه به مداومت و دیگر لطیفه دن زیاده اکا رغبت ایلمسی مناسب بولمشدر. بناء علیه اخوان کرامک کافه سی طهارت ظاهریه و نظافت باطنیه موفق اوله رق چرکاب معاصی و مظالمدن محفوظاً حضور باریده اجتماعزی و احسان بی پایانیله محظوظ بیوریله جغمزی رجا و تضرع و استرحام ایلرم.

یوز اون اوچنجی مکتوب

لطفاً ارساله عنایت بیوریلان تحریرات و فایات منعمانه لری واصل

ایادی تشکر اولدی غائب ایتدیگکز اولاد حقنده حاصل اولان غم و کدر ایچون انشاءالله مسئول اولمازسکز چونکه علیه الصلاة والسلام افندیگزر حضرتلری دخی حضرت ابراهیمک فقدانده محزون اولدیلم. مولام ایکی جهانده مکافات بیورسون موتی رابطه ایلک بوکی مصای تهوین ایده جک اولدینی کی کندی موتی دخی تسهیل ایدر انسانی معذب ایدن دنیا محبتی تقلیل ایلر چونکه دنیانک اموالی و مراتبی و نفایسنی محبت فوق العاده آرزو ایلک هر دورلو کناهک هر دورلو راحتسز لنگ اس الاساسیدر. جناب الله قلبکزی بوکی محبتلردن پاک بیورسون خانه ذکر و محبتی بیورسون و دوام رابطه و ذکر کزی وسیله نجات آخرت بیورسون آمین. ذهنی افندی برادر مزک بو یوسته ایلله کوندردیکی مکتوبنده سلام عالیکزی تلقی ایلدم محظوظ اولدم علیه الصلاة والسلام افندیگزر حضرتلری آخرتی تشریفارنده امت مرحومه سنه قرآن کریم ایلله تفکر موتی یادگار براقش اولدینی معلوم سعادتکزدن. مشایخ کرام حضرتانی دخی (و کونوا مع الصادقین) آیت کریمه سندن اقتباساً رابطه شریفیه اخوان کراملرینه توصیه و زمان مضایقه ده وسیله تسلیت اتخاذ بیورمش اولدقلری جای تشکر در فقیر کز معناً اخوان کرامندن اوزاق اولما دیغم کی اخوان باصفا دخی ایسته دکاری بر زمانده فقیر کزی شرفیاب ایده بیلرلر بومیانده محروم اولان یالکز بر جسمایتدر. یونک چارده سنی دخی جناب مولادن استرحام ایلر شوصره ده مواصلت ایچون ظهورات اولیور انشاءالله عن قریب نعمت وصاله نائل اولورز.

یوز اون دردنجی مکتوب

محترم ذوات حقنده یاپیله جق بر تواضع داعیکزه قالیرسه هنردن

معدود اوله ماز لکن نرم کی ادنا بردرویش ایله اجرا بیور مقده اولدیغکن  
لطف و شفقت و ایفای و جائب مرحمت هر نه قدر تقدیر اولنور سه یری  
واردر . جناب قادر مطلق ذات عالیگزى موفق و مکافات معظمیه  
مستحق بیورسون . نفسکزی اسیر و شیطانکزی تسخیر ایتیش اولدینی  
کی قلبکزی تنویر و مشام روحکزی غیر عنایتیه تطهیر بیورسون آمین  
بالکزی پدرندن موروث بر مشیخت عنوانندن بشقه بر فضیلتیه مالک  
اولیان بوفقی حقیری هر هفته تلطیف و هر دفعه بر طاقم جواهر عبارات  
ایله تکریم و تشریف ایلک نجابتک کرامتک الکیوک شانندن بولندینی  
بدیهیدر . و ار اوله سز . بذل کنجینه عنایتده برقرار اوله سز . بو پوسته ایله  
احسان بیوریلان التفاتنامه ده سعادتلو ضیا یک افندیکن دخی سلامی  
ایله تلطیف بیورلمش ایدم و علیکم السلام دهرک دعوات خیریه کزی  
رفع بارگاه اجابت ایلدم کمال تشکر و محمدت فقیرانه می لطفاتیلع بیوریکز  
باقی حفظکم الله تعالی وایانا آمین و صلی الله علی سیدنا و مولانا محمد و آل  
وصحبه اجمعین .

### یوز اون بشنجی مکتوب

خاطر غمیده و فؤاد ماتم چشیده فقیرانه مک تلطیف و تسیری  
خصوصه مصروف بیوریلان التفاتنامه مراحم علامه لرینک مطالعه سیله  
بودغه دخی مدیون شکران و مستغرق دریای امتنان اولدم . جناب  
رحیم و رحمان ذات عالیگزى (موتوا قبل ان تموتوا) حدیث شریفک  
سزیه مظهر و خانه قلبکزی انوار عرفان ایله منور و محبت ماسوادن  
مظهر بیورسون (یوم لا ینقطع مال ولا ینون الا من اتی الله بقلب سلیم)

آیت جلیله سی جمله نک معلومیه عاقبت و انجایی عنوده پسترخاک و اسیر  
سر نیجه هلاک اولمق اوزره یارادلش و پناهده مهد وجود اولمش اولان  
ملت خیر الانام ایچون شانیان اهتمام اوله جق برشی وار ایسه یالکزی  
سلامت قلبک اسبابیه توسل و تحصیل رضای باریه توغلدن عبارتدر  
جناب هادی السبل جل و علا حضر تلمری داعیلریله برابر ذات مکارم  
صفاتکزی «افضل العباد درجه عند الله یوم القیمه الذا کرون الله کثیرا»  
حدیث شریفه ماصدق ایدوب عباد صادقین صره سنه ادخال و قلب  
روحزى کمال ایمان و تمام ایقان ایله مالامال بیورسون هاروت و ماروته  
مشابه اولان ساحره دنیانک آرایش کاذبه سنه مفتون و میال ایتسون  
آمین و السلام علیکم وعلینا وعلی جمیع المسلمین .

### یوز اون آلتنجی مکتوب

سلف صالحین و اولیای کاملین افندیلریمزک حقنده کی اخلاص و محبت  
و حواس معنویه آصفانه لرینک المعزز بر نقطه سنده بسله نیلان حسن یتیه  
مقابل ایفای و جیه تشکر و محمدته وجدان فقیرانه من مدیون اولقده در .  
عهده درویشانه مزه تقویض بیورمش اولدقلمی اوفه جق بر خدمت  
سایه سنده بولیورکه ایکنجی دفعه اوله رق متعاقباً التفاتنامه دولتشکرله  
بختیار و اظهار لطف و عاطفتکزله نائل شرف و افتخار اولیورز .  
دنیا ده بختیار و عقباده شایان افتخار اوله سز . قالنی المحترم صلی الله  
علیه وسلم (یحشر المرء مع من احب) اولیای کرامه محبت ایدنلر یعنی  
آنلرک عمل و عبادت لربنه اتباع ایلانلر هر حالده شفاعت و لایتناسهارینه  
مظهر و بشریت اقتضاسنجه وقوع بولمش اولان سهو نقصانلرینک اعمال

صالحه ايله جبر و تعميرينه مظفر اولورلر ( يشفع يوم الجمعة ثلثة الانبياء  
ثم العلماء ثم الشهداء ) حديث شريفى دخى بومدعاي معلندر . ( من قال  
لا اله الا الله دخل الجنة ) حديث شريفك ظاهرينه باقوب نجات آخرى  
قولاي ظن ايدنلر و محبت و شفاعة اولياي لايقيه مهم بيلمشار كنديلرني  
آلدامش اولورلر . عليه الصلاة افندمرك نبوة و شريعتك حق اولديغني  
اثبات مقصديله كفارك عناد و استكبارينه قارشو اصحاب كزيندن  
خاله بن وليد رضى الله تعالى عنه افندمرك قوة قلب و كمال ايمان ايله  
او قوديني بسمله شريفني متعاقب بلا تردد ولا توقف بر كاسه سمك تناول  
ايتديكي روايت اولمشدر مشاراليه حضرتلرينك ايمان و ايقانيه مناسب  
بر ايمان صاحبي تصور اولنورسه كلمه توحيدينه ده اعتماد اولنق جائز  
اولور . يوقسه عرش الرحمن اولان خانه قلبدن برخيلي مقاصد و ماسوا  
موجود اولديني حالده ( لا اله . لا مقصود الا الله ) لساناً سويلك نه درجه  
حائز اعتبار اوله بيله چكي بديهدر . جناب الله خانه قلبمزي لانه محبت  
ايدوب انوار اكارايه محظوظ ( و قد جاء الحق و زهق الباطل ) فهو اسنجه  
ظلمت غفلت و محبت ماسوادن محفوظ بيور مسون آمين بحرمة طه و يس  
وصلى الله عليه وعلى آله و صحبه اجمعين .

### يوز اون يدنجي مكتوب

۲۸ شباط سنه ۳۲۰ تاريخيله محرر اولان تحريرات منوره لري .  
مدينه قلبمزي تنوير و صاعقه مفارقتله خراب اولان رخنه لريني بدرجه  
تعمير ايلدي جناب حق جل و علا حضرتلري خانه قلبكزي بر بيت  
معمور ايلسون بارقه عشق محبتله پر نور ايلسون عزتو حاجي عاصم بك .

برادر مزي دخى ذات عاليكزدن آيبر مسون آمين عريضه مقدمه  
حقير انمده مندرج اولان ادعيه خيريه وقت و زمانكيزك حال و شانيله متناسب  
بولنديغني بيان بيورمش ايديكيز و بر جوق تشكر و بيان ممنونيتده بولنمش  
ايديكيز فقير كز دخى بوتصادفدن محظوظ اولدم انشاء الله تعالى قبوله  
قرين اولمشدر چونكه جناب حق سوكيلي بر عبدك تسيرير و تلطيفني  
مراد ايدرسه دكل داعيكيز كي بر عبدك زبانه بلكه خامه دوزبانه بيله  
ادعيه خيريه بي الهام ايلر انسانه لازم اولان شي كنديسني كل اشيايه  
قادر اولان بر ذات اجل و اعلايه سوديرمكن عبارتدر دولت محبت  
نائل اولدقد نصكره نعمت دينويه و اخرويه جائز اوله جنبي طيعيدر  
( ولن خاف مقام ربه جنتان ) حافظ افندي او علمرك معنالي شايان  
تبريكدر ذات عاليكزدن كيديكي فانيه ايله داعيكيز قيافتنده مشاهده  
اولنان ديكر ذات طرفندن نائل اولديني تاج شريفك تعبيرى بديهدر  
كونشك آناختارينه كلنجه فقير كزك اعتقادنجه ذ كر الله اولسه كر كدر  
يداختارينه توديع اولنمش ذ كر ايدرسه انوار معنوي ايله بختيار اولور  
والافلا رزقنا الله تعالى و اياكم مع سائر الاخوان بحرمة مرشدنا محمد  
سيد ولد عدنان آمين يامعين .

### يوز اون سكيزنجي مكتوب

تاتار خليل افندي برادر مزله برابر ذهني افنديك خانه سنده  
قالديغكيز كيجه نك حال شاتي مصورو بريسي كولديريجي ديكرى آغلاديجي  
اولان غبطه و تحسركزي مبشر بولنان التفاتنامه كز واصل اولدي مطالعه  
اولندي بلا تردد ذاتكيزه حق و يرلدي قلب فقيرانهم بوكي مدعالي

تصدیق ایتکه غایت مهیادر . اثبات ایچون استماع شهود احتیاجندن  
مبرادر . بمنه تعالی قریباً مومی الیه خلیل افندی ارببله مواصلت ایدوب  
زیارتلریله ذوقیاب اولورز حق تعالی حضرت تلی دها بیوک زیارتلریده احسان  
بیورسون و بو غبطه و تحسیر کله لرینی اورته دن قالدیرسون ، طرفینی  
مسترح ایلسون آمین . اخوان کرامه تقدیم اولنان معروضات فقیرانه مک  
فضیلتلو خواهیکتا افندیله قرائت و مزایا و نکاتندن عادتاغشی اولدیغکیزی  
لطفاً اشارت و بلکه ده بشارت بیورمش ایدیکز جناب حقه حمد و ثنا  
ایلدیم زیرا برباقیری خالص آلتون عیارینه اعتلایتدیرن یالکز کندیسیدر  
برکیمسه خدمت ایتکم و خدمته مقابل بالغاً مابلغ مکافات آلتی ایسترسه  
یالکز اوزات اجل و اعلا یه خدمت ایلسون بشقه سنی موتا کی لاینفع  
ولایضر یلسون ایشته اوزمان بحق لاله الا الله کله سنی سویلش اولور  
معلوم عالیری اولدینی کی الله اسم شریفی اسماء حسنانک کافه سنی  
جامع بولنان بر ذات اجل و اعلا ایچون علمدر اوجالده لاله الا الله  
دیمک لانا فاع لامانع لارازق الی آخره الا الله دیمکدر بناء علیه برانسان  
مؤمن کامل اولیق ایچون ذکر شریف ایله لطیفه قلبی احیا و بو کله  
طبیعی لسان قلبدن دخی اجرا اولمنسه اعتنا ایلدیر و فقنا الله تعالی  
وایا کم آمین . باقی السلام علیکم ورحمة الله و برکاته .

یوز اون طقوزنجی مکتوب

۷ حزیران ۳۲۰ تاریخی برقطعه التفاتنامه کزه نائل اولدم یازدیغکیز  
بر فقره دن او مرتبه محظوظ اولدمکه تعزیف ایدم مذکور فقره شوایدی  
( بهر احیانامه کز صوراسرافیل کی در سحیات و قبضه عزرائیل کی نفس

جیشمه ممت مثابه سنده تأثیرایدر ) الله ایچون تحف بر تشبیه ایتمشکیز  
بو کی تشبیهلر نفس ملهمیه مخصوص اولدیغندن بر آزدها ارتقا ایتسه کز  
انشاء الله نفس مطمئنه ایله مشرف اولورسکیز اللهم ارزقنا آمین ( یا ایها  
النفس المطمئنة ) نک نهایتنده ( وادخلی جنتی در ) ایشته شهادت ، سعادت ،  
سلامت بوندن عبارتدر . غیرت همت صرف قدرت بو کی بر نعمته سزادر مجادر  
دنیاده بو کون طوپلادیغک یارین اولور هیچ . عقبایه مفید اولدینی اعمالی بولوب  
سیچ : ربط ایله قلبک غم دنیایه بوراق کیچ . دربندینه موتک یولک اوغرار  
تیز اکر کیچ . اول کیچمسی دیشوار کز رکاهی اوتتمه افندی حضرت تلینک  
کوشکنده قرائت اولنان مولد شریف حضرت نبویه حاضر بولندیغکیزی  
وحاصل اولان فیض و برکت و کمال تأثیریکزی و او مجلس شریفدر روحانیت  
فقیرانه می مشاهده ایتکده اولدیغکیزی بیان بیورمش ایدیکز مولای  
متعال حضرت تلیرینه عظیم تشکرلر ایلدیم ناصل ایتیمیم صباحه قدر خواب  
واستراحتده بولنان بر جسم کشفک روحانیتی ضیای شمس مثلودر سعاده  
قدر ایصال و بوضو و تله سزک کی بر ذات ستوده خصالی مسرور و خوشحال  
بیورمسند کی آثار مرحمت و عنایت قال و قلم ایله تعریف اولنه مز بر عطیه  
سبحانیه و بر موهبه صمدانیه در ربنا آتنا فی الدنیا حسنة و فی الآخرة حسنة  
وقنا عذاب النار باقی السلام علیکم .

یوز یکرمنجی مکتوب

التفاتنامه کز واصل اولدی صحت و سلامتکزه و بقای توجهاتکزه  
مقابل نه یولدم عرض تشکر ایدم جکمی بیله میورم جذباتکزی تبریک  
ایلام ( جذبة من جذبات الرحمن توازی عمل الثقلین ) حدیث شریفدر  
انسانک کندی قوت و طاقتیله جناب حقه سلوک و قریبکی ایله جناب

حقك اخذ و جذبی آرالنده اولان فرق و تفاوت بین السماء والارضدر انسانده اولان قوت جناب اللهك قوته نسبة یوق کیدر . لکن شو قدر وارکه جذبه حقیقه سسلو کدن صوکره اولان جذبه در کد بوقسم مجذوبه سالک مجذوب اطلاق اولنور . مجذوب سالک ایسه متدیارک حال و شانیدر . استقامت ایسه لر مستفید اولورلر . والا فلا : حاجی عاصم بک افندی به بالخاصه عرض تسلیات و تکریمات ایلمر غالباً مراقبه ایله احیای اوقات ایدیورلر . مبارک اولسون جناب حق اولان توجه و معیتاری مزداد اولسون .

معلوم فاضلانله لری اولدینی کبی مراقبه معیتک ساحه سی واسعدر ( وهو معکم اینما کتم ) آیت جلیله سندن مأخوذدر . مراقبه اقربیه منتهیدر ( ونحن اقرب الیه من جبل الوریذ ) آیت کریمه سنک معناسی آنجق بو مراقبه ده سالکالر ایچون اولدقچه منکشف اولور . اگرچه جناب حقک معیت و قرینتی هر بر مؤمن اعتقاد ایدرسده لکن مسموعات ایله مشهودات بینده کی فرق عظیم دخی نظر اعتباردن دور طوئلایدر . بالک حلاوتی آکلامق استماع ایله ده میسر اوله بیایر لکن ذوق ایله حاصل اولان معلومات شبهه سز بشقه در . رزقنا الله تعالی وایا کم آمین .

### یوز یکریمی برنجی مکتوب

یوزیمی کولدرن و کوزیمی تنویر ایدن دست خطر نکیین و عبارات شیرین و التفات سنکشکزی بودفعه دخی آلوب مزده عافیتکزه اولان آتش عطش ایچون مدارتسکین ایلدم فکری افندی برادر منزله ایفا سته مأمور بولندیفک : وظیفه لرک ماهینندن و یردی ککزه معلومات لایقيله مفهوم

اولدی . مشاغل کثیره و غوائل وفیره کز آکلاشیلدی لکن اکلامق ایسته میورم و بوکبی معذرتی دیگله مک آرزوایتمیورم سز آجی برتوتونی اونوته میه جق اولدیغکزه حالده فقیر کز او طاتلی جمله لری کزی مألوفی بولندیتم آتار لطف کزی ناصل اونوته یم ونه یولده آرزوایتمیه یم ! هر حالده ایلمر : اوت : یوم قیامتده ( شغلنا اموالنا واهلونا ) معذرتنک مسموع بیورلمیه جفی دخی بوبابده فقیر کزه حق کوستریور و آره صره ایکی سطر اولسون محرراتکزدن واز کچمیه جکمه ارئه طریق ایدیور . معلوم عالیکن اولدینی کبی غایت مخدود و موقت اولان حیات دنیا بک جلوه نمایشاری او یونجاق شکلی کوستر مکده بولندیغندن بتون اخوان کرامک طریقت علیه نک فیوضات مغنویه سیله ( رجال لاتلهیم تجاره ولا بیع عن ذکرا لله ) آیت جلیله سته توفیقاً مشاغل کثیره و غوائل وفیره سنک ذکرو فکریلینه مانع تشکیل ایدمه جکرینی و کندیلرینه بر پدر مغنوی اتخاذ ایدلمش اولان بوقیر حقیری ولو که مکتوب ایله اولسون صله رحمن محروم بیورمیه جقرینی شبهه سز انتظار ایدر و تنیه الغافلین کتابنک مطالعه سته احتیاج اولمقسزین رابطه مادیه و مغنویه مزک برقات ده تقویه بیورلمسنی آرزوایلمر الباقی هو الله .

### یوز یکریمی ایکنجی مکتوب

۳۰ مارت سنه ۳۲۰ تاریخیه اولان عنایتنامه کز واصل اوله ورق ذات عالی کزله اولاد و اقارب و اخوان کرامک صحت و سلامتی مشعر بولندیغندن جناب حقه قارشو مدیون شکران اولدم . صحرای محشرده امتنک کثرتیه امم سیالفه اوزرینه افتخار بیوران حضرت رسالتناه

افندمن مددکار و جناب خالق پروردگار ایکی جهانده یارکز اولسون  
 اخوان دینگزک برخیلیسنی حال رقالتکزدن مستفید بیورسون آمین  
 معلوم فاضلانلری اولدینی کی نفس اماره دائماً سهولتی التزام و حقیقتی  
 ستره اهتمام ایله . و کندی آلداتیر چونکه حدیث شریف نبویدم  
 ( من قال لا اله الا الله دخل الجنة ) فرمان بیورلمش ایسه ده دیکر  
 بر حدیث شریفلرنده « خالصاً » کلمه سی دخی مذکوردر . ریا  
 کی ، حسد ، طمع ، بخل کی امراض قلبیه ورزائلدن تزکیه نفس  
 ایله خلوص نیتک اهمیتنی بیان ایتملیسکز . وجود بئیرده ، مثلاً باسور کی  
 بر مرض موجود اولدقچ اطمعه لذیذه دن استفاده اولنه میه جنی معلوم  
 عالیکزدر . کذلک امراض مذکورده نک بری باخصوص بر قاجی موجود  
 اولدقچ رضای رب منان و نعم روضه رضوان ایله متم اولمق ایچون  
 بالکیز عبادات ظاهره نک فائده سی اولیه جنی شبه سردر . قال الله  
 تبارک و تعالی ( الا الله الدین الخالص ) مولام او خلوص عبادتی احسان  
 بیورسون آمین .

### یوز یکریمی اوچنجی مکتوب

دیدار بهجت شعار دولتکزدن دور ، و کفتار کوهر نثار عاطفتکزدن  
 مهجور ایسه مده اسم شریفکزی قاله آلدقچ قلمده بر سرور و رسم  
 منیفکزی خیاله صالدقچ روحده بر حبور حس ایدیورم و اوسایده  
 سراپا مسرت و حضور کس یورم جناب عالم السر و مافی الصیدور  
 حضرتلری اسکی شفقتکزی و یا خود یکی مرحمتکزی اوزرمدن  
 دور و وجود ذیحودکزی صرصر حوادثله رنجور بیورمسون آمین .

اولاد معنویه مزدن عزتو فکری افندی بنده لری واسطه سیله تقدیم  
 اولنان عریضه فقیرانه مک جوابنه نائل و حقارنده مبذول بیوریلان  
 التفات جهاندر جاترندن طولای بتکرار بارمقی حامل اولدم باخصوص  
 انشای زیارتلرنده حق فقیرانه مده اظهار بیورلمش و دکر مک فوقنده  
 یولتمش اولان نصیرات فائده و تلطیفات رائقه دولتکز عظیم بر حس  
 شکران ایله تلتی اولندی . لکن دوغریسی اک زیاده سودیکم ( افندی  
 حضرتلرینه اعتراض ایتمکی سورم ) کفتار حقائق نثار کزایدی ایشته  
 محرم اولدقچ بوتعبیر عبیرک حق تشکرینی ایفا ایدم .

چاملیجه دن فرهاد پاشا چیفتلککنه واقع اولان سیاحت اشناسنده  
 مسموع فقیرانه ام اولان کلمات آصفانه لری کرامته حمل اولنه مازسه ده  
 فراسته عطف ایلمک دخی آز کله جکدر لکن تمچاره که بونلر میاننده  
 اوچنجی بر مقام تصور ایدم یورم بناء علیه « ذاتکزله شرف بولان  
 فراست : ترجیح اولنور کرامت اوزره » بیتله اکتفا ایلمک مجبوردر  
 مولام کرامتی ده احسان بیورسون و بوذره بی مقداری شمس تابان  
 شفقتکزدن محروم بیورمسون آمین .

### یوز یکریمی دردنجی مکتوب

کمال محبت و صمیمتله یازلمش اولان تحریراتکز واصل دست  
 محظوظیت اولدی ذات خالصانه لری کی بر خادم شریعت و طالب طریقتک  
 انضمام اخوتیه جناب رب عزت حضرتلرینه عرض تحمیدت اولندی امتنک  
 کثرتیه بیان مسرت بیورمش اولان مفتخر موجودات علیه و علی آله  
 افضل الصلوات افندیم حضرتلرینک مظهر عیون و عنایتی اوله سز آمین

اولاد معنویه مزدن قواق امامی خلوصی افندی واسطه سیله اخذ و تلقی  
ایتمش اولدیکیز اوراد واذکاری بالخاصه تبریک ایلرم طریقت علیه  
متعلق افاده اولنه جق بشقه برشی وار ایسه اودخی رابطه ک اهمیت  
و کثرت فوایدن عبارتدر قال تبارک و تعالی (و کونوا مع الصادقین)  
علم و عمل کبی امتعه نفیسه بی حامل حائز بولنان سالکان راه حقیقتک  
مفاسد نفسانیه و مکائد شیطانیه دن سلامتی البته قوای معنویه ک معاونت  
روحانیه سنه محتاج بولند یغندن حق جل و علا حضرتلری بوایت جلیله  
ایله رابطه معروفه ک لزومنی بیان بیورمشلردر .

معلوم عالیلری اولدیی اوزره خواص امتک اقصای امل و منتهای  
آرزولری جناب حق ایله پیدای محبت ایسه « قل ان کنتم تحبون الله  
فاتبعونی » نظم جلیله سنه نظراً آنحق اتباع سنت سایه سنده حصول  
بوله یغندن هر حالده طریقت علیه مر اجعتله « تنام عینای ولاینام  
قلبی » ای عن ذ کرا لله حدیث شریفه ده متابعت ضروریدر مولام  
حضرتلری جمله منری بوشرفدن محروم بیورمسون آمین .

### یوز یکریمی بشنجهی مکتوب

(ان من البیان سحرآ) حدیث شریفی تمامیه تفهیم ایلین سلاست  
بلاغت و ظرافت نقطه نظرنده احراز مسابقت ایدن تحریرات باهر  
النکات کیزی بود دفعه دخی آلوب مطالعه سیله اکتساب مسرات ایلدم  
الحق سزک اومصفا اومزکا اولان اخلاص محبت کیزی آنحق بو کبی  
برکاتب شیرین زبان بومثللو برادیب معجز بیان ادا ایده بیلیر . اوباطنی  
آنحق بویه بر ظاهر میدانه چقاره بیلیر ایکی کیزی دخی هو الظاهر

هوالباطن حضرتلرینک عنایت صمدانیه سنه تودیع ایلرم مکافات معظمه -  
کیزی مراسم جلیله لرندن استرحام ایلرم امان برادر کاتبکزه کوزه ل  
کاتبدر نه عالی بز فکره مالکدر بوزات کیمدر اسم شریفی نه در وظیفه سی  
نه دن عبارتدر نزد مزده یادکار اولق اوزره لطفاً و موضعاً بیلدر یکز سلام  
فقیرانه می تبلیغ بیوریکز مولام کندیلرندن راضی اولسون روز محشرده  
جماعت اخواند آیرمسون حضرت صدیق اکبرک زیر حمایه سنده  
حشر اولمسنه مساعد اولسون آمین فقیر کزک حالدن سوال بیوریلورسه  
حمد اولسون عافیتله یشایورز اخوان کرامک سعادت و سلامت احوالی  
ایچون دعا اید بیورز مولام قبول بیورسون مشاهده جسمانیه لرینی بتکرار  
احسان ایلسون باقی السلام علیکم .

### یوز یکریمی آلتنجی مکتوب

حق عالیکزه موهبه مخصوصه الهیه اولان اخلاق حمیده و اوصاف  
برکزیده یه ترجان حقیق بولنان زیبا مراسله معالی مقاله لری بود دفعه  
دخی حس منت و محفوظیت فقرانه می ایقاظ ایلدی . حضرات نقشبندیه  
ادنا برمنسویتی حائز اولان بو عبد عاجز حقنده کی لطف و شفقت مقابل  
عظیم مکافات نائل اوله جغکیز طبعیدر . « من کان لله فقد کان الله له »  
جناب خالق اکبر جل و علا حضرتلری ظاهر کیزی انوار شریعت  
و باطن کیزی اسرار طریقت ایله منور بیورسون هم و هم کیزی اذکار  
و افکارینه منحصرا یلسون بر ساعت ایچون اولسون بقاسنه اعتماد اولنمیان دنیا  
و مافیه انک آرایش کاذبه سیله مکدر بیورمسون آمین رفعتلو حافظ افندی  
و ذهنی افندی لارک مصاحبه و محبتله حاصل اولان اذواق روحانیدن فقیر کز

دخی ذوقیاب اولدم ( آسمان رشك بردسوی زمینی که درو: دوسه یاری  
دوسه دم بهر خدا بنشینند ) جناب الله جمله کزی فیضیاب وفقیر کزی  
دخی حسن ظنکتر نسبتنده داخل حساب بیورسون آمین مخدوم  
نجات ملزوم عالیکز بها الدین افندی به عرض کلدسته تسلیات ایلم.  
باقی السلام علیکم .

### یوز یکرهی یدنجی مکتوب

۱۵۷ مارت سنه ۳۲۰ تاریخله احسان بیورلش اولان التفاتیامه  
کزی آلوب مطالعه سیله محظوظ اولدم لوحه اوزرینه یازلمش و دوام اولفق  
ایچون امر ایدلمش اولان کلمه توحیدک عالم معناده مشاهده ایندی بککتر  
موجب تشکر اولدی فقیر حقیرایله دوام زابطه و کمال اخلاص و محبتکزی  
اثبات ایدیور الحمد لله تعالی علی ذلک جناب حق التفاتکزی مزداد  
بیورسون .

وقریباً بوذ کر شریفک حصوانی نصیب ایلسون آمین . فضیلتلو  
خواجه یکتا افندی حضرتلریله مذاکره بیوریکتر لطائف ذکرینی  
علی الترتیب تعلیم و هر بریله بش اون کون مشغول ایند کدنصکره بوذ کر  
شریفی دخی تعلیم و حضور جمعیت ایچون توجه بیورسونلر فی الواقع  
بر ماه قدر اولیور فقیر کزده هم کندیمه و هم اخوان کراممه کمال  
ایمان احسان بیورلمسی مراقنده بولنیورم بزمله اولان کترت محبت  
و اتحاد کتر اقتضاسی بومعناذات کزده ظهور ایتشدر حق تعالی حضرتلری  
جمله منری حقیقتده مسلمان و اهل ایمان اینسون لساناً عبدالله و قلباً  
عبد فاسواله اولان کیمسه لردن اینسون آمین .

### یوز یکرهی سکنزنجی مکتوب

دعوات خیریه و تلطیفات بهیه منعمانه لرینی البشارایلمن کرامتنامه لر  
باران رحمت کبی منتظماً توالی و تعاقب ایندکجه بهسار عمر عاجزانه من  
ازهار فیوضات ایله عنبر نثار اولمقده و زلال شفقتلریله سیراب اولان  
قلوب پرمردده من اظهار مساریایله افتخار ایندکده در . بونعمتله مقابل  
بیان تشکر قابل اولمیه جنی کبی توجهات فاضلانه لرینک دوام و ثباتی  
دخی کمال شرم و حجاب ایله استرحام اولمقده در . فقیر کز دخی دیلم  
دوندکجه و فرصت بولدکجه ادعیه خیریه کزی تلاوت و اوزرمده اولان  
یار منقئ ممکن مرتبه تخفیفه مبادرت ایلم .

حاجی عاصم بک برادر منک رؤیاسندن محظوظ اولدم باشمده کبی  
تاجه روحانیتلرنده ظهور ایدن طمع او قدر کوزلدرکه مافوقی تصور  
اولنه من برکت و یرسونکجه قاپاماش و یاخود قاپاماش یالکتر شکر  
صوجوغنه قناعت بیورمشدر . الهی عافیت اولسون قوت اولسون قوت  
معنوی اولسون باشنده کورمش اولدینی صاریقلی فسی تبریک ایلم انشاء الله  
تاج شریفده نائل اولورلر . معلوم اولدینی اوزره صاریقلی فس کسوه  
علمادن اولدینی کبی تاج شریف دخی مشایخ طریقه مخصوص بر  
علامتدر . علمک عملدن مقدم اولدینی و علوم دینی سنک تحصیلنه موفق  
بولندینی و باخصوص باشمزه بولنان تاج طریقه طمع ایلدیکی افاده  
ایدن بورؤیای صادققلری شایان تبریکدر همده بویله اولمیدر . چونکه  
سعادت ابدیهی قزاق ایچون فرائض دینی بی تعلم و او علم ایله عمل  
ایلم ضروریدر . قال علیه السلام ( الناس کلهم هالکة الا العاملون  
و العاملون کلهم هالکة الا العاملون و العاملون کلهم هالکة الا المخلصون )



والخلاصون علی خطر عظیم) انشاء الله تعالى موفق اولورلر. جمله کزه  
عرض سلام واحترام ایلرم .

### یوز یکر می طقوزنجی مکتوب

۷ مارت سنه ۳۲۱ تاریخلی التفاتنامه فاضلانله لریله دخی شرفیاب  
اولدیغیدن طولانی تشکراتمی بالخاصه تقدیم ایدیورم حضرت الله  
بزی وسزی شا کر قوللرک جماعتندن تقریق ایتسون شکرده ادای  
واجب فضیلتی موجود اولقله برابر (لاؤزیدنکم) بشارتی دخی علاوه  
بیورلمش اولدینی معلوم فاضلانله لریدر فضیلتلو طرنوهلی خواجه افندی  
حضرتلرینک تفسیر درسی دخی شکردر بلکه افضلدر چونکه شکر  
(صرف العبد جمیع مالنم الیه لما خلق له) معنانه کلش یالکنر لسانا یاری  
شکر اولسون کافی دکلدیر شکرک برنجیسی ساری یعنی امت مرحومه یی  
مستفید ایتمکدن عبارتدر ایکنجیسی لطائف عشره انسانیه ایلله اولنان  
ذکر وفکر اولسه کر کدر . قال علیه السلام (خیر الذکر الخفی  
وخیر الرزق ما یکنفی) وفقنا الله تعالى آمین .

التفاتنامه لریکنرک مطالعه سیله خیلی محظوظ اولیورم چونکه حقیقه  
کمال اخلاص و محبت و تمامی لطف و شفقتله یازمش اولدینی زعنا  
بیلیورم حضرت الله خوف و خشیتکزی و تحصیل رضای باری باند  
موجود اولان شوق و شطارتکزی مزداد ایلسون بزم کبی برطوپراغه  
اوزا دیغکنر الی آلتون ایلله مملو بیورسون آمین . قال النبی المکرّم صلی الله  
علیه وسلم (یحشر المرء مع من احب) اولیای کرام بیران عظام ایلله محبت  
اولور ایلسه یوم قیامتده آنلرک ظل حمایه سنده حشر اولنه جنی حدیث

شریف ایلله مبتدر لکن محبتی اثبات ایلک آنلرک رضای دایره سنده  
عمل و عبادته متوقفدر جناب الله بزی وسزی اوکی عمل و عبادته موفق  
بیورسون محبت ماسوا سیله قاب کوزلرمزی مشاهده حقندن محروم  
ایتمسون .

### یوز اونوزنجی مکتوب

(المراسلة نصف المواصله) قضیه سی صحیح ایلده بعض مراسله یه  
تصادف اولنورکه مواصله کامله کبی جانّه جلا و قلبه صفای انتاج ایدر  
ازان جمله بودفعه احسان بیورلمش اولان عنایتنامه کیرک مشاهده سیله  
حائز اولدیغیم نعمت سروری و نائل اولدیغیم دولت بهجت و حجوی  
قال ایلله تقریر ایدمه مدیکم کبی قلم ایلده تحریر ایلیم چونکه بومسرت  
«الحب لله» منبعندن نبعان ایدن بر مسرت ربانی و «من کان لله»  
مطلعنندن لمعان ایدن بر محظوظیت نورانی ایدی . ایسته دیکی قوللری  
حضیض جسمانیتدن ذروه روحانیه اعتلا و القاء محبتله رجال کامله مقامه  
قدر اعلا ایلین جناب حق قلبکزی ینوع حکمت و لسانکزی ترجمان  
حقیقت بیورسون . نفسه مخالفت ایچون اقدام و غیرتکزی وطریق  
صوفیده مدار ترقی اولدیلله جک معلوماتکزی مضاعف ایلسون  
سعادت اخروییه خادم اولق ایچون ثروت دنیویه کزی ده مزداد بیورسون  
آمین . قال تبارک و تعالی (ان الله اشترى من المؤمنین انفسهم واموالهم  
بان لهم الجنة) وفقکم الله تعالی وایانا بحرمة سیدنا و مولانا علیه وعلی آله من  
الصلوات و افها و من التسلیمات از کاهها . بوندن بش اون کون مقدم عرض  
ایتمش اولدیغیم خسته لق تحریره بر درجه مانع اولیورسده کثرت التفاتکزه

مقابل فريضة ذم اولان ادعيه خيريه قطعاً مانع اوله من. احتمالكه تأثيرى ترايد ايدر. چونكه نفسك غرورتاب توانيله ياييله جقي دعاارك مقام قبوله صعودى شبه ليدر. لكن انكسارينه ذل افتقارينه تصادف ايتدجكه قبول اميدلري ترايد ايدر. جناب الله نفس اماره مزى دائماً ذليل ورنجور قلب وروحى ايسه كندى عشق و محبتيله غالب مسرور بيورسون آمين.

### يوز اوتوزا يکنجي مکتوب

باسمه سبحانه صادق بر درويش مزدن علمكزى استماع ايلدم محظوظ اولدم مولام حضرت تلري موفق بيورسون امثالكزى مزداد ايلسون آمين العلماء ورثه الانبياء حديث شريفى معلوم عاليديدر كنتم خير امة اخرجت للناس تأمرون بالمعروف وتنهون عن المنكر آية جليله سنه نظر ابووظيفة نظيفه انبيا حضرت اتندن علمايه منتقل برارث معنويدر والعصر سورة جليله سندن آكلا شيله جنى اوزره ده خسرا نك آزدن چوغندن خلاص ايچون اولايما ن ثانياً عمل صالح ثالثاً وصايا ومواعظ ونصايحه بولمق ضروريدر بناء عليه ذات عاليلى كنى مسموع الكلم بر عالمدين اخوان ديني ايحاط ايلك استقبالمزك واحوال آخرتك شدت واهميتدن خبردار ايلك انتظار اولنور قال عليه السلام الدين النصيحة وقال (الديال على الخير كفاعله) صدق رسول الله. انشاء الله تعالى من كان لله فقد كان الله له حديث شريفى ايحاججه موفق ومظفر اولور سكز انبيا حضرت اتندن سزه عائد اولان حصه ايردن محروم اولمز سكز زيرا پدرندن قلان بر ارث دنويدين محروم قلنجه بر انسان خيلى محزون ومغذور ومايوس اوله جنى معلوم زدر مال دنيا

ايله قياس قبول ايتيان ثواب اخردن محروم اولوق شبهه سز تجوز اولماز بر ضرر بر زياندر حضرت الله جل جلاله فقير كزله برابر ذات عاليلى موفق بيورسون و بر خيلى مؤمنك سعادت ابديله لرينه خادم ايتلسون قال عليه السلام (خير الناس من ينفع الناس) بونفع ايسه شبهه سز فاني بر نفع دكلدر ابدى اولان بر نفع اخرويدر باقى السلام عليكم ورحمة الله وبركاته.

### يوز اوتوزا يکنجي مکتوب

باسمه سبحانه كمال اخلاص ومحبت و ارزوايله يازمش وكوندر مش اولديغكز مکتوب واصل اولدى دعوات توفيقكز تلاوت اولندي معلوم اولدينى اوزره حق جل وعلا حضرت تلري (اقموا الصلاة) آيت جليله سيلاه نماز ايچون امرايتمش اولدينى كنى (يا ايها الذين آمنوا اذكروا الله) آيت كريمه سيلاه ده ذكرايچون امرا بيور مشدر. اطاعت ايدنر ثوابه ايتمينلر ايسه جزا وعقابه مستحق اوله جقلري مقتضى وعد ووعيد جناب الهيدر. مولام جمله مزى نفس وشيطانه هوا وهوسه محكوم بيور مسون آخرت كنى براستقبالنى تأمينه موفق بيورسون آمين. طريقت عليه قادريه قبولكزى وايحجاب ايدن ذكركزى طالب ايتمشكز اولاشوراسنى بيان ايدلم كه: طريق عليه نك هر هانكى برى اولورسه اولسون اساس وبناسى شريعت مطهره در. بر انسان قولنى وفعلنى شرع شريفه تطبيق ايتزسه طريقتده تفيض ايدمه جكى شبهه سزدر. دو قورتوك علاجنى استعمال ايدوب لكن پرهيزه رعايت ايتيان برخسته كنى اولور. شريعت رعايت ايتكمكه برابر طريقت عليه قادريه دخول ايدن اخوان دينك يوميه اوله رق يوز عدد «استغفر الله» بشيوز قدر «لا اله الا الله» يوز قدر «اللهم صل على محمد

والله وسلم» و نماز دنسکره یعنی بش وقت عقینده آیت الکرسی و فاتحه  
واوچ اخلاصی قرائت و تواضی علیه الصلاة والسلام افندیمر حضرت تباریه  
آل و اصحاب و پیران طریقتک ارواح طیبه لرینه هدیه ایتلیدر ایشته  
بوصورتله سزی قبول ایتدم جناب حق قبول بیورسون .

### یوز اوتوز اوچنجی مکتوب

بسمه سبحانه جناب حق جل و علا حضرت تباری (ولایغر نیکم بالله الغرور)  
آیت جلیله سیله شیطان لعینک اغوا و اغراسندن قولارینی نبی بیورمش اولدیغی  
حاله آرزوی نفسانییه تبعاً آیت کریمه سنک منطوق منیفندن تعامی و تجاهل  
ایدن و ادعای باطلنی حق و حقیقت لباسنده کوسترمک مغلطه سنده  
بولنان شیطاین الانسک هر زمان ایچون موجود اولدیغی شبهه سزدن .  
ازان جمله اخوان کرآمدن بذاتک راحتسز بولندیغی هنکامده استفسار  
خاطرینه کیش اولان بریمی اعاده عافیته مدار اولمق اوزره اخشاماری  
برقدح راقینک ایچمسنی توصیه ایتمش و اهل ایمانک ایمانه قارشو هیچ  
برکناهک ضرر و یرمه چی ادعاسنده بولمش اولدیغی ایشتم و باطلی  
حقندن تفریق ایدمه میان عاجزلرک اعتقادینی افساد ایدر اندیشه سیله متأثر  
اولدم بناء علیه (ایمان) کله سنک معناسنی بیان ایتمهک مجبوریست حس  
ایلدم. شویله که (ایمان شرعی جناب حقک برلکنه و ملائکه کرامک  
وجودینه و کتب سماویه نیک من عندالله اولدیغنه و بالجمله مرسلینک صادق  
و صادق القول بر پیغمبر ذیشان اولدقلرینه و بو دنیادن صکره کله جک  
اولان آخرتک شبهه سز اولدیغنه و مقتدرانک کافه سی من عندالله بولندیغنه  
اینا تمقندن عبارتدر بونک خلافتده بولنان براعتقاد صاحبی مؤمن اوله مار  
مثلاً آیات کریمه نیک افاده ایتدیکی معنائک خلافتی و حضرت پیغمبرک

قولنده صادق اولدیغی اعتقاد ایلک قابل تأویل اولمیان بر کفر صریحدر  
بو مقدماتی بیان ایتدکن صوکره اصل مقصده شروع ایدمه شویله که  
اهل ایمانک ایمان لرینه قارشو هیچ برکناهک ضرر و یرمه جکی عدم  
قبول و تلقیسنی اثبات ایچون دیه بیلیرز که اولحق جل و علا حضرت تباری  
فرقان سوره جلیله سنک نهایتلرنده قاتلارک زایلرک توبه ایتمه دکری  
حاله طول مدت عذاب شدید ایله معذب اوله جقلرینی تفهیم و صور  
سائر ایله معاصیده بولنان مؤمناری دخی عذاب جحیم ایله تهدید  
بیوریوز ثانیاً علیه الصلاة والسلام افندمن حضرت تباری زنا ایدنلرک  
وجودی یوم قیامتده آتش کی اشتعال ایدمه جکی شارب حمرک پت پرستلر  
مقامنده بولندقلرینی راشی و مرتشینک ایکسیده ناز جحیمده اوله جقلرینی  
شاهد زورک عذاب جحیمه مستحق اولدیغی کذا و کذا بر خیلی  
احادیث شریفه ایله هر بر معصینک جزای سزاسنی صریحاً افاده و بیان  
بیورمشلردر. اصحاب کزین سلف صالحین اولیای کاملین علمای  
عاملینک بیلدکلری و بیلدیردکلری ایمان ایشته بوتدن عبارتدر . دین  
اسلامی قبول ایدنلرک بویله بر ایمان ایله مؤمن و بویله بر دین ایله متدین  
اولملری اقتضا ایدر جناب حق ملت اسلامی بونک خلافتدن محافظه  
بیورسون .

### یوز اوتوز دردنچی مکتوب

بسم الله الرحمن الرحيم

الحمد لله رب العالمين والصلاة والسلام على سيدنا محمد وآله وصحبه اجمعين  
اما بعد اخوان دين و ارباب صدق و يقينه عرض و افاده اولنور که حامل  
بورقاره درویشانه من سامی افندی ولد مغویمر ایام شبانی شریعت

مطهره نك دائره نجات باهره سنده كچيرمش وطريقه عليه نقشبنديه  
خدمت و او بولده صرف مساعي و ابراز جدیده بولنش اولغله برابر  
اصول و قواعد مرعيه توفيقاً و حضرات خواجكانك معاملاتنه تطبیقاً  
اولا لطائف خمسۀ عالم امری تصفيه و ثانياً لطائف خمسۀ عالم خلق  
تزكیه غیرتله حمدالله تعالى آثار موفقیة ناصیه حائده ظاهر و غایت  
صمدانیۀ لطائف عشره سنده باهر اوله رق اصولنه وصول ایچون محصول  
معرفی اولان آرزوسنی صادق شجرۀ توحیدك ثمره سنی اقتطاف ایچون  
مرغ همتی عالی و فائق کورمش اولدیقم کبی بر زمان دخی نفی و اثبات  
و مراقبات کبی ذات و صفاتی ترین ایتکده بولدیغنی کوردم بناء علیه  
زال سعادتدن طالب رشحات و وادی سلامتدن راغب نفحات اولان  
یعنی طریقت علیه نقشبنديه تمسك و انتساب آرزوسنده بولان اخوان  
دینه ده تعلیم آیین طریقت ایچون کندیلرینی مأذون ایلدم قال تبارك  
و تعالی ( ان الله یامرکم ان تؤدوا الامانات الی اهلها ) جناب حق و هادی  
مطلق جل جلاله حضرت تلو ندن استرحام ایده رمکه شریعت مطهره  
و طریقت منوره نك اجرای احکامنده کی شوق و شطارتی برقات ده اتزید  
و اولوجهله برطاقم رجال موحدینی قال و حالندن مستفید بیورسون  
آمین . رجال لاتلهیم تجارة و لا بیع عن ذکر الله . آیت جلیله سنك  
احکامنه واقف اولان اخوان کرامه عرض ایده بیلیرم که تصفیۀ باطن  
و تزکیۀ نفسۀ طالب اولانلر ودها طوغر یسی سلسله جلیله نقشبنديه دن  
اخذ فیوضاته راغب بولانلر مومی الیهک مصاحبه سنه دوام و بیان ایلیه جکی  
آدابک رعایتنه اهتمام سایه سنده نائل مرام اوله جقلری شبهه سزدر و ماذلك  
علی الله بعزیز و لاحول و لا قوة الا بالله العلی العظیم و صلی الله علی سیدنا  
محمد و آله و صحبه اجمعین و الحمد لله رب العالمین .

### یوز اوتوز بشنجی مکتوب

جناب مولی ، حق جل و علا حضرتلری قرآن عظیم و کلام  
قدیمده ( و لا یغرنکم بالله الغرور ) بیورمشدر . یعنی شیطان علیه  
ماعلیه سزی بنم عفو و مغفرتکم چوقلغیله اغفال ایدوب شریعت  
مطهره مک خارجه چیقارماسون ! کرچه جناب حقک عفو و مغفرتی  
چوقدره لطف و کرمنه نهایت یوقدر ، مرحمت و عنایتی مبذولدر .  
لکن دنیاده اولدینی کبی آخرتده ده قانون شریعتک حکمی تغیر ایتمز ،  
الفا اولماز ، اعتباردن ساقط اولماز . بر حاکم نه قدر شفیق و رحیم ،  
حکیم و کریم اولورسه اولسون حکم قانونی تبدیل ایده مز . ولو که  
بالذات مخدومی حقنده اولسه بیله اجرای عدالتدن کری طورماز .  
ایشته جناب حاکم مطلق بو حقیقتی بزه بیان بیوریور . یعنی بنم  
مرحمت ذاتیه مه مغرور اولوبده قانون شریعتمه مخالف حرکاتده  
بولونماییکز ، چونکه جزا دیده اولورسکز ، دیور . بوراده بر مسئله  
وارد خاطر اولابیلیر : شویله که بر انسان خلاف شرع شریف بر حالده  
بولونمادیقی تقدیرده آرتق عفو و مغفرتیه محل قالیرمی ؟ سوائنه جواب  
اولارق : اوت ! هر کسک معلومی اولدینی اوزره شکر منع منع علیه  
واجبدر . نعمته مقابل تشکر ایتمین بر کیمسه یه تانککور دینیر ؟  
و حقنده نعمتلمنقطع اولور . بناء علیه خالق تعالی و تقدس حضرتلرینک  
قوللرینه قارشی اولان وعدۀ و احصایه صیغمايان نعمتلرینی نظر دفته  
آلهم ، مثلاً : اعضا و جوارحک ، صحت و عافیتک ، مال و ثروتک ، نان  
و نعمتک ، کد و کذا عنایتلرک ، عاطفتلرک برر برر قدر و قیمتینی تقدیر  
ایدلم . صوکرده کندیمزک بونلره قارشی شکرانی ، یعنی مالا بوندنا

«مسلمینه قارشی کستاخانه و بی ادبانه طرق علیه بی خود بخود انکاره تصدی ایتمی و زمان سعد اقتران رسالتده طرق علیه دن مثلاً : قادری ، رفائی ، بدوی ، نقشبندی ، حلوتی ، جلوتی ، وامشالی هیچ بر طریقته اسمی لسان پیغمبریدن شرفصادر اولامش و بوباید بر امر نقطی رسالتناهی ویرلامش و بونلرک هپسی محدث و بدعتدر . دیه تقوهات لسانیه ده بولونمش اولدینغی آکلادم .

اولاً : او واعظ افندی به صورمالی که : اعمال و عباداتمزدده و سائر معاملاتمزدده یکنه رهبرلرمز بولونان هر بری بر سسواد اعظم و کبریت احمر اولان سرفرازان مجتهدین ، سرتاج اهل یقین رضی الله عنهم اجمعین ، سراج الامة ، نجم الامة امام حنفی ، شافعی ، مالکی ، حنبلی مذهبلیندن بری اختیار ایتک ویا بونلردن بری اولمق حقنده طرف رسالتدن بر امر صادر اولدیمی ؟ شبهه سز اولمادی . چونکه او زمان نه امام اعظم ، نه ده دیگرلری وارایدی . یالکنز ادای فریضة صلوات ایچون فرمان پیغمبری صدور ایتش ایدی . بعده اجماع امتله مجتهدین کرام حضراتنک رأی و اجتهدلری قبول اولوندی ، ایستین حنفی مذهبندن ، دیلین شافعی مذهبندن ، کیمیمی مالکی ویا حنبلی مذهبلیندن بری بکندی . خواجه افندیکنک زعمنه کوره دیمک که بوده یا کلش بر ایش اولدی ! ..

ثانیاً شوراسنی ای بیلیملیدر که طرق علیه نلک کافهسته جناب حقیق الامر ووحی النبیسیله سلوک ایدلمشدر .

قال سبحانه وتعالى « یا ایها الذین آمنوا اذکروا الله ذکرأ کثیراً » . واذکر ربک فی نفسک ای فی قلبک تضرعاً وخیفه و دون الحیجر من القول بالقدو والاصال ولا تکن من الغافلین » و امثالی آیات جلیله

قرآنیه سی نازل اولدقدن صکره خواجه عالم ، مرشد بنی آدم صلی الله تعالی علیه وعلی آله وسلم افندیمر حضرتلری [ ماصب الله فی قلبی شیئاً الا وصیته فی صدر ابی بکر الصدیق ] حدیث شریفی مدلول منیفنجه جناب صدیق اکبر رضی الله عنیه دعوت ایدوب ذکر قلبی بی تلقین و تعلیم بویورمش و حساب کزین حضراتنه تعلیم ایتلری کنیدلرینه امر بویورمشدر . تا بایزید بسطامی قدس سره حصر تلرینک زمانه کانهجه قدر بو طریقت علیه « طریقت صدیقیه » نامی ویرلمشدر . وقتا که جناب شاه نقشبند بخاری قدس سره افندیمره کانهجه « طریقت نقشبندیه » ، باخود « طریقت نقشیه » دینلمشدر .

کذلک داماد جناب نبوی امام علی کرم الله وجهه افندیمره دخی ذکر جهری تعلیم بویورولوب سائر اصحاب کرام حضراتنه ده تلقین ایله ملرینی فرمان بویورمشدر . امام جعفر صادق ، حسن بصری ، معروف کزخی ، عبدالقادر کیلانی قدس الله اسرارهم حضراتی کیی رجال فخامه اوغرایارق زمانمزه قدر تسلسلاً کلشدر . و بوهی ایکی سلسله جلیله تواتر ایله ثابت اولمشدر . متواترک جف القلم انکارنی و حکمتنک نه اولدینغی و جزاسنک نه درجه لرده آغیر بولوندینغی و اعظ خواجه افندی اگر بیلیمور ایسه خادمی مرحومک شرخندن اوکر نه بیلیر . علاوه اولارق شونی ده عرض و بیان ایدلم که طرق علیه دن بر طریقت علیه به انتساب ایدنلر حقنده یا کلش بر یوله ضامشدر دیه بلا پروا تقوهاته بولونمق بویوک بر جسارت و نه بویوک بر جهالتدره چونکه بونلر « الله الله » دیه یا نام اقدس الهی بی ، یاخود « لا اله الا الله » دیه رک قلباً و قالاً کله طیه توحیدی یاد ایدیورلر ، ثاب و مستغفر اولیورلر ، ذکر الله ایله اوقاتکنزار اولیورلر ، اوقات خمسینی کمال

طهارت و دوام جماعتله ادا ایدیورلر . بویه اعمال خیریهده و افعال خیریهده ، افعال مرضیهده بولونمق شرعاً ، عقلاً ، عرفاً ، حکمته قباحتمیدر ، بو حاللرک هانکیسی خلاف شرعشیرفدر ؟ بولنلرک هانکیسی یا کلش ایسه خواجه افندی لطفاً بیان وایضاح ایتسون ده مستفید و مستنیر اولالم ! ..

[ حب درویشان کلید جنتست ، دشمن ایشان سزای لغتست ]  
مضمون حکمت مشخونجه بر خیلی کتب معتبره ده اشاره ، یاخود دلالة دکل ، بلکه صراحة مذکور و مسطوردر که طرق اولیاء اللهی انکاره تضدی ایتک « نعوذ بالله تعالی » سوء خاتمه یی موجب اولور . سز و طیفه عبودیتکزه و عبادت و طاعتکزه « ولا یخافون لومة لام » آیت جلیله سی موجبجه اصلا فتور کتیرمیه رک دوام ایدیگز . منکر طریقت اولانلر عن قریب پیران عظام حضرانک ضربه شدید سیله تأدیب اولونا جقلدر . اخوانکزه سلام مخصوص ایدرم . باقی السلام علیکم ورحمة الله ! ..

### یوز اوتوز سکزنچی مکتوب

المعروض :

مکتوبکزی آلام ، ریا ، کبر ، عجب ، کین ، حقد ، حسد ، عداوت کبی نفس اماره نک اخلاق ذمیمه و اطوار قبیحه سندن شکایت ایدیورسکزن اوت ، حقکز واردر . « قد افلخ من زکاکها و قد خاب من دساها » آیت جلیله سنک ماصدقه واقف اولوبده شکایت ایتمین بر فرد وار ایسه اوده استقبالی دوشونه مین یا بر چوجوق و یاخود بر

مجنوندر . شوقدر وار که تذکیه نفس و تصفیة باطن کبی بر مقصد اقصانک ، بر سلامت عظمانک ، بر سعادت ابدیه اخرانک ، بر علت غائیة اولیانک آز بر زمان طرفنده حصولی ظن ایلک دوعرو اولماسه کر کدر . زیرابر خواجه ویا بر دوقتور اولمق ایچون مدارس و مکتبده اون اون بشر سنه لک بر مدت سعی و غیرت متادیهده بولونما یا نلر مقصدلرینه نائل اولاما یا جقلری بدیهیدر .

حق جل و علا حضرتلری کتاب مجیدنده : « والذین جاهدوا فینالهدیههم سبلنا » بویوریور . شو حالده هدایه مواصلتی نفس و شیطان ایله مجاهدهیه تعلیق بویورمش اولیور . ایشته آنحق بو مجاهده سایه سنده نفسی ، اماره لکدن ، لواحه لکدن ( ملهمه لکدن ) قورتاروب درجه اطمئنانه ایصال ایدلمسنی اراده بوریور . بوندن صوکره « فادخلی فی عبادی وادخلی جنتی » آیت جلیله سیله تبشیر بویوریور مع مافیه « انما الاعمال بالنیات » حدیث شریفی طریقت عالییه هنوز انتساب ایدن مبتدیلر ایچون بویوک بر امید بویوک بر بشارتدر .

مثلاً : بیت الله الحرامی زیارت مقصد خالصانه سیله عازم راه اولان بر مؤمن زیارته موفق اولمدن وفات ایدرسه « فقد وقع اجره علی الله » آیت کریمه سیله مبشر اولدینی کبی تذکیه نفس نیت خالصه سیله طریقت علیه بسلوک ایدنلر دخی عمر وزماننک عدم مساعدده سندن ناشی آرزولرینه بحق نائل اولمادن سفر آخرت ظهور ایدرسه کذلک نیتی مقابلنده مأجور و مثاب اولاجنی شبهه سزدر . بناء علیه جناب حقل یک قیمتی اولان بو لطف و احسانه مقابل مبتدیلر عظیم تشکرده بولونما یلدر .

اولیاء الله کرام حضرانک یکریمی اوتوز وداها زیاده سنه لک

عبادتلری، طاعتلری، ریاضتلی غریبتلری، محنتلری، مشقتلری و بوندک محصولی اولان تزکیه نفس مقامی خانه لرنده، کاشانه لرنده راحتلرنده، حضورلرنده، ذوق و صفالرنده آرامامالیدر.

صیرایی کلمش ایکن شونی ده عرض وافاده ایده لم که: قطب ربانی، غوث صمدانی، هیکل نورانی عبدالقادر کیلانی قدس سره افندیمز حضرتلری «بقدرن تشریکم اینج» بویورمشلردر. بو کلام معانی اتسامک خلاصه معنایی بودر که: بنم مغازدم زنکیندر، متاع چوقدر. صائمقله بیتوب توکنمز، لیکن مشرتیلرم نقد موجودلری تمبشتند بنم مغازدمدن متاع و مال آلابیلر، فضله برشی آلامازلر. دیمکدر.

ایکنجی برشکایتکز دخی: «ان الصلوة تنهی عن الفحشاء والمنکر» نص جلیلک سرینه مظهر اولامادیغککزدن عبارت ایدی. صدق الله العظیم. اوت دوغرودر. شوقدروار که بوصلاتدن مراد الهی شبهه سز شرائط ظاهریه و باطنیه بی جامع اولان بر صلاتدر.

«قد افلخ المؤمنون الذین هم فی صلاتهم خاشعون» نظم جلیلی موجببنجه شرائطک المهمی بولونان و انحق طریقت علیه سایه سنده سمیسر اولابیلن خشوع نقصان اولورسه او صلاتک موعود اولان فوائدی مأمول ایتک البته معقول دکلددر.

الحاصل جناب معبود بالحقه عاصی اولمایان بر مؤمن «واعبد ربک حتی یأتیک الیقین» امر جلیله امتتالاً مادام الحیاة عبادتیه دوام ایلر برابر «لکل جعلنا منکم شرعاً و منهاجاً» آیت جلیله سنده کی نامروده اطاعة شریعت و طریقتک واجب اولدیفنه قانع و بوقناعی

قولاً و فعلاً اثباته خادم اولمالیدر. وفقنا الله تعالی وایاکم آمین. طریقت علیه نقشبندییه حسن قبول و اوراد واذکارینه مداوم اولدیغکیزی ده یازمش ایدیکنز، نمون اولدم. فقط معروضات فقیرانه شایان قبول کورولدکن صوکره ایکنجی بر اتسابکیزکدها نافع ده خالص اولاجنی شبهه سزدر. حضرت مولام میسر بیورسون آمین. باقی السلام علیکم ورحمة الله وبرکاته.

### یوز اوتوز طقوزنجی مکتوب

المعروض:

التفاتنامه عالیلری واصل ایادی شکرانم اولدی. وقوع بولان مراجعت اوزرینه قادری درگاه شریفنده تفتی ایلر قیامی ذکرک و دورانک لزومنده کی رأی عالیلری مطالعه اولوندی. فقیرکنز دخی هر نه صورتله اولورسه اولسون ذکر شریفک دوامی آرزو ایدن خدمه درویشاندن اولدیغم البته معلوم فاضلانلریدر.

استعید بالله «الذین یذکرون الله قیاماً و قعوداً و علی جنوبهم» آیت کریمه سی هر نه قدر ادای صلاتک قدرتی اولانلر اچون قیاماً عاجزلرک قعوداً، قعوه اقتداری اولمایان خستکانک یاتاقلرنده کی نمازلرینک شایان قبول اولاجنی مبشر ایسه ده هیچ بر دقیقه لری بیله فوت ایتمین اولیاء اللهک دوام ذکر و استغراقلریله ده تفسیر بویورلمشدر. ایشه بوکامبیدر که علیه الصلاة والسلام افندیمز حضرتلریله بالجمله خلفای کرام و اصحاب ذوی الاحترام حضراتک حین اجتماعلرنده قعوداً یا بمش اولدقلری ذکرک انحق قعودک افضلیته دلیل اولابیلر.

یوقسه آیت جلیله نك افاده ایتكده اولدینی قیامی ذكرك جوازی  
ابطال ایدمهز . اولیاء الله تعالینك بعضیلری سلطان اذكارك تحت تاثیرنده  
بولوندقلری دورده لرنده توپلرینه ، طرناق لرینه وارنجیه قدر وجود لرینك  
هر بر ذره سی ذا كر و بلكه ده متحرك اولمقله برابر غلبه و جكد  
تضییقه مقاومت قابل اولامادیندن یالكنز قیام ایله ویاخود دوران  
ایله تشفی صدر ایدمهكلی انتظامی التزام ایتیهرك مختلف حرکاته  
بولوندقلری دخی جای انكار دكلدر .

شوقدر واركه سلطان الادكاره واصل اولماق له برابر تكالیف  
شرعیه و اوامر الهیه لرینی بحق ادا ایدمه یں عوام ناسك كمال انتظام  
ایله یامقده اولدقلری حرکاتك خواص مشارالیه مك غیر منتظم اولان  
حرکاتیه قابل تألیف و توفیق اولامایاجنی بدیهیدر . نتیجه اولارق  
عرض وافاده اولونوركه منسوبین طریقت علیه نك درجه حرارت  
و محبت لرینه و یا خصوص عملدن دها زیاده حائز اهمیت اولان حسن  
نیت لرینه واقف اولمایانلر بو کی بر مسئله دینی نك لهنده ویاخود علیه نك  
بر قرارك اعطاسنه جسارت ایدمه جكلی دخی طبیعیدر . انجق  
سلطان العاشقین ، برهان الواصلین ، محبوب سبحانی ، غوث صمدانی  
عبد القادر جیلانی قدس سره حضرت لرینك روضه روحانیه و مرقد  
نورانیه لرله مباهی اولان بغداد بهشت آبادك درگاه شریف لرنده مشهود  
یابصره فقیرانه اولان ذكرك شریفك یالكنز قعوداً و كمال ادب و فرط  
سكونت و وفار ایله سنت سنیه نبویه به تمامها توفیقاً اجرا بویورولدیندن  
فقیر كز دخی بومسلك مستقیمك خارجنه چیغمق جسارتنده بولونامام  
مع منافیه ذات فاضلانلری معروضات داعیانمه كسب اطلاع ایدنجه  
طیرف غالب لرندن ویریه جك حكیم و قرارك داعی مخلص لرینه ابلاغ

بویورماسنی رجا و دائماً سموع سامعه افتخارم اولان محترم التفاتك كزك  
دوام و بقاسنی استرحام ایلرم . باقی السلام علیكم ورحمة الله وبركاته .

### یوز قرقچی مکتوب

بسمه سبحانه

(الدين النصيحة) حديث شریفنی تقدیر ایدن مشائخ کرام و علماء  
ذوی الاحترامه عرض وافاده اولنوركه حامل ورقباره فقیرانم موسیو  
قارل و مت غربك معروف واصحاب و قوف سیالرینك معتبراندن  
اولوب سنین عدیده دنبری مطالعه لرینه وقف وجود ایتمش اولدینی  
کتب سماویه و مؤلفات متعدده سی صوفیه نك آثار جمیله سندن اوله رق  
حق سبحانه و تعالی حضرت لرینك وحدانیتنه و قرآن عظیم الشانك  
کلام الله تعالی اولدینغه و محمد علیه الصلاة والسلامك بر نبی آخر زمان  
بولدینغه ایمان و اعتقاد حاصل ایتمش و محضاً بر غیرت دینی و بر حیت  
جیلیه سنك سائقه سیله بتون غربیلرک دخی بو حقیقته نائل اولملری  
ایچون هر دورلو فداکارلنی اختیار و شرقده موجود بولسان علماء  
دینی و رجال صوفیه نك علوم و عرفاندن اقتباس ایدمه جکی فوائدی  
ابنای جنسنده تشمیل ایتك اوزره واسع برسیاحته ابستار ایله مشدر .  
ازان جمله استانبولده کاشن و کلامی نامیله معروف درگاه فقیرانه کلهرك  
تقریباً اون بش کون مقداری مباحثه علمی و مصاحبه جسمانیه ده  
بولندیلر عالم شرق ایله عالم غرب میاننده کی مبادیت دینی و مخالفت  
مذهبی نك رفع و ازاله سی خصوصند کی آرزو لرینی بیان ایلدیلر و بو  
مقصد اعلی و مطلب اجلانك حصصولی ایچون لازمکن سعی غیرت



و شرفده موجود و معروف اولان مشائخ کاملین و علماء عاملین  
زبارت مقصدیله بر زمان سیاحتده بولنه جقارینی سوبلدیلر جناب حق  
و هادی مطلق حضرتلری سعلیرینی مشکور پورسون آمین .  
معلوم اولدینی اوزر بو مثللو اصحاب غیرت و حیت دینیله سنک معاونت  
علمیه لری منوران اسلام و ورثه انبیاء کرامک فریضه ذمت و وظیفه  
نظیفه وراثت لری بولندیندن امید ایدرمکه ملاقی اولدینی ذوات  
کرامک مظهر حرمت و مساوت لری اولقی صورتیله ده دین مبین  
اسلامک علویت و قدسیتنه شاهد اوله جقاردر و من الله تعالی التوفیق .

### یوز قرق برنجی مکتوب

بسمه سبحانه

( علماء نصرانیه دن اهتدا ایتمش اولان برذاته یازلمشدر )  
در جریده حوادث منظور نظر فقیر حقیر کردید که بعین عنایت  
ازلی و محض هدایت لم یزلی افتاب حقیقت رخشان و قلب ایشان را بنور  
ایمان فیض افشان فرمود و همین خادم در ایشان را بدین وسیله مدیون شکران  
کردانید آری ذاتی ستوده صفاتی که حسباً نسباً علماً عرفاناً کسب  
امتیاز نموده و حقایق ادیان را بادقایق و وثایقش احاطه فرموده زبده  
تحقیقات و عمده تبعاتش دین مبین اسلام را ترجیح و تنسیب فرمودن  
لاشک عالم انسانیت را بر اه هدایت در درنگ بدهات دلالت و ترغیبست  
بناء علیه تشکر میکنیم هادی حقیقی راصیمی تشکر میکنیم قال صاحب  
المنیر و المحراب علیه صلوات الملك الوهاب اللهم اعز الدین بعمر بن الخطاب  
معلوم جناب عالی باشد که تشرف همین فقیر حقیر با چنین دین مبین سعادت

تخیر مبنی بر افسانه جاهلانته ( هکذا وجدنا آباءنا نبوده بلکه نتیجه  
اولیه عقلیه و فلیه و محصول مطالعات کتب سماویه ایست که از شائیه تحریف  
مصون و یقواعد منطق و حکمت مقرونند اللهم ارنا الحق حقاً و ارزقنا  
اتباعه و ارنا الباطل باطلاً و ارزقنا اجتنابه اکنون از اصحاب عقل سلیم  
و ارباب فکر مستقیم التماس دارم که بعین بصیرت نکاهی نمایند دینی که  
کافه کالات جسمانیه و محسنات روحانیه را جامع باشد مانند توحید صانع  
و تعمیم معدلت تشمیل مرحمت تعظیم اکا بر تلطف اصاغر تکریم مسافر  
صله اقارب سخا، وفا، حیا، عطا، کذا و کذا دینی که مجموع سفلیات  
انسانیه و فحشیات نفسانیه را مانع باشد مثل تجبر تکبر جهالت عطالت  
نمیه قتل نفوس هتک ناموس زنا و اذا جفا و ما شبه ذبا دیانی که مملو  
از خرافات مقدوحه و تهی از کالات ممدوحه باشد چه مناسب دارد دینی که  
نخستینش یا ایمان بوحدانیت خدا آراسته دینی که اساطینش با ازعان  
بحقانیت انبیا پیراسته بادی که اصولش از روی انکار فروغش از روی  
استکبار است چه مشابهت دارد انکار نصارا محمد مصطفی را از وجود  
بیسود یهود عیساراً چه تفاوت دارد ( افتونا مأجورین )

( سخن بیش نکفتم غم دل ترسیدم : ورنه درد دفتر عشاق سخنی  
بسیار است امید از خدا و نت مجید همین است که ذات معارف صفات ایشان را  
بفجوا ی آیت جلیله ( ان الذین قالوا ربنا الله ثم استقاموا تتنزل علیهم  
الملائکة الاتخافوا ولا تحزنوا و ابشروا بالجنة الی آخره ) کمال استقامت  
احسان و جسم و جان ایشان را به اتباع شریعت در دنیا و آخرت خرم  
و خندان فرماید یاقی السلام علیکم .

### یوز قرق ایکنجی مکتوب

چنانچه مسموع خواص و عوام معلوم علمای ذوی الاحترام است که

خدای عظیم در کلام قدیم ملت معظمه اسلام و امت محترمه جناب سید الانام را بخطاب مستطاب (کنتم خیرامة) ممتاز و بهمین بشارت سر اسر سعادت این طائفه را بین الامم سرفراز فرمود لکن باید بدانیم که همین خطاب کسی را نیست که سمند سرکش نفس راسوار و شاهد نازنین شریعت و طریقت را بقرار گردانیده حاشا اینها در نظر اهل عرفان و در لسان اصحاب وجدان بجز تابعان نفس و شیطان چیزی دیگر و از جانوران و حشی بهتر نیستند بلکه خطاب عزت کسی راست که ظاهرش را بحصول علوم و فنون نافع آراسته و باطنش را باخلاق حسنه و اوصاف مستحسنه پیراسته فکر و ذکرشان توسیع دائره دین و هم و همتشان تأمین سعادت و سلامت موحدین است (اللهم اجعلنا منهم) حیف که اکثر شبان و بلکه بیشتر از انبای زمان ازین نکته شکفته غافل و از حکمت بعث فخر الانبیاء جاهل مانده اند قال علیه الصلاة والسلام (بعثت لائم مکارم الاخلاق) حضرت حق سبحانه و تعالی از محض عنایت و علو مرحمت اولاً ساحه زمین را بنور نبوت منور و تابعان او را بسعادت دنیوی و سلامت اخروی مبشر گردانید ثانیاً مابنده کائنات کلام قدیمی عطا فرمود که منبع فیوضات و جامع جمیع کالات باشد آیات شریفه اش جسم آدمیان را جان و بینات منیفه اش باعث انتظام هر دو جهان شود بنابرین همین خادم درویشان بلکه نام و ننگ ایشان محمد اسعد الخفی مذهباً و التقببندی القادری طریقت اخوان دین مبین و آرزومندان سعادت قرین را بعرض میرساند بقراینکه پوشیده نیست خداوند عالمیان در حضرت قرآن «تعاونوا علی البر والتقوی ولا تعاونوا علی الاثم والعدوان» كذلك «واعتصموا بحبل الله جميعاً ولا تفرقوا» فرمان فرموده است کسی که صحائف تاریخی را نموده رعنا میداند که طائفه عرب بعلمت این که عبارت از عشایر

عدیده و قبائل کثیره بودند پیش از تشرف بشرف ایمان و قبل از تنور بانوار فرقان بغض و عداوت متسلسلاً در نهاد ایشان ساری غارات جاهلیه و محاربات دموییه متبادلاً در پیشان جاری و علاوه همین بقراری نائره فقر و احتیاج نیز در جگر کاهشان مستولی بوده و قتی که سید کائنات و مفخر موجودات علیه و علی آله افضل الصلوات و اکمل التحیات ظلمت افقهای عرب را بنور نبوت رخشان و سوخته کان جهالت را بزلال معرفت ریان فرمود آیات کریمه را رهبر و احادیث شریفه را دستور العمل نمودند عداوت به محبت، بدویت به مدنیت فقر و ضرورت به وسعت معیشت مبدل شد ارکان عدالت را تأسیس و انوار مدنیت را تعمیم کردند بحدی که دولت روم و ایران قدیم که قدرت و عظمتشان مسلم انام و شکوه شوکت ایشان مشهود باصره خاص و عام بود همه را در اندک زمانی تار و مار کردند لرزانیدند و دائره فتوحات شان بمتمهای آسیای وسطی و آوروپای جنوبی رسانیدند عالم شرقی و غربی را مطیع فرمان و خوسه چین مائده عدل و احسان نمودند اعلائی کلمه الله کردند سعادت بشریه را از حسیض عدم بذروه کمال رسانیدند جمعی تجارت صنفی به بصناعت قومی به زراعت چندی به کتابت بعضی به طبابت یعنی هر فردی از افراد ملت بنوعی از خدمت و بحسن نیت بنوع خود را مظهر معاونت گردانیدند بنای اخوت را تأیید و اساس مدنیت را تأسیس فرمودند و از روی صداقت و عدالت کوی توفیق و سعادت را در میدان مسابقت در بودند شکر الله سعیم و ضاعف اجرهم آمین: اکنون جای آنست که خون موج زند در دل لعل زین تغابن که خزف میشکند بازارش و اسفا هان بازقه ترقی کج گرفت و همین صاعقه تندی از کجا آمد حیفاً همان صعود صاعدا چه شد همین هبوط هائل چه خواهد شد دریغاً که

از خصوص تدقیق و تجسس این فرق بسیار و علت همین خسار بیشمار  
یای متجسسان را لنگ و میدان متخصصان را خیلی تنگ می بینم قال الله  
تبارک و تعالی فی کتابه الکریم « ان تنصروا الله ینصرکم » بتکرار  
عرض میشود که تعالی ملت اسلام و تقوی امت خیر الانام اگر  
متصور باشد حصراً در اطاعت علیم علام جل شانہ و اتباع سنن سنیه  
واجب الاحترام میسر خواهد شد قومی که شریعت مطهره را حکمران  
اقلیم ظاهر و طریقت منوره را نکهبان مدینه خاطر گردانیدند لیک  
کویان خود را یکجبه مقصود رسانیدند و بصفای خاطر در بیت الحرام  
سعادت عظمی آرمیدند و از آیات بنات تعاون و اتفاق یکام دل رسیدند  
و ما احسن ماقال دولت همه از اتفاق خیزد بی دولتی از نفاق خیزد  
دیگر چه عرض نمایم سخن بیش نکفتم غم دل ترسیدم ورنه دفتر  
عشاق سخن بسیارست اکنون از جناب قادر بزرگوار و مدبر امور  
صغار و کبار همین رامی طلبم که معروضات فقیر خاکسار را بنظر  
یاران دیندار بل بسمع اعتبار اخوان اولی الابصار قارئ و بختیار فرماید  
یعنی اساس اتفاق را در میان اهل اسلام تأسیس و بنای اتحاد را در نهاد  
یاران کرام تأیید و بهمین تقریب مؤمنان را الی مدید الزمان از تعاون  
یکدیگر مستفید گرداند و ما ذلك على الله بعزيز ولا حول ولا قوة الا  
بالله العلی العظیم و صلی الله وسلم علی سیدنا محمد وآله وصحبه والتابعین  
و آخر دعوانا ان الحمد لله رب العالمین .

یوز قرق اوچنجی مکتوب

بسمه سبحانه

یا من زین مفارق الدقائق بشقایق البلاغة والبيان وكشف الاستار

عن بصائر ارباب العرفان بكحل جواهر الحقائق والبيان فسبحان من  
اودع في قلوب الظرفاء در اصناف البدایع فی اصداف الازهان بفیضان  
اقطار امطار الکریم وروایغ الاحسان وبعثت من مازلت بزال وصاله ظمآن  
مکیه و نفحاتها مسکيه الى حضرت من مازلت بزال وصاله ظمآن  
وما برحت بر شهوات جماله عطشان هو انه لما کنا فی ترقب وانتظار  
لورود نباء من سیاه خیار عن خیار اذ جائنا من جنابک کتاب کریم  
کأنه الدر النظیم وجدناه روضة مملوءة من الورد الاحمر والبنفسج الازهر  
فروح وريحان وجنة نعيم کف لا وهو مسحون بعرايس الانظار  
ونقايس الافکار ( بیت ) معانيه ضوء الصبح اما سواده فیل مغشى  
بالنجوم الزواهر مبانيه قداسکرن کالراح مهجتي و اطربن روحي  
کاصطفاق المزامر کالمسک يفوح وکالبدر يلوح جزا کم الله خيرا ووفقي  
واياکم لما يحبه ويرضاه آمین . مولانا تفضلتم علينا باظهار الاشفاق  
والاخبار عن الاشتياق واما انا فوالذی احرق قلبی بنار اشتياقکم  
واغرق جسدی فی بحار دموعی من شدائد فراقکم لا يمر علی وقت  
الاوذ کر کم اینسی ولا يعبر علی حین الا و شب حکم جلیسی فلم ازل مذفارقکم  
لیلا ونهارا کأني اریق من عینی الدموع انهارا فسبحان من ارسل السما  
علی مدرارا وعظمتکم غندی شرفا ووفارا نسئل الله الکریم ان ینعم  
علینا بالمقابلة والمواصلة والاستغناء عن المکاتبة والمراسله انه علی کل  
شیء قدير وبالاجابة جدير نعم المولی ونعم النصیر .

یوز قرق دردنجی مکتوب

الی حضرت مولانا ومن هو فی الحقیقة اولانا من تطرز نقش بنده

بالاسماء الحسنى وتقرّد في عالم التجليات بالحل الاسنان ذى النفحات الرائقة  
والرشحات الفاتقة فصوص خاتم الوراثة وفتوحات ابواب الدراسة الافضل  
الاعلم والاكمل الافخم فلان افدى المحترم جعل الله تعالى ذكره خالدا  
وابقاء كما هو حقّه ماجدا آمين . غب اهداء السلام الثام المشوب بمزيد  
العزّو والاكرام هو ان المطلب الاعلى والمقصد الاجلى الاستعلام عن  
ذلك المزاج المربوط بالعالم الاقدس والوجود الذى محل الفيض المقدس  
وثانياً قد ورد الينا كتابكم الشريف وفهنا خطابكم اللطيف فحمدنا الله  
تعالى على بقاء توجهاتكم القلبية وصفاء اشاراتكم الالهيه وشكرنا الله تعالى  
على التعارف الروحي والائتلاف الفتوحى فان تعارف الارواح وسيلة  
لمعارفة الاشباح فالأموال من جنابكم دوام رابطة الاتحاد وان لا تنسا من  
صالح الدعوات ولوطال البعاد مع قيدنا في جريدة المحبين الصادقين وعدم  
اخراجنا من دائرة المخلصين المخلصين حسبنا تعرفوه من خلوصنا الاكيد  
وافقارنا المستزيد ولعل الدعوات تكون وسيلة الى تقرب بساط الملاقات  
وباعثة الى حصول وسول المباهات جعلنا الله تعالى واياكم من الواصلين  
المهجورين ورزقنا واياكم حلاوة الواجدين الفاقدين وكل ذلك بكمال  
المتابعة المصطفوية عليه وعلى اله الصلاة والسلام والتحية فان ماسواها  
او هام باطلة وخيالات فاسدة نجانا الله سبحانه واياكم عنها وعن جميع  
الآفات بحرمة من رقى بصفو اعلى الدرجات وبلغ بهيمته منهى المقامات  
عليه وعلى اله الصلوة والتسليمات .

يوز قرق بشتجي مكتوب

بسم الله الرحمن الرحيم

الحمد لله الذى جعل قلوب اولادك اكسيراً للوجود وصيرا لاقتداء

يهداهم سلماً للترقى الى سماء الصعود والصلوة والسلام على من خصه الله  
تعالى بالمقام المحمود وعلى آله واصحابه القائمين في مقام الركوع والسجود  
اما بعد فقد وصل المكتوب المرغوب من قبل اخينا الاعز المحبوب الداعي  
للدوام دولتكم العالى اعني به امين افدى وجدته كتاباً مشحوناً بأزهار  
تنورت بها عيون النظر وخطاباً مقروناً باظهار التشكر لحضرتكم  
مع الافتخار عبادة عن اقتطاف اثمار العناية من دوحه في روضة عنوانها  
هداية حاكياً عن فرط عاطفتكم الجليلة وباحثاً عن مزيد مراحمكم الجميلة  
فبشرى له ثم بشرى له ام فطوبى له ثم فطوبى له لانه صار الآن بحمد الله  
سبحانه وتعالى مستتيراً بأ نوار الاولوية ومستفيضاً من منابع العناية  
فرفعنا ايدي التضرع والاسترحام لدى باب الملك العالم العالم ان يقيم  
وجودكم في كنف الايمن والايمان ويديم صعودكم الى مراتب القرب  
والاحسان فالأموال من هم حضرتكم العالية القابلة لظهور الكمالات  
العالية ان لا تنسا ايضاً من التوجه والالتفات لاسيما من صالح الدعوات  
في الحلاوة والجلوة لآن الفقير المطروح ابكى وانوح واقول يا قدوس يا سبوح  
يايدنا فاجهاد النفس بنصر وفتوح وصفاء قلب وسروخنى وأخفى وروح  
بمجد ابراهيم وموسى وعيسى ونوح صلوة الله وسلامه تعالى عليه  
وعليهم اجمعين وآخردعوانا ان الحمد لله رب العالمين .

يوز قرق آلتنجى مكتوب

بسم الله الرحمن الرحيم

الحمد لمن نور جبين الافراح في مشارق الصدور بطلوع شمس

العلماء العاملين والشكر لمن نضر رياحين الأرواح في بساتين الدهور  
بزال جمال الفضلاء العارفين وبعد تقديم أكمل الذعوات وأوفرها بل  
واحسنها واجمل التسليمات والطفها بل واشرقها هو أنه لما كان الفقير  
المسكين الأليم بل الحقيير الحزين السقيم في ترقب لصدور خطاب  
عظيم من ذلك الجنب الكريم وصاحب الخلق السليم إذا ورد غلينا  
كتاب مستطاب فنلناه فوائد أولى الأبواب لأنه كتاب اجمل بغير  
فوائده المسك الفواح واشكل الأمر بانوار بدايمه على المصباح سواده  
نور وبياضه سرور نوره طور وسروره موفور والطور وكتاب  
مسطور في رق منشور لقد اورثنا غاية السرور ونهاية الجور تشرفت  
بعبارة عيون الأعيان وتشرفت ببرعته آذان الأذهان كيف لاوانه  
مع كونه متضمناً لجواهر الحقائق الاتيه من عوارف معارف ذاتكم  
الأديب ومحتوياً لزواهر الدقائق الجسائية من غرائب رغائب جنابكم  
الأريب منبأ عن نقائس عرائس اللطف والأحسان ومخبراً عن سعادة  
سلامة الأخوان الحلان الحسان فرفعنا يادى التضرع والاسترحام ودعوة  
للك السدة السنية والحضيرة العلية الكرام بأن يديم وجودكم العالى ويبلغكم  
المقام الذى هو اعلى الأعالى وإن يرزقنا فتحات الوصال ودرجات الجمال  
التي هي عندي من اخص الآمال ونهاية الأقبال انه على كل شئ قدير  
وبالاجابة جدير والسلام عليكم ورحمة الله وبركاته .

يوز قرق يدنجى مكتوب

هدأ لمن نضر رياحين الافراح في ارواح المتحايين فيه بجميع  
الازمان وبور افدتهم وابصارهم بظلال عرشه ووصال دولة جماله

في الحشر وفي دار الجنان وصلاة وسلاماً على صفوة خلقه وسيد اجابه  
من جاء بأجل الآيات واتم المعجزات وعلى آله واصحابه البررة النقيه  
وذوى النفوس الزكية والمناقب السنية وعلى من تبعهم باحسان الى  
يوم الدين آمين يا محيب السائلين وبعد فقد وصل إلينا كتابكم الكريم  
كأن بذته من مسك وختامه من تسنيم اذ كان مشحوناً ببشائر طافية  
ذاتكم العلية شاملاً بمحاسن الظنون وتوجهاتكم القلبية ومشتماً  
على اسامي الاخوان الكرام اصحاب الكمال فرفعنا يادى التضرع  
والابتهال ودعونا لكم ولهم اطراف الليل وآناء النهار ومن الله تعالى  
الغاية والقبول انه اجل مسئول واكرم مأمول هذا وان تسئلوا عنا  
فله الحمد انا سالمون ولمشاهدة جمالكم مشتاقون وارجو ابلاغ وافر  
دعواتي ومزيد تحياني لجميع الاخوان بطرفكم ولمن يلوذون بمحطابكم  
وان لا ننسونا من صالح الدعوات وراح التوجهات ودمتم يا اجل النعماء  
في اليوم وفي يوم الجزاء .

يوز قرق سكرنجى مكتوب

نحمدك يا من تجلى بالمحبة لخواص اوليائه الكاملين فرفع لهم الحجاب  
وادخلهم في عداد عباد المخلصين المخلصين ونصلى ونسلم على سيد المحبوبين  
وصفوة الخلائق اجمعين وعلى آله واصحابه اهل الهدى واصحاب اليقين  
وعلى التابعين ومن تبعهم باحسان الى يوم الدين آمين .

اما بعد فقد وصل إلينا من هاتيك الرحاب كتاب مستطاب تناولنا  
بايدى المسرة والشكران فحمدنا البارئ تعالى على ما اوليناه من عميم  
الاحسان فلازلن مأجورا ولازال سعيكم مشكوراً وما تلتقيتموه من طرف

ولنا التبلي والوكيل عنا في الطريقة اعنى به الحاج عاصم بك افندي  
ان شاء الله تعالى مقبول ويكون سبباً للترقيات المعنوية والتفيض من منابع  
الطريقة العلية واسئل الله تعالى ان يقيمنا بما يحب لكم علينا من كمال المحبة  
والدعوة الصالحة وان يزدادكم شوقاً واهتماماً بالاذكار الشريفة والروابط  
القلبية المنيعة ودمتم محفوظاً ومحظوظاً آمين .

### يوز قرق طقوزنجي مكتوب

نحمدك يا من رفعت نجوم العماء في سماء العرفان ونشكرك يا من جعلت  
علوم الفضلاء شمس الايقان ونصلي ونسلم على نبيك المعجز ببلاغته  
فرسان البلغاء في ساحة الميدان وعلى آله المحرز فصبات السبق بمجودة  
الايقان وبعد فقد وصل المكتوب الشريف الى الفقير النحيف وجدته  
كتاباً مشحوناً بغرائب نكة سمحت بها الانظار وخطاباً موشوفاً  
بعجائب فقر تنورت بها عيون النظائر جارت الازدهان في استطلاع  
زواهره وانواره وتفاخرت الافهام عند استكشاف نواذر وجواهره  
بادرت الافكار لكشف استناره وتسابقت الحواس في رفع حجبته واستار  
فكانت لطايف معانيه سبباً للجبور وصارت ظرايف مبانيه وسيلة  
للسرور فكانه النور فوق النور لازال سعيكم مشكور واجركم موفور  
بجرمة سورة النور وسيرة ارباب الحضور فان كمال هؤلاء الاكابر فوق  
جميع الكمالات ونسبتهم فوق جميع النسب والاعتبارات رزق الله  
تعالى واياكم الحضور مع المطلوب الافدس ويسر لنا بجمعهم التوجه الى  
الجناب المقدس لان النبي المكرم صلى الله عليه وسلم قال ( المرء مع  
من احب ) فطوبى لمن احب اولياء الله ولم يبق في قلبه التوجه الا الى الله .

وكان في سره مع الله كائن وفي روحه مع الناس بائن وهذا هو المقصود  
من الصو في الكائن البائن فمن تشرف باتباعهم فقد فاز فوزاً عظيماً  
ومن تخلف عن اقتفائهم فقد خسر خسراً ميذاً قالمول من هممكم  
العالية القابلة لظهور الكمالات كمال المتعابة والموافقة لهؤلاء السادات  
وان لا تنسانا من الدعوات الصالحة وصالح الدعوات .

### يوز النجى مكتوب

حمداً لمن عشق في الازل بأحذية لواحدية وكانت المحبة الذاتية  
سبباً لخلق الموجودات وصلاة وسلاماً لمظهر كوامل التجليات  
وه مصدر جميع الكائنات سيدنا محمد الذي جئنا باجل الآيات وأتم  
المعجزات وعلى آله واصحابه الكاملين وعلى التابعين ومن تبعهم  
باحسان الى يوم الدين اما بعد فقد تناولت بايادي الحسرة والامتنان  
كتابكم الكريم وتشفت آذان القلوب من سماع لذيد خطابكم العميم  
فحمدت الباري عز وجل على ما اولانا به من القبول ومن مزيد  
الطافكم العلية وتوجهاتكم القلبية وعلى ما اظهرتموه من كمال الاشواق  
ونهاية الاستيقاق لمتابعة السنة السنية والسلوك في مناهج الطريقة العلية  
واسئله تعالى دوام التوفيقات ومزيد الترقيات لحضرتكم وللبائرا الاخوان  
الكرام وان يوفقنا للقيام بما يحب علينا من دعواتكم الحيرية وملاحظاتكم  
القلبية ومنه تعالى القبول انه اجل مسئول واكرم مأمول والمرجو  
دوام الرابطة والتوجهات ودمتم باجل اللطاف واتم العنايات والسلام  
عليكم ورحمة الله تعالى وبركاته .

## يوز اللى برنجى مكتوب

بسمه سبحانه

حمداً لمن ألف بين القلوب وان بعدت المسافة واسبع على المتحابين.  
فيه نعمه والطافه وصلاتاً وسلاماً على منيع الجود ومعدن اللطافه من  
كمل الله اخلاقه بالقرآن واوصافه وعلى آله واصحابه اهل التقى والعفافه  
اضافنا الله الى علامهم وشرفنا بتلك الاضافة اما بعد فقد وصل اليه  
كتابكم الكريم كانه الدر النظيم نظرنا اليه بعين التشكر والافتخار  
ووجدنا لديه معاني التلذذ والاصطيار حمدنا البارى على انعامه علينا  
باخوة ذاتكم العلية وتوجهاتكم القلية وتضرعنا اليه بتوفيقاتكم  
ونيل مقاصدكم البهية ونطلب منكم ايضاً الدعوات الخيرية ودوام  
الانظار القلية وحسب الامر تبين لكم كيفية الاشتغال بالاوراد  
والاذكار فى الطريقة العلية النقشبندية لئلا يستفيد منه الاخوان الكرام  
بسبب تعليمكم وتربيتكم الجلية والحفية وفقنا الله تعالى واياكم لخدمته  
سيد البريت والانباغ بسنته السنية آمين .

## يوز اللى ايكنجى مكتوب

كيف لاحد احدا اروا رياض فلوب العلماء بزال كمال الايمان  
ام كيف لاشكر صمدا احيا ضمائر الفضلاء بانوار جمال العرفان واصلى  
واسلم على من لولاه لما حصل لعالم العلوى معالم التبيان وما وصل العالم

السفلى الى اعلا مراتب الايقان اما بعد فلما كنا فى الترقب والانتظار  
لورود خطاب لطيف من ذلك الجنب الشريف اذا قد جئنا كتاب  
كريم كانه الدر النظيم رأيت روضة مملولة من الورد الاحمر وخبة  
مشخونة من البنفسج الازهر نظرنا اليه بعين التشكر والافتخار ووجدنا  
لديه نعيم التلذذ والاصطبار فرفعنا ايدى التضرع والاسترحام لدى باب  
الملك العلام ان يقيم وجودكم فى كنف الامن والامان ويديم صعودكم  
الى مراتب القرب والاحسان قال النبي المكرم صلى الله عليه وسلم  
(الاحسان ان تعبد الله كأنك تراه فان لم تكن تراه فانه يراك) رزقنا الله  
تعالى واياكم نفحات الوصال ومتعنا واياكم برشحات الجمال فانه كمال  
الاقبال ونهاية الآمال وماسوا ذلك وبال ونكال فالمأمول من جنابكم  
ان لاتسانا من صالح دعواتكم المتوالى فان النبي المحترم صلى الله عليه وسلم  
قال قولاً يفوق على اللؤالى (دعاء الاخ لاخته يظهر الغيب لا يرد)  
يبقى السلام عليكم ورحمة الله وبركاته .

## يوز اللى اوچنجى مكتوب

بسم الله خلاق البرايا وبالرحمن وهاب العطايا وبالرحيم غفار الخطايا  
ابتدأ واقول وفى فسحة الاستعانة اجول بعد اهداء سلام الله الاشنى وغب  
انهاء التحيات الحسنى هوانه لما كنا على الترقب والانتظار آناء الليل  
واطراف النهار لورود جنود البشارات من شاطئ وادى الكرامات اذ جئنا  
كتاب كريم كانه الدر النظيم مرشحاً باخبار العافية وموشحاً بانوار العاطفة  
فسر ناغاية السرور واورثنا الحضور والحبور لانه كان مختوماً بالدعاء والسلام  
ومنظوماً بمجواهر اللطف والاكرام فالمأمول من جناب المولى العظيم وانعامه

العميم ان يجعلنا وياكم من الواصلين الى درجات جنات النعيم في سدر مخضود وطلح منضود وظل ممدود وماسكوب بارد وكريم وان لا تنسانا من صالح الدعوات في اشرف الاوقات وصلى الله تعالى وسلم على سيدنا محمد وآله صلاة تخينا بها من جميع الافاق ودمتم سالمين .

### يوز الى ذردنجي مكتوب

الحمد لله الذي كرم خاص عباده بالقلب السليم وهداهم بنور توفيقه الى الصراط المستقيم فتحلوا به عن المعاصي المرديات ونجوا عن عذاب الجحيم وتحلوا بالمنجيات الصالحات فحلوا به في النعيم المقيم والصلوة والسلام على نبيه ورسوله الكريم الذي ايده الله من عنده بالمعجزات الباهرات والكتاب الحكيم القديم وعلى آله واصحابه الذين جعلهم الله وسيلة الامان عن عذاب الجحيم وذريعة الرضوان بالنعيم المقيم امدنا الله بهم وبآتسائبنا اليهم وحشرنا معهم يوم لا ينفع مال ولا بنون الا من اتى الله بقلب سليم وبعد فيقول العبد الحقير الفقير المحتاج غاية الاحتاج الى لطف ربه الغنى القدير خادم الفقراء التقشبندي والقادريه قدس الله ارواح ساداتهم ومشايخهم السنيه الحاج محمد اسعد ابن العالم العامل والولى الكامل الواقف على حقيقة التوحيد الحاج الشيخ محمد سعيد ابن المرشد الفاني في الله الباقي بالله والمستغرق في حب ربه ومولاه الحاج الشيخ هداية الله الاربلى النقشبى عاملهم الله وسائر العلماء العاملين والمشايخ الكاملين بلطفه الجلى والحنفى امين ان حامل هذه الوثيقة الشريفة والتمقيمة المنيفة اخى وابن ابى عبد الصمد اقدى صانه الله وايانا بلطفه السرمدى قد صاحبني في آوان وعطى ودرسى مدة مديدة ولازمني اوقات فكري وذكرى سنين عديدة في الطرق العلية

النقشبى والقادريه وبما انه قد وجدته منظوبا على جادة الشريعة الغراء ومحتويا على مادة كل من هذه الطرق العلية مستعد القبول الجذبات الرحمانية ومتأهبا للوصول الى اصولها العلية احببت ان يتشرف بالدخول في سلك سلسلة المأذونين فلذلك قد اجزته له بتشكيل حلق الذكر على الطريقين وتلاوة الاوراد وتلقينها لاهلها على الاصولين مع الرغبة لمجالسته الفقراء والاخوان وتقوى الله في السر والاعلان واوصيته بدوام العبودية ظاهرا وباطنا وبكمال التزام السنة السنية وبالاخذ بالعزائم والتخلي عن الرزائل والتخلي بمحاسن الاخلاق والفضائل واجتناب البدع والمحرمات ودوام الحضور مع الله وعدم الغفلة عنه تعالى في جميع الحالات وكافة الحركات والسكنات وبخدمة الفقراء والمساكين وحسن الظن بعباد الله الصالحين وبالشكر على النعيم والصبر عند الابتلاء بالنقم والتوكل على الله والتجمل بشريعة رسول الله صلى الله عليه وآله وسلم فاجزته بكل ذلك وبالاستقامة والثبات على جميع ما هنالك واتى قد اجازني في الطريقة العلية القادريه من هو نور حدة العلماء العاملين ونور حدة عظماء المرشدين والولى السبحاني والمحجوب الرباني حضرت الشيخ السيد عبد الحميد البر فكا في قدس الله سره وهو بحجاز ومأذون ممن هو اوجد المشايخ العارفين والاولياء الراسخين غواص بحار المعارف واليقين قطب زمانه باتفاق الموحدين حضرت الشيخ السيد نور الدين افاض الله بركته علينا وعلى جميع اخوان الدين وقد اجازني في الطريقة العلية التقشبندي من هو اكبر اولى الارشاد وكبار خواص اصحاب الهداية والافاضة للعباد فريد زمانه ووحيد آوانه الذى سرى سره في سراثر الاخوان بالانكبر وجرمى ماء حيات ارشاده في ضمائر منسوبيه ومحسوبيه من الصغير والكبير حضرت مولاي الشيخ طه المنسوب الى وطنه المسمى بناحية الحرير عمرها الله بلطفه العزيز وهو على



كل شئ قدير وقد اجازته الارشاد في الطريقة العلية النقشية المرشد الذي  
تباغت بذاته البهية المشيخة التصوفية وتفجرت من عيون مواريده الفيوضات  
الالهية الذي هو على الحقيقة سارى سيدنا ومولانا السيد طه الحكارى  
قدس الله سره وان السيدين الجليلين المشار اليهما اعنى حضرت السيد  
نور الدين والسيد طه الحكارى عليهما رحمة البارى قد تسلسلت وعلت  
سلسلة اجازتهما الى حضرت من هو واسطة هذا العقد ومؤسس هذا المجد  
فخر المرسلين وخاتم النبيين سيدنا وسندنا وذخرنا وملأنا وقرة اعيننا  
وفوة ظهرنا ومولانا الذي لولاه لما نسجت نسخة العالم على منوال التكوين  
منبع الصدق والصفاء حضرة سيدنا محمد المصطفى صلى الله تعالى عليه وسلم  
وهو ارواحنا الفداء تلقى الاجارة التامة العامة المطلقة عن الملك المكين  
جبريل الامين وهو عليه السلام عن رب العالمين جلت عظمته وعلت كلمته  
وعلى ان يكون ختام هذه الاجازة مسكاً اكرار التوصية لصاحب الاجازة  
اخى المار ذكره بتقوى الله وطاعته وحفظ حقه والاجتناب عن اضاعته  
وبالتوقى عن مهالك المعاصى منياً في ليله ونهاره وقراره وفراره الى مالك  
لنواصى حتى يتيسر له نيل الحكم ويفتح عليه ابواب النعم في الدنيا  
وينجو بذلك عن النقم يوم العرض قال عز من قائل ولوان اهل القرى  
امنوا والتقوا لفتحنا عليهم بركات من السماء والارض وصلى الله على  
سيدنا محمد وعلى اخوانه النبيين والمرسلين وآل كل وصحب كل اجمعين  
امين وآخر دعوانا ان الحمد لله رب العالمين .



رشاد تلو الحاج محمد اسعد افندی حضرت التریک  
آثار سائرہ سندن

---

توحید رسالہ سی

ودیوان اسعد

وکنز العرفان

و رسالۃ الاسعدیۃ

کتابلریدہ بایزیدہ حکاکلردہ کتابچی راشد افندیک دکا نندہ  
صاتیلمقدہ در .